

კოლექტი

1134 /2
2017



2017/ეპიზოდი

5

(259)

ზეზე ფინალისტი
ნაგვანაციი ჩატვირტი

სარჩევი

- | | | |
|----------|----|--|
| პოეზია | 1 | შოთა იათაშვილი ლექსები |
| | 5 | ირაკლი ლომოური რიტმული პროზა |
| | 9 | კატო ჯავახიშვილი ლექსები |
| პროზა | 12 | ზაზა ასლანიძე ანიკო |
| | 16 | ზაზა ფირალიშვილი ნაგვიანები რექვიემი |
| | 28 | ჯონ მაქსველ კუტზე თანამედროვე კლასიკოსი
ანტონიო დი ბენედეტოს "ზამა"
ინგლისურიდან თარგმნა თამარ ლომიძემ |
| | 36 | მანანა ბოსტოლანაშვილი ამელი ნოტომი – "სიტყვების
მიღმა არ ვარსებობ" |
| რეცენზია | 45 | გიორგი ფირცხალაიშვილი ცოტნე ცხვედიანის
„მაიაკოვსკის თეატრი“ |

გარეკანი: მამუკა ტყეშელაშვილი

პრილი

საზოგადოებრივ-ლიტერატურული ასოციაცია
"არილის" ყოველთვიური გამოცემა

The Literary Magazine "Arili"

რედაქტორები
მალხაზ ხარბეგია
შადიმან შამანაძე

მხატვარი მამუკა ტყეშელაშვილი

კორექტორი ინა არჩუაშვილი

კომპიუტერული უზრუნველყოფა თამაზ ჩხაიძე

პროექტის მენეჯერი ეკა ხარბეგია

სარედაქციო საბჭო

რატი ამაღლობელი, ია ანთაძე, ანდრო ბუაჩიძე,
ლაშა ბუღაძე, თამაზ ვასაძე, გიორგი კეკელიძე,
ზურაბ კიკნაძე, ვასილ მალლაფერიძე,
ზვიად რატიანი, ჯიმშერ რეზვიაშვილი,
ირაკლი სამსონაძე, გულსუნდა სიხარულიძე,
ბაკურ სულაკაური, ირმა ტაველიძე,
ქეთი ქანთარია, პაატა შამუგია, ზაზა ჭილაძე.

პრილი - დასასვენებელი სიცმინდეთა

სულხან-საბა

პრილი - მზის შუპი, რამიზე დამდგარი

ქართული ენის განმარტებითი ლექსიკონი

პრილი - თანამედროვე ქართული ლიტერატურის

მარილი

ხალხური



ელექტრონული ფოსტა: info@arilimag.ge

ვებგვერდი: arilimag.ge


გამოდის 1993 წლიდან

© ჟურნალში გამოქვეყნებული მასალების გამოყენება
"არილის" რედაქციის ნებართვის გარეშე აკრძალულია

ჟურნალი გამოდის
საქართველოს კულტურისა და
ძეგლთა დაცვის სამინისტროს
ფინანსური მხარდაჭერით



სახლის ყველა კუთხე-კუნძულში უპრობლემოდ იოლად აღწევს
გვისუფთავებს უჯრებს ზედმეტ ნივთებს გვაშორებს
მერე რა რომ ამ პროცესში
იყარგება ხანდახან რაღაც
დანაკარგი უმნიშვნელოა -
მთავარია რომ სიყვარულით ალაგებს დედა
მერე რა რომ იყარგება ხანდახან ქვაბი - კოპლებიანი
სადაც უნდა მოიხარშოს ჩვენთვის ლობიო
ეგ არაფერი
პურზეც და წყალზეც კი გადავალო
მთავარია დედამ ალაგოს და უხაროდეს
გრძნობდეს რომ გვერდში გვიდგას მუდამ და გვეხმარება
მერე რა რომ იყარგება გასაღები ხანდახან და
გარეთ ველარ გაგვილნევია
ეგ არაფერი
ვისხდებით სახლში
მთავარია დალაგების ის აზარტი
რა აზარტმაც გასაღები უცებ გააქრო
მერე რა რომ იყარგება ზოგჯერ პასპორტიც
და მიფრინავს თვითმფრინავი ლაიფციგის ფესტივალისკენ
მე კი აქ ვრჩები
ეგ არაფერი
მთავარია მოხუც დედას საზრუნავი არ გამოელიოს
მთავარია მას ვუყვარდეთ
და გვილაგებდეს სამზარეულოს
კარადებს და წიგნის თაროებს
გვილაგებდეს მონდომებით და სიხარულით
და ასეცაა
დედა ალაგებს
ჩემი დედა სულ ალაგებს
დილით თუ ღამით
თავდადებით დაუზარელად
მთავარია თქვენ ეს გაიგოთ
მთავარია გაიგოთ რომ
ლაიფციგში თუ ბერლინში საკუთარი ლექსების კითხვას
მე მირჩევნია ალაგებდეს ჩემი დედა
ვუყვარდეთ და მტკიცედ სწამდეს
რომ ჩვენთვის იღვნის!



კორექტურა

ოთარ ჭილაძის ქუჩაზე,
კარლო კაჭარავას სახლთან,
გაურეცხავ მანქანაში
ვისხედით ორი პოეტი, ერთი პროზაიკოსი
და ერთიც კლდიაშვილი,
სანოტარო კანტორიდან გამოსულები,
და გბჭობდით 85-ე მუხლის მე-4 პრიმა პუნქტის შესახებ,
თავს ვიმტკრევდით, როგორ გაგვესწორებინა
ორი ფატალური კორექტურა
სამკვიდროს მოსაპოვებელ საბუთებში და
ეს იყო თითქოსდა
“ერთი უმნიშვნელო ეპიზოდი პოეტის ცხოვრებიდან”,
ანუ გიო საჯაის ლექსის ახალი ინტერპრეტაცია,
სადაც კარლო კაჭარავას ეპიგრაფი გარდაისახა მის კორპუსად,
რომელიც გვერდში გიდგას და გულს გიმაგრებს,
ხოლო ოთარ ჭილაძე ალარ იჭმება,

მაგრამ შეგიძლია იდგე მასზე და
მისდამი აღავლინო ლოცვა,
სოხოვო, რომ დახმარება გავიწიოს
ფატალური კორექტურების გასწორების საქმეში.

ოთარ ჭილაძის ქუჩაზე,
კარლო კაჭარავას სახლთან,
სანოტარო კანტორაა მწერლებისათვის....

როგორ ამოვილო

ვზივარ და ვფიქრობ,
როგორ ჩავატიო ამხელა სიყვარული
ერთ უბრალო ლექსში.

გზივარ და ვფიქრობ,
როგორ ამოვილო ამხელა სიყვარული
ამდენი პრეტენზიული ლექსიდან.
როგორ ამოვილო ოთხში ის შეყვარებული პოეტი,
მუდამ სულის ტკივილებით და
იესოს ციტატებით რომ მელაპარაკება,
არადა მე კბილი მტკივა და
პირველ რიგში ის უნდა ამოვილო,
თუმცა ფელინის ნათქვამიც მახსენდება ამ დროს,
რომ ხელოვანმა არ უნდა აღწეროს
საკუთარი კბილის ტკივილი,
რადგან პუბლიკისთვის ეს არაა საინტერესო...
მახსენდება და ვპრაზობ,
რაღაც მაინცდამაინც ამაში დაუჯერა ყველამ ფელინის,
და არავინ ლაპარაკობს კბილის ტკივილზე
და ყველამ სულის ტკივილზე დაიწყო ლაპარაკი,
ისე, რომ თითქმის შეუძლებელი ხდება
ამხელა ტკივილების ამოღება
ამ გაპრანჭული ლექსებიდან და
სიყვარულის ამოღება კი
უკვე ფანტასტიკის სფეროს განეკუთვნება.
პოდა, რაღა დამრჩენია სხვა,
გზივარ მეც და ვფიქრობ,
როგორ ამოვილო ოთხში,
როგორ ამოვილო ოთხში
ეს ხუთოსასანი ლექსები
და მათი ოროსასანი ავტორები...

ჩემი ჰელოუინი

ეს ჩემი ჰელოუინია,
წავალ და შურნალს დავაკაბადონებ.
შავი ფრთებით მივფრინდები რედაქციაში და
ჩალურჯებული თვალით კორექტურას ნავიკითხავ.
ავტორები შიშში იქნებიან.
არ ეცოდინებათ ბოლომდე,
მოხვდებიან თუ არა ამ ნომერში.
მერე იმ ბანკებს ჩავუქროლებ,
“შავი ხელით” რომ მაფრთხობენ,
ერთი დღით იქით დაცემ ზაფრას,
რადიოში გადავფრინდები
და ერთი ფრანგი მწერლის წიგნზე ვალაპარაკებ



დაბნეულ სტუმარს
პირქუში სიტყვებით.
ხმის რეჟისორს ვთხოვ და
ამ ხმას ტონალობას შეუცვლის,
შემზარავს გახდის.
ბოლოს ჩავთრინდები სახლში,
მაცივრიდან არაყს გამოვილებ და გადავკრავ.
და საათი თორმეტს რომ დაჰკრავს,
სასაცილო ქუდს დავიხურავ,
მწვანე ლაბადას მოვიცვამ და
აივანზე ჩამოვჯდები თეთრი ყვავივით
ახალი დემონური ლექსის დასაწერად.
ეს ჩემი ჰელოუინია.
არ გაშინებთ, მაგრამ რა ვქნა,
მეც მინდა მქონდეს ჩემი ჰელოუინი.

ეპოქის უბედური

იყო ზაფხული,
ხელოვნური განათება
მწვანე ფოთლებს აბრჭყვიალებდა,
ჩიტები ალბათ არ ჭიკჭიკებდნენ,
მაგრამ მგონი ბევრიც არ უკლდათ,
ერთი ვითომ ახალგაზრდა
სხვა მასზე მეტად ახალგაზრდებს შორის ყოჩალად
ჩამჯდარიყო და პირს იქაფებდა,
ბესპრედელის და პერესტრელკების
ეპოქიდან გადმოსროლილი
ჩარჭობილიყო კარგა მყარად
ლიტერატურის მუზეუმის განახლებულ ექსტერიერში
მელნიკოვას ლობიოს და
ლეონიძის ბიუსტს შორის,
მის მელოტ თავს შეპყურებდა შამუგია და
მამამისზე ეფიქრებოდა,
ბადე ბაიდებს, ბუდე ბაიდებს
ცირა მუხლებზე გულფილტვს დაიდებს -
ფორმალიზმს ვერ ეშვებოდა
ასაკოვანი ყმანვილკაცი,
დაცემულიყო ქადაგად და თავიც მოსწონდა,
და გაუსწორა უცებ მზერა
თმააჭრილმა ერთმა გოგონამ,
გაულიმა ოდნავ მკაცრად და ჩაეკითხა:
თქვენ ძალიან უბედური ხართ ამ ეპოქაში?



იყო ზაფხული,
ხელოვნური განათება
მწვანე ფოთლებს აბრჭყვიალებდა,
ჩიტები ალბათ არ ჭიკჭიკებდნენ,
მაგრამ მგონი ბევრიც არ უკლდათ...

ტრიოტრიო ლეტილეტი

მიბანცალებს ქუჩაქუჩა ქარდაქარ
კორპუსკორპუს სართულსართულ კარდაკარ
შეჩერდება ამოილებს გადაკრავს
მიბანცალებს ქუჩაქუჩა ქარდაქარ
აფთიაქთან აფთარსა ჰელვეტიანა კრავს
მთვრალ სახეზე ცუდი ფერი გადაჰკრავს
მიბანცალებს ქუჩაქუჩა ქარდაქარ
კორპუსკორპუს სართულსართულ კარდაკარ

ირაკლი ლომოური

რიტმული პროგრამი



ვიქსები (ვითომ ლექსები)

VX

**ისეთი ლექსის დაწერა მინდა,
რომ არ დამჭირდეს კულავ ლექსის წერა
ვალერიან გაფრინდაშვილი**

ლექსებს ვერა ვწერ, ვწერ ვითომ ლექსებს, ვეძახი „ვიქსებს”, და ასე ვშიფრავ სიმოკლისათვის: VX (უცნობი). მაშასადამე, ისეთი VX მინდა დავწერო, რომ არ დამჭირდეს ლექსების წერა, რომ ამიკრძალონ დაჭერა ხელში კალმის თუ პასტის, ნახშირის, ფუნჯის, ფანქრის თუ წყირის, ანდა კაუნი კლავიატურის, რომ მოვისვენო, გავთავისუფლდე ამ მარაზმისგან, როდესაც მინდა დავწერო VX-ზე, ამჯარას მულზე, და ბანალური გამომდის ლექსი, დონდლო და ფუნე, როგორც მედუზა, რომელიც მხოლოდ კომიკურია ჩემს ერთობ მნიშვე, გადამწიფებულ, სულაც, ასაკში, როდესაც კაცი ლექსების წერას კი აღარ იწყებს, ასრულებს კაცი წერას ლექსების, და განისვენებს საბურთალოს სასაფლაოზე, სადაც დავკრძალეთ ზაზა თვარაძე, ჩვენი გურამი და ჩვენი გენა, და მათვე გვერდით ჩამოტავენ სადაც, თუმც კი მშობლები მყავს მუხათგვერდში... ალვწერო მინდა ისეთი VX, „ვიტალის იქსეს”, ანუ უცნობი, სიცოცხლის მშენები, იდუმალი და შიმისმომგვრელი, ამჯარას მული შავი რაინდი, რომლისა სახეს ვერავინ ხედავს, რომელიც მუსრავს ყველას, ველეაფერს, ვინც კი ღირსია, ან არცთუ ღირსი (ანუ ულირსი), მაგრამ სიცოცხლეს ამკვიდრებს მანც, ოლონდ რის ხარჯზე, ვერავინ ხედება, არავინ უწყის და ვერც გაიგებს... შავი რაინდი სადაც გაივლის, სად გადაჯეგავს ლობეს და ყორეს, სად მტერს განგმირავს მახვილის სხარტი, მძლავრი მოქწევით, მის ნაკვალევზე თუ ნამუსრევზე რატომ ამოდის ლურჯი ყვავილი, შენ რომ მოგართმევს?

რკინის გემი

**უკულმართობას ვარქმევ სიყვარულს
გაგა ნახუცრიშვილი**

ვარ კაპიტანი რკინის გემისა, სახელად ვარქმევ „უკულმართობას”. წყალქვეშა არის ეს ჩემი გემი, მას

ვერვინ ხედავს, არავის ესმის და არვის სჯერა - მართლა არსებობს, რადგან გემს ასეთ სახელს არავინ მისცემს... მაგრამ მე ვარქმევ „უკულმართობას” და მიხარია, რადგან ველულისხმობ სულ სხვა რაღაცას... პირდაპირ ართქმა არის მთავარი, კარგად შენიღბვა არის მთავარი, რომ ვერ გიპოვნოს ვერც შენმა მტემა და ვერც ვერავინ ამ ქვეყანაზე... თუ გინდა გაძლო, ცოცხალი დარჩე, ინექი მშვიდად შლამიან ფსკერზე, გარინდებული და გატრუნული... ყველა სფეროში ასე არ არის? რაც მეტად ჩანხარ, მეტად გერჩიან... ხელოვნებაშიც ზუსტად ასეა - უნდა შენიღბო სათქმელი კარგად, სულ სხვა რამე თქვა, სხვა - იგულისხმო... და, აი, ასე მიაღწევ მიზანს, ფარული არის გახდება ცხადი, თუკი შენიღბავ ლაზათიანად... მე ვინიღბები და ვიღებ შედეგს, არსი თავისით ამოვარდება წყლის ზედაპირზე, როგორც კაფუსულა ავარიული წყალქვეშა ნავის, სადაც ყველა ზის, კაპიტანის გარდა - ვარ კაპიტანი რკინის გემისა, მე ვიღუპები ჩემს გემთან ერთად...

ვებლაუჭები

ვებლაუჭები და ნინ მივიწევ, თითქოს ავდივარ მაღლა კიბეზე, უსასრულობის კედელზე მიდგმულ, ხის გადასატან უგრძეს კიბეზე... ვებლაუჭები მის საფეხურებს, ანუ ხარიხებს, ვინევი მაღლა, ოლონდ ხელებზე, ფეხებს მივათრე, ჯარისკაციორი ნინ-ნინ მივიწევ, ამ ბრძოლის ველზე, ხელებს ვაწვები, ხელია ჩემი ვადამრჩენელი, ჩემი იმედი... ვებლაუჭები უბრალო ფანქარს, როგორც ხარიხას სიცოცხლის კიბის, ამ ვითომ ლექსის ბოკლე სტრიქონთა დახავსულ სიტყვებს, სიტყვა-ზარიებს... სიტყვა ხსნაა და სიტყვა - ხავსია...

სიზმარი სახლზე, ნავი რომ არის...

**მე ავაშენე სახლი მინის იკეანეში
გიომ აპოლინერი**

ეს ჩემი სახლი, ერთკაციანი, ამ გორაკებსა და ფერდობებზე, როგორც ტალღებზე აზვირთებულზე, ისე ტორტმანებს... ჩემი ნავია განსასვენებლად მყუდრო და კოხტა, სულის სახოსი... მინის ზევით ვარ ოლონდ რატომდაც. ჩემი „სასახლე“ - ჩემი ნავია... რად ამ დამფალით? რად მიმატოვეთ? რატომ აღელდა მინა ზღვასა-

ბედისწერა

რა არის ბედისწერა? დიდი არაფერი - როდესაც დავკარ დიდ ქვას წერაქვი, გამიტყდა ხელში ტარი წერაქვის, გაფრინდა თავი ჩემი წერაქვის, შემესო შუბლში წვეტი წერაქვის, და გავხდი წერა იმ ვეება ქვის, რომელსაც ჰქონდა თურმე წარწერა: „თუ ვინმეტ დაპკრას დიდ ქვას წერაქვი, გაუტყდეს ხელში ტარი წერაქვის, გაფრინდეს თავი მისი წერაქვის, შემესო შუბლში წვეტი წერაქვის, და გახდეს წერა იმ ვეება ქვის, რომელსაც თურმე...”

კოცნა

რა არის კოცნა? დიდი არაფერი - როდესაც მეცხრე ციდან მეცხრე ტალღას დაატყდება მეცხრე მეხი და ოკეანეს შეაძაგავებს, გაზაფხულის სიოდ იქცევა... კოცნა მარადისობის მოკლე ჩართვაა...

მეგობრობა

რა არის მეგობრობა? დიდი არაფერი - როდესაც ახალშობილს აკვანი გინდა შეუთხზა, მასალა არ გაქვს, გვერდით მყოფი კი გულის ფიცარს გაძლევს, გარანდულს.

უტიფრობა

რა არის უტიფრობა? დიდი არაფერი - როდესაც ბეღურა კასრის თავზე დასკუპდება წყლის დასალევად, კასრში კი თურმე ხრეში ლივლივებს.

თრობა

რა არის თრობა? დიდი არაფერი - ურუანტელი გარდარეული სიხარულისა, კაცის სხეულში მდგმურად მყოფი მორცხვი სულისა.

შიში

რა არის შიში? დიდი არაფერი - ლოკოკინას მოლოდინი, რომ ბილიკზე გამობობლებულს, გამვლელი ფეხს დააბიჯებს.

სიხარული

რა არის სიხარული? დიდი არაფერი - ლოკოკინას ალმოჩენა, რომ ბილიკზე გამობობლებულს, გამვლელმა ფეხი ჰქონა და ბუჩქებში ისროლა.

შეყვარება

რა არის შეყვარება? დიდი არაფერი - უსინათლოს მოლოდინი, რომ თვალს აუხელენ, არადა, არ დაბრმავებულა, უბრალოდ, შუქი უნდა აანთოს.

მიუსაფრობა

რა არის მიუსაფრობა? დიდი არაფერი - ქართა აფრობა, როდესაც ნავი ფსკერზე ეშვება, აფრა კი დაქრის თავაშვებული, თავაწყვეტილი, დაეძებს ანძას...

ბავშვობა

რა არის ბავშვობა? დიდი არაფერი - მათემატიკის დაუსრულებელი გაკვეთილია კლასში, რომელსაც ვერ იტან, სკოლაში, რომელიც გძულს, ქალაქში, რომელიც უცხოა, ქვეყანაში, რომელიც სხვისია, ამ უცაბედ დედამინაზე... ოლონდ ეს ჩემთვის. თქვენთვის კი, ვიცი, ერთი დიდი კარუსელია, რომლის გარშემო შოკოლადის ხეები დგანან, გაიშვერ ხელს და... თანაც ბზრიალებ, ბზრიალებ, ბზრიალებ დაუსრულებლად...

ელდა

რა არის ელდა? დიდი არაფერი - როდესაც სარკეს ჩახედავ, თმის დასავარცხნად, და აღმოაჩენ, არ ჩანს არავინ, არ ირეკლები... და გახსენდება: შენ ხომ გუშინ გარდაიცვალე...

სიზმარი

რა არის სიზმარი? დიდი არაფერი - როდესაც ხედავ ზაზუნას, ცოცხალ ზაზუნას, შენი შვილის ცოცხალ ზაზუნას, მეათე სართულის აივინდან რომ გადავარდა.... შვილთან ერთად რომ ჩახვედი და მართლაც ნახე, გროტესკულად გაბრტყელებული... და მდინარე ვერეს პირას რომ დამარხეთ სრულიად უხმოდ... და გიხარა, რადგან ხედავ ცოცხალ ზაზუნას... სიზმარი ხომ ზაზუნას მონაცრებაა...

სიცოცხლე

რა არის სიცოცხლე? დიდი არაფერი - ჰაერში ას-როლილი მაშხალის ნაპერნეალია, ღრუბელს რომ მოედო, თივის ზვინივით ააბრიალა... ღამე დაისის ალმურით აანთო. და უქალ ჩაქრა.

ლექსი

რა არის ლექსი? დიდი არაფერი - ძველისძველი კოკაა, კოხტა ქალს რომ გაუტყდა სოფლის წყაროზე, მეზობლის ბალმა კი თიხის ნამტვრევზე ტალახის კვერების „ცხობა“ დაიწყო - მზე ჩახჩახებდა...

გაზაფხული

რა არის გაზაფხული? დიდი არაფერი - გულის სარკეზე არეკლილი ათინათია - შენი ღიმილი...

შემოდგომა

რა არის შემოდგომა? დიდი არაფერი - მტვრით დაფარეული სარკეა გულის, რომელზეც თითოთ „ღიმილაქს“ ვხატავ. ისე, უბრალოდ...

სისადავე

რა არის სისადავე? დიდი არაფერი - ბურუსი ღამის, ნისლის თევზირი, პირბადე მთვარის... არა ჩანს მთვარე, თუმც კი იგრძნობა, როგორც ნათელი თასი ვერცხლისა, ცივი წყლით საკსე, როცა გწყურია.

სახელმწიფო

რა არის სახელმწიფო? დიდი არაფერი - ქასანაყია ერთი ვეება, რომელშიც კაცის ბედი იფქვება ცხარე პილპილის ბურთულებივით, რომელსაც მერე შენვე მოაყრი შემოსულ შილას.

მოქალაქე

რა არის მოქალაქე? დიდი არაფერი - ბეჭონის ჯუნგლების უბრალული ნეშომპალაა.

ჟამკეთილობა

რა არის ჟამკეთილობა? დიდი არაფერი - სიტყვაა ერთი დავინწყებული მტკიცედ და მყარად, კეთილი ჟამი ამქეცენად არვის ახსოვს რადგან. კი გაგვიგია „ოქროს ხანა“, ხანა თამარის, მაგრამ გვვინია ტკბილი ზღაპარი...

ხათრი

რა არის ხათრი? დიდი არაფერი - ბეწვია ერთი, ზედ კი ჰეკიდია ბასრი მახვილი, მის ქვეშ შენ წევხარ და მშვიდად გძინავს. ხათრზე ზემტკიცე რა უნდა იყოს?

სიცარიელე

რა არის სიცარიელე? დიდი არაფერო - როდესაც ყველა მნათობი ჩაქრა, ცა დაიგრავნა, და შავი ხვრელიც კი გაიწოვა, დარჩა წყვდიადი - დაადი არარა, სადაც ექოც კი აღარ ისმის, თუმც ენერგიით უხილავად დაყურსულია...

ანცობები

„ნევერმორ“
(ანცობა #48)

ვარ მარილის სიო, ვარ გუგულის ბუდე, ვარ კისკისი ყვავის, მე მქვია - „ნევერმორ”,

ვარ ფაფუკი ლოდი, ვარ ღრუბლების ზღუდე, ვარ
სიზმარი კასრის და ამდის სუნი შმორ,

ვარ შიმშილი მთათა და ცახცახი ველთა, ვარ უდაბ-ნოს სუსხი, სისხლით სავსე ტბორ,

ვარ ყინულის ზეცა და გრანიტის ფიფქი, ვარ სუნა-
მო ქალის, შემხუთავი ქლორ,

ვარ ხარხარი ზუთხის, ვარ წკავწკავი ბელტის, მტა-
ცებელი კრავი და კბილბასრი ხბორ,

ვარ ვარვარა თოვლი და წყალწყალა ქვიშა, უთავ-ბოლოდ ვანჭობ - რა გამომასწორ?

შინაგანი ზარმაცვა

(ანცობა #25)

მე ვარ ზარმაცა. დიახ, ზარმაცა! დიახ, ეს ჩემში
ცხოვრობს ზარმაცა! ასე განსაზღვრა ფეისბუქ-ტეს-
ტმა, დაეჯერება. მეცა ვგრძნობ ახლა, ჩემი ზარმაცა
რომ იზმორება და თვალებს ლულავს... ხის დიდრონ
ტოტზე ნამოწოლილა, თვალმოჭუტული, და ცალი თვა-
ლი, ვით შავი ლულა, მოუმართია, ჩამდასის ყურში: მი-
დი, ჰო, მიდი! ჰო, იმუშავე! რას მომაშტერდა! რაღაცა
ქენი! წერე, და თარგმნე, არედაქტირე, მიდი, იშოვე ორი-
ოდ ცენტი! თუნდაც კაპიკი ან თუნდაც თეთრი! ჰო, იმუ-
შავე, რომ არ ამოგხდეს სული შიმშილით, რომ არ მო-
მიკვდე, თორემ თუ მოკვდი, მეც ხომ გავქრები, ასეთი
ნორჩი და მომზიბლავი, პაეროვანი, მძზინავი ბერვით!..
როგორ გამტანჯე, როგორ მანამებ შენი ამაო, უქმი
ფაფურით და ფაცი-ფუცით! რა დაგემართა, მართლა
ჩაგრუცხა დროის დინებამ? შე ბედოვლათო, დეპუტა-
ტობა რად ვერ ირგუნე? ხომ გექნებოდა ახლა ხელფასი,
ანდა პენსია ხალხის ჩრეულთა, სულმორსათქმელი?.. უშ-
ნო, შე უშნო, რად ვერ იშოვე შენ სამსახური?! ნუთუ არ
გესმის, შენი ზარმაცა რომ შეინახო, უნდა იშრომო თავ-
დავიწყებით!.. დახლში ჩადექი, ბოლოსდაბოლოს, თო-
რემ რასაც წერ, ანუ რომ ჯდაბნი, ვის რაში უნდა, რაში
სჭირდება?.. შე ბედოვლათო, ვაი-ზარმაცო, შრომოპო-
ლიკო!.. ასე ჩამდასის ჩემი ზარმაცა და მამუშავებს კა-
ტორდელივით...

დროდადრო
(ანცობა #47)

დროდადრო ვკითხულობ თეთრ-შავ ლექსებს, რო-
მელთა ავტორია თოვლ-ჭყაპი, ან მერი რუფლი, ან შენი

გახეული მაკინტოში, ან მეზობლის აივანზე გაფშეკილი აზლუდი, და რადგან ყინავს, ვიჭრი სასოების ზორბა ულუფას, ტკბილს ჰალვასაცით, და ვაყოლებ პოეზიას - თითქოსდა ჩას... რა ბედნიერებაა, რომ ცხოვრება ისევ ბავშვობით სრულდება... კვლავ ტკბილი მიყვარს, მალე ჰამპერსაც გამიკეთებენ...

დღე საოცარი

(ანტობა #46)

ცხადად და ზუსტად მხოლოდ ის ვიცი, რა ძედი მე-
ლის - კუბის ფიცარი... ანუ პორტალი სხვა სამყაროში!..
როცა დაფეხბა დღე საოცარი, როცა დავტოვებ გალია-
ფიტულს, როგორც პეპელა - ჭუპრის შალითას, და კო-
ლუმბივით ახალ სამყაროს მე აღმოვაჩენ, ვიტყვი: ვე-
რი მთას აქეთ მე წიხლი, იქით ზღვა ყლუპით დავცალე
სრულად!.. ახალ სამყაროს დავეუფლები, ვება ლუპით
დავაკირდები, ვით მოგზაური, თუ მეცნიერი, თანაც
პოეტი, რომელიც ხედავს: მშვენიერია სულის საუფლო,
წუხილის ნაცვლად სიხარულს ბედავს!.. ვაშა დღეს, რო-
ცა გარდავიცვლებით!

პერაც ვერმოუსვლელი

(ანტონი # 57)

ნუ ხარ ესოდენ სულნაბასულიო, ოდესალაც მითხრეს. როგორ ვიქწები მე სულნაბასული, თუკი ჯერაც არ მოვ-სულნარ... ხეირიანად?

XXI საუკუნის კოსმოლოგია

(ანტობა #55)

ის არსებობს, რასაც იჯერებ. სანამ სჯეროდათ, რომ დედამიწა ბრტყელია და სპილოებზე დგას, ჰორიზონ-ტზე ხორთუმის წვერსაც ხედავდნენ, სპილოები კი წუხ-დნენ - დედამიწა ემძიმებოდათ. მაგრამ მას მერე, რაც დავიჯერეთ, რომ დედამიწა ბურთია, სპილოები თურმე გახალისდნენ, ბურთის თამაშით იქცევენ თავს... მინის-ძვრაც მაშინ ხდება, ბურთს მთელი ძალით რომ გადა-უგდებს ერთი მეორეს, ის კი ვერ იჭერს, ის ბოთე, ისა..!

დაკვირვება საკუთარ ჩრდილზე

(ანტონი #37)


როდესაც შენს ჩრდილს ძალიან სცივა, მზებები კანკალებს გადარეული, ეს, ალბათ, ნიშნავს, რომ სულს მოძებზრდა, (კიმ-კიმ ატაროს შენი სხეული.

კოჭლი ძალლივით

(ანცობა #61)

კოჭლი ძალლივით, კუდზე ბიჭებმა თუნუქის ქილა
რომ გამოაბას, და მანაც რა ქნას, დარბის საბრალო,
დააულარუნებს აღმა-დაღმა, შეუსვენებლად... ყანყალ-
ბორძიენთ დავპორიალობ და ვაულარუნებ ამ ვითომ
ლექსებს, თუმც არაუშავს, ძალლი კოჭლობით არ მოკ-
ვდებაო, და არც ულარუნისგან მკვდარი ძალლი უნახავს
ვინმეს... ოლონდ ერთი რამ ვერ გამიგია, ვინ გამომაბა
ყელზე ვიქსები, ვითომც ლექსები, ვინ დამცინა ასე მნა-
რედ, ასე ბოროტად?

კაცმა ჩატეხა ფანჯარა და შემოძვრა.
 კაცმა ფანჯარა გახსნა და გავიდა.
 ჩატეხა კაცმა ფანჯარა და მომიწვა.
 მომიწვა კაცი და ფანჯარა გატყდა.
 ნახევარი წვიმდა.
 გულს აქეთ - ნახევარი მზე იყო და წვიმა არა.



სახლში - ღვეზელი უმი ხორცის მოვუმზადე.
 თითები გაყინული მქონდა და წითლად გავთბი.
 ღვეზელი უმი ხორცის სახლში მოვუმზადე.
 თითები გაყინული მქონდა და ღვეზელი მოვუმზადე.
 გაყინული თითები მქონდა და ღვეზელი მოვუმზადე.
 ხორცი თბილია.
 წყალი - ცივი.
 ღვეზელი - უმი.
 გულს უკან კაცი მიდიოდა და ნახევარი გზა ვდუმდი.

ვივახშოთ

კარგად მახსოვს, როგორ ავდგები ერთ მშვენიერ დღეს ჩემი წამოყუდებული ცხოვრებიდან და სამზარეულოს მაგიდას აულაგებელს დავტოვებ.
 მაგიდა იმდენ კაცზე იქნება გაშლილი, რამდენზეც მენდომება.
 იმდენზე, რამდენიც მოიცავს მაქსიმუმ ორს და მინიმუმ ცხოვრებას.

კარგად მახსოვს, როგორ გამოვიხსნი ჩემ თავს და საგზლად
 პოლიეთოლენის პარში გახვეულ ბავშვობის ორცხობილას წავილებ.
 ორცხობილა იქნება ტკბილი და ფხვიერი.
 ორცხობილა იქნება ცოტა და სამყოფი.
 ორცხობილა იქნება ღიმილგადასმული და ვერგასაყოფი.

კარგად მახსოვს, როგორ დაბრუნდები შენი მხრებანურული და გაყოფილი ცხოვრებიდან, როცა ჩემი სამყოფი დრო დაგრძელდება
 და სამზარეულოს მაგიდას მიუჯდები.
 მაგიდაზე იდება იაფფასიანი საცხობიდან მოტანილი ლობიანი და ხაჭაპური.
 მაგიდაზე იდება იაფფასიანი მაღაზიიდან წონით ნაყიდი ნამცხვარი.
 მაგიდაზე იდება მეგობრის ნაჩუქარი, პლასტმასის ბოთლში ჩასხმულიახლადდანურული ღვინო.
 მაგიდაზე იდება სირცხვილიც, რომელსაც მე და შენ ერთად შევექცევით
 როცა ჩემი ტანი ასეთი ცოტა რჩება შენი შიმშილისთვის
 და ჩემი უსირცხვილო ნაოჭები ასეთი შეუფერებელი შენი უმწიფარი ახალგაზრდობისთვის, რომელიც
 მოვიგონეთ ჩვენ,
 იმისთვის, რომ სიყვარულზე არ გველაპარაკა.
 იმისთვის, რომ უბრალოდ გვევახშმა.

და თითქოს ისე ფეხაკრეფით და თითქოს ისე მოლოდინით შემოდის დილა
 და თითქოს უკვე თოვლი იყო და მგონი უკვე წამოთოვა და... არადა, წვიმდა.
 და თითქოს უკვე ყველაფერი, რაც მოხდა და არ მოხდა და მოხდება სულაც
 და თითქოს უკვე ეს თითები და თითქოს უკვე ეს ცხოვრებაც წახშირისფერ დაფაზე წვანან.
 და ახლა ისე უძრავია და ახლა ისე მარტივია ტკივილი, თითქოს.
 და ახლა იმდენ სისულელეს და ახლა იმდენ ჭკვიანობას მიუჩენ ადგილს
 და ახლა ისე სიჩუმეა და ახლა ისე უდარდელად ვზივარ და გფიქრობ-
 დე უნდა წესით ახლა. გფიქრობ-დე უნდა წესით, მაგრამ. ვზივარ და ვადგენ
 მიზეზებს, როდის არ ვყოფნილი, მიზეზებს როდის ვიგონებდი, მეტს, ანდა ნაკლებს.
 იმისთვის, სადაც არ ვიყავი, იმისთვის, სადაც არ მელოდნებ, იმისთვის, სადაც,
 თვალი სანახვროდ გავახილე და ქალი, რომელიც პირობითმა სინანულმა მოკლა
 შენ მთელი შენი ზომიერი და მთელი შენი გეგმიური ცხოვრებით გაგცდა.
 მერე ჩაიდანში წყალი დაშრა და მერე უკვე მაგიდასთან ამოშრა სიტყვაც.

და მერე უკვე ტკივილები და მგონი უკვე მოგონებაც არ ტოვებს იმედს.
და ახლა სადაც დავსეირნობთ და სადაც ახლა ვიმალებით, ქარის ხმას გაყვა:
სახლი, რომელშიც ვერ მოვთავსდით, შვილი, რომელშიც ვერ შევერთდით და ჩვენი ომიც.
ვივახშმოთ.

მე ქვაბით ნალექიან ყავას მოვადულებ და დავთრებს გადავშლი.

შენ შეგიძლია შენი უმნიფარი ცხოვრების სუნი აბაზანაში ჩამოირეცხო.

აბაზანა არის ვიწრო და ცივი.

აბაზანა არის ბნელი და ორისთვის სამყოფი.

აბაზანა ხანდახან არის ცხელი და ნაპირგადმოსული ჩემი ტანის ორთქლში გახვევა შეუძლია.

უნდა ვივახშმოთ.

მე თითებს ზამთარში შევაცურებ და ცოტა ღვინოს მოვსვამ.

შენ შეგიძლია დავთრებში ჩაიხედო.

დავთრები არის სამომავლო და ერთობლივი.

დავთრები არის საჩვენო და გეგმიური.

დავთრებში არის სიყვარულის ახსნა და მსხვერპლშენირვა.

ყველაფერი ის, რაც დღეს შენ ჩემგან გჭირდება.

ყველაფერი ის, რაც დღეს მე შენგან შეიძლება მივიღო.

იქნებ, ვივახშმოთ.

ჭერიდან ალარ მოდის თოვლი.

სახურავი შეაკეთეს, ამიტომ ყინულს გიგდებ ჭიქაში.

შენ შეგიძლია პერანგიდან ამოსული ქალის თვალები ჩარგო დავთრებში,

რომელსაც მე უხმოდ ვუზივარ, აგერ უკვე მთელი წელია.

ასოებს შორის კი ბავშვები იბადებიან.

სხვისი ბავშვები,

ჩვენ რომ ვერაფრით მოგვიყვანეს თბილი ქვეყნიდან.

მოდი, ვიფიქროთ, რომ ტკივილი ყოვლისშემძლეა.

მე ყვრიმალებზე მივინათებ მზეებს, რომლებიც ამ ოთახში არ ანათებენ.

შენ შეგიძლია მაგიდის ქვეშ ხელი მაგრად, მაგრად მომკიდო, -

ყველა ძვალმა გაიჭრიალოს.

არ მეტკინება, ეს სიბერეა.

აი, ამ სახლის სამომავლო ბედისწერა - ჩემი მეგობრის ნაჩუქარი ატმის კომპოტი.

გაზზე ვაცხელებ - ცივი ალბათ არ შეიძლება, ხომ ზამთარია.

შენ ალბათ ახლა კომპიუტერს უნდა მიუჯდე

მე მითითებებს ველოდები და მაინც ვფიქრობ, როდის დადგება დღე, რომელსაც ეს ფურცლები არ დასჭირდება.

ამ კაბიდან კი გული მიჩანს, ნიშნავს - ზამთარი უნდა ჩავიცვა.

უნდა ვიფიქრო, როგორ მოვავდე, როცა ადგები.

როდის მოვკვდე, როდის ჯობია.

ამიტომ დავთარს დავთარს ისე სწრაფად ვამატებ, ამიტომ საქმეს საქმეს ისე ჩუმად ვაწებებ, არ იცოდე, როდის ავდგები.

მაგიდა იმდენ კაცზე იქნება გაშლილი, რამდენზეც მენდომება.

იმდენზე, რამდენიც მოიცავს მაქსიმუმ ორს და მინიმუმ ცხოვრებას.

შენ უნდა მითხრა:

ჯერ გაიშალე, საკუთარი თავი შეარცხვინე

და მერე დაჭრი.

არ მეუბნები.

ჰოდა, ვივახშმოთ.



გაზა ასლანიძე

ანიკო



ორმოცდასამი წელია მშობლების საფლავზე დავდივარ და ორმოცდასამი წელი ვწყევლი ჯერ ფოტოგრაფს და მერე იმ ვითომდა მხატვარს, მამაჩემის და დედაჩემის პორტრეტები საფლავის ქვაზე რომ გადაიტანა. მინდოდა, საფლავზე რომ მივიღოდი, თვალებში ჩამეხედა მათვის, მაგრამ ისინი სურათიდან სულ სხვაგან იყურებოდნენ - ხან ჩემს ზურგს უკან იცქირებოდნენ, ხან თვალებს ხრიდნენ, ხანაც სულ ხუჭავდნენ თვალს. ორმოცდასამი წელია, ერთხელაც ვერ დავიწირე მათი მზერა. მინდოდა, თვალი გამესწორებინა, ან ის მაინც მენახა, როგორ უყურებენ ერთმანეთს დედა და მამა.

ოცი წელია, სამ თვეში ერთხელ ექიმებთან დავდივარ გამოკვლევაზე და მეღიმება ხოლმე ექიმების გაოცებულ სახეებს რომ უუყურებ. მე ხომ ყველამ გამომიტირა. ცოცხალი რომ ვარ, ერთადერთი, მე არ მიკვირს. ჩემი სენის პატრონი ოცი წელია უკვე სამარეში უნდა ვიყო. მე კი ჯიუტად დავდივარ ექიმებთან და მშობლების საფლავზე. ექიმებმა ზუსტად ვერ დაადგინეს, რა მჭირს, მაგრამ ყველა ერთხმად თანხმდებოდა, რომ მე დიდი ხნის

მკვდარი უნდა ვიყო. მე მაინც დავდივარ სასაფლაოზე და მინდა თვალი გავუსწორო მშობლებს. ბავშვობიდან ვცდილობდი მათვის ჩამეხედა თვალებში, მაგრამ იმ ღამის მერე ეს ვეღარ მოვახერხე.

ყველაფერი იმ დღეს დაიწყო, ანიკო რომ მოკვდა. ანიკო ჩემი, არა, მარტო ჩემი კი არა, ჩემი, ნოდარიკოს, ბექას და ელენიკოს მეგობარი იყო: მე ყველაზე უფროსი ვიყავი - ბექაზე მთელი სამი თვით უფროსი, ბექა ყველაზე ღლინერი და მსუქანა იყო, ნოდარიკო ხუთის ხდებოდა, ელენიკო ყველაზე ყველაზე პატარა, ჭიჭყინა, ზღმურტლიანი და მტირალა იყო; ანიკო ძალიან ლამაზი გოგო იყო და ყველა ბიჭს უყვარდა.... ანიკოს ძალიან ლამაზი საცვლები ეცვა. ელენიკოსნაირი ფურფუშელებიანი კი არა - აი, ისეთი, ნოდარიკოს უფროს დას რომ ეცვა. ანიკო თავის საცვლებს ბიკინებს ეძახდა.

ჩვენ, პატარა ქალაქის ცენტრალურ მოედანზე ვცხოვრობდით. ქალაქი ყვავილებსა და ხეხილის ბალებში იძირებოდა. ჩვენთვის, ბავშვებისათვის, ეს ნამდვილი სამოთხე იყო. ყველაზე გემრიელი

ხილი ჩვენს ღიპიან მეზობელს ჰქონდა. ბავშვები ჩუმად ვიპარებოდით მის ბალში და ხილის ჭამით ვსკდებოდით. ჩვენს მსუქანა, ღიპიან მეზობელს ავი ძალლი ჰყავდა, მაგრამ ძალლი რატომდაც ყოველთვის დაბმული იყო. მსუქანა რომ გამოჩინდებოდა, კისრისტებით ვიმალებოდით ბუჩქებში და გასუსულები ვუყურებდით, ძალლს რომ უყვიროდა - ხმა ჩაიწყვიტეო. გვერდით რომ ჩაგვივლიდა, ბურტყუნ-ბურდლუნით წაიმლერებდა - „მუცლები აგტკივდებათ, ეშმაკისფეხებო, მუცლები! ჯერ მკვახეა, მკვახე!“

მსუქანას კუკუ ჩუქუ-ჩუქუს ვეძახდით. ეს სახელი იმიტომ შევარქვით, რომ მისი ძმა მატარებლის მემანქანედ მუშაობდა და ყოველთვის, როგორც კი ჩვენს ქალაქს მოუახლოვდებოდა, მატარებლის საყვირით ესალმებოდა თავის მსუქანაძმას. კუკუ ჩუქუ-ჩუქუ საშინლად ბრაზობდა ძმის ამგვარ საქციოლზე და მუშტების ქნევითა და გინებით იკლებდა იქაურობას. რკინიგზა ქალაქის განაპირას, მდინარესთან გადიოდა. ბავშვებს რკინიგზასთან მიახლოებას გვიშლიდნენ, მდინარესთან მისვლა კი სასტიკად აგვიკრძალეს. მაგრამ მდინარის გაღმა იმდენად მიმზიდველი მინდორველები იყო, ცდუნებას ვერ ვუძლებდით, გადავდიოდით ხიდზე და მთელი დღე იქ ვთამაშობდით.

ბიჭებს ვერაფრით აგვეხსნა, ანიკოს რატომ არ
მიჰყავდა თან ელენიკო, როცა ბუჩქებში იმალე-
ბოდა მოსაფსმელად. მაშინ როცა ჩვენ, ბიჭები, ერ-
თად მივდიოდით მოსაფსმელად და შორს გადაფ-
სმაშიც კი ვეჯიბრებოდით ერთმანეთს. ვეჭვობ-
დით, რომ ანიკო რაღაცას გვიმალავდა და ანიკოს
„იქ“ რალაც ჭირდა.

მოულოდნელად „დიდი არეულობა“ დაიწყო. ლაპარაკობდნენ იმზე, მკვლელობებზე, ლტოლ-ვილებზე. უფროსებმა, ამ ყველაფერს „დიდი არეულობა“ უწოდეს, რასაკვირველია, უფროსები ჩვენი თანდასწრებით არაფერს ამბობდნენ, მაგრამ, ჩვენ, ანიკოს წყალობით, ყველაფერი ზედმინევნით ვიცოდით. ანიკო არაფრით გამოიჩინდა ჩვენგან - ანიკო არც ნათელმხილველი იყო და არც განსაკუთრებული ნიჭით დაჯილდოებული ბავშვი - ის ჩემზე პატარაც კი იყო. სამაგიეროდ ანიკოს ღრმად მოხუცებული ბებია და პაპა ჟყავდა. ისინი სიბერისაგან სრულიად დაყრუვდნენ და მათი ჩურჩული მეზობელ ოთახშიც კი ესმოდა ანიკოს. აი, ასე გადაიქცა ანიკო ყოვლისმცოდნედ და ბავშვებმა ყველაფერი ვიცოდით, რასაც ასე გულმოლგინედ გვიმალავლენენ უფროსები.

მალე ჩვენ საკუთარი თვალით ვნახეთ ლტოლ-ვილები, როდესაც მათ ჩვენს ქალაქს ჩაუარეს და ბორცვებთან დაბანაკდნენ. ეს ადამიანები სადაც მოხვდებოდათ, იქ იდებდნენ ბინას - ხეების ძირში, გამოქვაბულებში, ბუჩქებსა თუ ორმოებში... თვეში ერთხელ წითელჯვრიანი ვერტმფორენი მოფრინდებოდა ხოლმე და საჭმელს, ჩასაცმელს, ნამლებს ყრიდნენ ზემოდან. ზოგჯერ ისეც ხდებოდა, ვერტმფორენიდან კალათას ჩამოუშვებდნენ და რამოდენიმე ადამიანი მიჰყავდათ თან. ლტოლვილთა

ნაკადს კი ბოლო არ უჩანდა. ლტოლვილთა ნაწილი გზას აგრძელებდა, მაგრამ უმრავლესობა იქვე იხოცებოდა და მალე ბორცვებზე უზარმაზარი სასაფლაო გაჩნდა. ლტოლვილები კეთროვანებივით, განმარტოებით ცხოვრობდნენ - არც ისინი ეკარებოდნენ ქალაქს და არც ქალაქის მცხოვრებლები ანუხებდნენ მათ. თუმცა, მე მინახავს, როგორ ავსებდა დედაჩემი მოზრდილ კალათას საჭმლითა და ძველი ტანსაცმლით, ხოლო შებინდებისას, კალათით ხელში, მამა ბორცვებისაკენ მიდიოდა. ანიკოსგან ვიცოდით, რომ ნახევარი ქალაქი ერთმანეთისაგან მაღლად ად, ამგვარად ეხმარებოდა ლტოლვილებს. ერთადერთი კუკუ ჩუქუ-ჩუქუ იყო, ვინც ბედავდა და დღისით-მზისით მიღიოდა ლტოლვილებთან, კუკუ ჩუქუ-ჩუქუ ხმამაღლა ლანძღვდა ქალაქებს და ყველას დასანახად, დემონსტრაციულად გადადიოდა ხიდზე. კუკუ ჩუქუ-ჩუქუს საქციელმა გამბედაობა შეგვმატა ბავშვებს, გაგვიქრა ლტოლვილების შიში და მშობლების დატუქსვისაც აღარ შეგვშინებია. ბაჭაჭყანა ელენიკომაც კი გაბედა და დაუკითხავად წამოილო შინიდან პური. ჩვენ ბანაკის სიახლოვეს დავდეთ პური და გამოვიქეცით. ამის შემდეგ ყოველდღე მოგვქონდა სახლიდან მოპარული პური, კარაჯი, ყველი, კუკუ ჩუქუ-ჩუქუს ბაღიდან მოპარული ხილი და იმავე ადგილას ვალაგებდით, სადაც ელენიკოს წამოღებული პური დავტოვეთ. ტოლვილებს ნელნელა მივეჩვით. ეს უმნეო, დაუძლურებული, უწყინარი ხალხი გვებრალებოდა, მაგრამ ამავე დროს გვეზიზებოდა კიდეც - მათი ბანაკის აუტანელი სიმყრალე ქალაქამდეც კი აღნევდა. დაფლეთილი, ჭუჭყისგან აქოთებული სამოსის, ჩირქიანი და სისხლიანი ნაჭრების გროვები მათთან მიახლოების სურვილს გვიკარგავდა. ისინი საშინელი შესახედები იყვნენ, ხეიბრები, საპყარი მთვარეულები. ლტოლვილებში ერთ ჯანმრთელ ადამიანსაც ვერ ნახავდი - ზოგი ცალხელა იყო, ზოგი თვალებდათხრილი ან ცალფეხა... მაგრამ ყველაზე უცნაური ის იყო, რომ მათ ბავშვები არ ჰყავდათ. მოგვიანებით ანიკოსგან გავიგეთ, რომ ბავშვებს „გამარჯვებულები“ ხოცავდნენ: ცოცხლად წვავდნენ, ჭებში ყრიდნენ, ფეხმიმე ქალებს კი ხიშტებს ურჭობდნენ მუცელში.

ერთხელ, როცა კვლავ გადავიპარეთ კუკუ ჩუ-
ქუ-ჩუქუს ბაღში, მოულოდნელობისგან ადგილზე
გავტვავდით - მოაჯირზე ჩამოყრდნობილი კუკუ
ჩუქუ-ჩუქუ მშვიდად ესაუბრებოდა ლტოლვილს.
ლტოლვილი ცალთვალა გოლიათი იყო - დაფლე-
თილ-დაგლეჯილ ტანსაცმელში გახვეულს უამრა-
ვი იარა და ნაჭრილობევი ადგილები უჩანდა. მაგ-
რამ, ემჩნეოდა, რომ ჯანმრთელი კაცი იყო და სხვა
ლტოლვილებისაგან განსხვავებით, არ ყარდა. ლა-
პარაკს რომ მორჩნენ, მსუქანამ დიდი ბორჩა გა-
დასცა და ერთმანეთს დამშვიდობებისას ხელი ჩა-
მოართვეს. მოულოდნელად, ლტოლვილი ჩვენსკენ
მობრუნდა და ხმამაღლა თქვა: „თქვენ, ძალიან
კარგი და კეთილი ბავშვები ხართ!“ გაოგნებისგან
ენა ჩაგვივარდა. ისლა მოვახერხეთ, რომ ვიჰით

გასასვლელს და თავქუდმოგლეჯილები გავიქეცით. ამის შემდეგ სამი დღე სახლიდან ცხვირი არ გამოგვიყვაი. მერე თანდათანობით გაგვიქრა შიში და ჩვენი სახლების შორიახლოს დავიწყეთ თამაში. ეგ იყო, კუკუ ჩუქუ-ჩუქუს ბალისკენ გახედვისაც კი გვეშინოდა, ხოლო ბორცვებზე თამაშზე ფიქრიც ხომ ზედმეტი იყო. უფროსები და მშობლები გაოცებულები კითხულობდნენ, რა ჭირთ ამ ბავშვებსო. ყველაფრის ნებას გვრთავდნენ, მაღაზიაში გვაგზავნიდნენ, მალე ალბათ ბორცვებზეც გაგვიშვებდნენ. ბოლოს კი დასაკვნეს, დიდმა არეულობამ ამ ახტაჯანებზეც კი იმოქმედა.

ერთხელ, ჩემს ოთახში რომ ვთამაშობდი - უცხო ხმა გავიგონე. გამოვედი ოთახიდან და გავშეშდი - დედა და მამა მაგიდასთან ისხდნენ და ცალთვალა გოლიათთან ლვინოს სვამდნენ. მამამ სუფრასთან მიმიხმო, მაგრამ ხაბიჯიც ვერ გადავდგი. „როგორ ხარ, ბაღების რისხვავ? მამაშენი კარგი კაცია!“ - გამილიმა ცალთვალამ.

მამა მოსამართლე იყო, მაგრამ არც მტერი ჰყოლია და არც ცუდი მსმენია მასზე. მამაჩემის სიკვდილის შემდეგაც კი, ხალხი ამბობდა, რომ მამასავით პატიოსან და სამართლიან კაცს ძნელად იპოვიდი.

- მოხვალ, თუ არა, სტუმარს ხომ უნდა მიესალმო! - თქვა მამამ.

- შენი მეზობელი პროეურორი დარდობს, რომ ხილი ულპება! - მითხვა გოლიათმა.


- მაშ ანზორს ხილს თქვენ პარავდით? - გაეცინა მამას.

აი, ასე გავიგე, რომ მსუქანას ანზორი ერქვა და რომ ის პროეურორია. მე ძალიან მიყვარდა მამას მუხლებზე ჯდომა და მოსმენა, თუ როგორ ელაპარაკებოდა დედას, ან როგორ უსმენდა მამა - როცა, დედა როიალზე უკრავდა.

გოლიათის გაცნობის შემდეგ უკვე გავპედეთ ბავშვებმა ბორცვებზე გაპარვა და თამაში. ანიკოსგან გავიგეთ, რომ გოლიათს გუჯა ერქვა და რომ მისი ოჯახი ჯერ ანამეს და მერე დახოცეს. გაკოჭილ გუჯას კი აიძულებდნენ ამ საშინელებისთვის ეცქირა. როცა შეილების დახოცვის ჯერი დამდგარა, გუჯამ თვალები დახუჭა. „გამარჯვებულები“ შეცდნენ მისთვის კოვზით გაელოთ თვალები და როცა ეს ვერ შეძლეს - კოვზით ამოთხარეს თვალი.

ერთხელ ანიკომ ახალი ამბავი მოგვიტანა. თავიდან ჩვენ არ დავიჯერეთ და ვიფიქრეთ, რომ ეს ანიკოს ფანტაზიის ნაყოფი იყო. ანიკო გვიმტკიცებდა, რომ ბანაკში ბავშვი ჰყავდათ. ანიკო მოგვიყვა, რომ ბავშვი გუჯამ გადაარჩინა: თურმე გუჯამ მძინარე ბავშვი დაიკრა ზურგზე; მოიგონა, ვითომდა კუზიანი იყო და ასე გამოაპარა ბავშვი. ჩვენ ერთხმად გადავწყვიტეთ, რომ ახლავე გვენახა ბავშვი. ანიკომ გაგვაფრთხილა, რომ ეს არც ისე იოლი იყო. ჯერ ერთი, ბანაკთან ძალიან ახლოს მოგვიწევდა მისვლა, მერე კიდევ, ლტოლვილები თვალის ჩინივით რომ უფრთხილდებოდნენ პატარას, ესეც უნდა გაგვეთვალისწინებინა. მაგ-

რამ ჩვენ ისე გვინდოდა და გვაინტერესებდა პატარა ლტოლვილის ნახვა, უკან არაფერზე დავისევდით. ეგ კი არა, თუ საჭირო გახდებოდა, ბანაკშიც შევიდოდით. იმ ბავშვისთვის საჩუქრებიც კი შევაგროვეთ და ბორცვებისკენ გავსწიოთ. ბანაკთან მისვლა ძალიან გაგვიჭირდა. ქვემოდან ადიდებული მდინარე მოგვბლაოდა, ქარი სახეში გვცემდა. ფრიალო კლდეებზე და ხრამებზე საცალფეხო ბილიკებით გადავდიოდით, ფეხები გვიკანკალებდა, მაგრამ ერთმანეთს ჩაბლაუჭებულები მაინც წინ მივდიოდით. თითქმის მივაღწიეთ ბანაკს, რომ უეცრად შეშისგან და აუტანელი სიმყრალისგან ელენიკოს თავპრუ დაეხვა. ელენიკო ტიროდა, ხმამაღლა გაპკიონდა და ადგილზე ტრიალებდა. ანიკო ეფერებოდა და აწყნარებდა ელენიკოს. ელენიკო კი ტიროდა და ტიროდა. მოულოდნელად ანიკოს ფეხი დაუსხლტა და მდინარეში გადავარდა. ჩვენ ყვირილი დავიწყეთ და ტიროლით ვითხოვდით შველას. ბანაკიდან მაღალი კაცი გამოვარდა და მდინარეში გადაეშვა. ეს კაცი გუჯა იყო. გუჯა დიდხანს ებრძოდა მდინარეს - ხან ტალღებში ქრებოდა, ხან ამოყვინთავდა. ჩვენ მას ნაპირ-ნაპირ მივდევდით. ბოლოს გუჯამ ამოიყვანა ანიკო და ბალაზე დააწვინა. გუჯა მკერდზე აწვებოდა ანიკოს, მაღლა წევდა და აქანავებდა, პირში უბერავდა, ატრიალებდა. შემდეგ გუჯა ქვიშაში ჩაჯდა. სახეზე ხელები აიფარა და ტირილი დაიწყო. შორიდან ვუყურებდით, როგორ დატოვა გუჯამ ანიკო და ხიდისკენ მიმავალ ბილიკს გაუყვა. ელენიკო აღარ ტიროდა. უეცრად უჩვეულო ხმაური შემოგვესმა. შევტრიალდით და დავინახეთ, რომ ლტოლვილთა ბანაკი მოფუთფუურე ჭიანჭველების ბუდედ ქცეულიყო. ბანაკიდან უცნაური ზუზუნი ისმოდა. მალე ზუზუნი გუგუნში გადაიზარდა და ეს ხმაური თანდათან მოგვიახლოვდა, ყველა მხრიდან ლტოლვილები მოდიოდნენ: ხეიბრები ბრმებს მოუძღლდნენ, ზოგი ჯოხს ეყრდნობოდა, დაუძღლურებულები საკაცებით მოჰყავდათ, საპყარ-დაფეხვილები ფორთხვით მოწევდნენ ჩვენსკენ. აუტანელმა სიმყრალემ და ლტოლვილებმა შთანთქეს ახიკო. ჩვენ მას ვერ ვხედავდით. ანიკოს გარს შემოხვეული ლტოლვილები რაღაცაზე მსჯელობდნენ, კამათობდნენ და ყვიროდნენ. შემდეგ, ლტოლვილები დადუმდნენ, წრე გაშალეს და ჩვენ ისევ დავინახეთ ანიკო. ანიკოსთან ქალების პატარა ჯგუფი დარჩა. ერთ ქალს ბავშვი ეჭირა. ჩვენ პირველად დავინახეთ პატარა ლტოლვილი. შორიდან ვერ გავარჩიეთ, გოგო იყო თუ ბიჭი. მოხუცმა ქალმა ანიკოს საცვალი გახადა და თავიანთ ბავშვს ჩააცვა. მერე ბავშვი მაღლა ასწიეს, რათა ყველას დაენახა. აღტაცებულმა ლტოლვილებმა ერთხმად იღრიალეს. ანიკოს კაბაც გახადეს, ფეხსაცმელებიც... და ანიკოს სამოსში გამოწყობილ პატარას ყველას დასანახად, მაღლა სწევდნენ და ატრიალებდნენ. ლტოლვილების საზეიმო პროცესია წამოძახილებითა და გნიასით გაემართა ბანაკისაკენ. ბავშვი ხელიდან ხელში გადადიოდა. ყველა ეფერებოდა და კოცნი-



და თავიანთ პატარას. პატარას გამო ლტოლვილები რამდენჯერმე წაიჩსუნდნენ. ყავარჯენები, ჯოხები, ქვებიც კი დაუშინეს ერთმანეთს, ყველას უნდოდა ლამაზად ჩაცმული ბავშვის ხელში აყვანა, შეხება და მოფერება.

მწვანე მდელოზე მკვდარი, შიშველი ანიკო ინვა. ანიკოსი არ გვეშინოდა. ანიკო ჩვეულებრივი გამხდარი, ლამაზი გოგო იყო. ჩვენ მაინც ვერ გავიგეთ რას უმაღლავდა ანიკო ელენიკოს. ანიკოს „იქ“ ყველაფერი რიგზე ჰქონდა.

საღამოს ჩემს ოთახში ვიჯეექი და იმ სათამაშოებს ვარჩევდი, ანიკომ რომ მაჩუქა - ნიუქარებს, ჯარისკაცებს, სახანძრო მანქანას... ეს მანქანა, ანიკომ ბექას ჯიბრით მაჩუქა. უეცრად ყვირილი, კივილი და ხალხის გუგუნი შემომესმა. ოთახიდან გამოვარდი. გაფითრებული მამა ფანჯარასთან იდგა. დედა სკამზე იჯდა და ტიროდა. ქუჩიდან ხმაური და მსხვრევა-მტკრევის ხმა ისმოდა. ფანჯარასთან მივირბინე, მაგრამ მამამ ხელი მტაცა და მშვიდად მითხრა: „შენ, ეს არ უნდა ნახო!“ მამას დავუსხლტი და ქუჩაში გავვარდი. აბობოქრებული ადამიანების ბრძო დასისხლიანებულ გუჯას მოათრევდა და გაპჭიოდა: „ნაჭერ-ნაჭერ ავ-კუნოთ! ჩავქოლოთ! ჩამოვახრჩოთ!“ გუჯას მუშტებით, ფეხებით, ჯოხებით სცემდნენ. ქვებს ესროდნენ და აფურთხებდნენ. ხალხი ჩვენს ფანჯრებთან იკრიბებოდა: „მოსამართლე, გარეთ გამოდი და გაასამართლე! ჩამოახრჩე! პროკურორი მოვიდეს! სად არის პროკურორი?!“ სად არის მოსამართლე?!”

გუჯა ცენტრალურ მოედანზე, ჩვენი სახლის წინ ჩამოახრჩეს. შემდევ გვამი თოკებით გამოაბეს ფურგონს და ჩირალდნებით ხელში, ბლავილი-

თა და ლრიალით ქუჩა-ქუჩა დაათრევდნენ გუჯას სხეულს.

ღამით მშობლების ოთახში შევედით. დედა და მამა სხვადასხვა საწოლზე ისხდნენ. მამა ერთა-დერთ ფრაზას იმეორებდა - „ანიკო შიშველი იყო, გუჯას სველი ტანსაცმელი ეცვა!“

- „მამა, შენ და კუკუ ჩუქუ-ჩუქუმ გუჯა ჩამოახრჩეთ!“

- „ანიკო შიშველი იყო, გუჯას სველი ტანსაცმელი ეცვა!“ - იმეორებდა მამა.

- „მამა, შენ ხომ იცოდი სიმართლე?! მამა, შენ და კუკუ ჩუქუ-ჩუქუმ სიკვდილი მიუსაჯეთ გუჯას!“

იმ ღამით დამესიზმრა, რომ ბექამ, ნოდარიკომ და ელენიკომ თავიანთ მშობლებს სიმართლე უთხრეს. ყველაფერი თქვეს, რაც სინამდვილეში მოხდა.

ანიკოს სიკვდილიდან დიდი დრო გავიდა. დავბერდი. ანიკოსა და გუჯას სიკვდილი, ასე თუ ისე, გასაგები გახდა ჩემთვის. მიუხედავად მიმისა, რომ ვიცოდი, გუჯას არ გაუხდია ანიკოსთვის, მაინც გასაგები გახდა ჩემთვის, თუ რატომ მიუსაჯეს მამაჩემმა და კუკუ ჩუქუ-ჩუქუმ გუჯას ჩამოახრჩობა. იმასაც ვხვდები, რომ რაც უნდა კოხტა ჩასაცმელი ჰქონდა ანიკოს, გუჯა არასოდეს გახდიდა და არასოდეს არავის ჩაცმევდა მკვდარი ბავშვის ჩასაცმელს. მაგრამ დღემდე ვერ გამიგია, ლტოლვილებმა რატომ გახადეს მკვდარ ანიკოს და ასე ზარზეიმით რატომ ჩაცვეს თავიანთ სათაყვანებელ არსებას მკვდარი ანიკოს საცვალი და პატარა მოკლე კაბა. იქნებ ანიკოს და გუჯას სიკვდილი და პატარა ლტოლვილისთვის ანიკოს ტანსაცმლის ჩაცმა ერთი დიდი სიკვდილი იყო ჩვენი ქალაქისათვის?!

ბაზა ფირალიშვილი

ნაგვიანები რექვიემი



ხანდისხან მგონია, რომ მეხსიერება (ან, ეგებ, ვიღაც ჩვენი მეხსიერების მეშვეობით) თვალომაქ-ცურ თამაშებს გვეთამაშება. მხოლოდ გვიანდა ვხვდებით, ტყეში გზააბნეულებივით როგორ და-კუტრიალებივართ წრეზე და ის, რაც აქ და ახლა გვეგონა, სინამდვილეში კიდევ ერთი მოხილვა ყო-ფილა იმისა, რაც სადღაც მიგვიტოვებია და თით-ქოს აღარც არის და აღარც მნიშვნელობს. ჰოდა, ეს, ერთი შეხედვით, მიკარგული და მივიწყებული რამ მოულოდნელად გამოძებნის ხოლმე რაღაც ხვრელს და ცდილობს, ახლა უკვე აწმყოს პრიზმი გაირბინოს და ამით გვითხრას, რომ მისი მიკარგვა მხოლოდ ილუზია ყოფილა და რომ ის არც არსად დაკარგულა. უფრო მეტიც, თუკი რაიმე გან-საზღვრავს ჩემს ყოფნას აქ და ახლა, პირველ რიგ-ში ის საშენი მასალაა, რომელიც სადღაც მიტოვე-ბული მეგონა - თანაც არა იმ ბანალური აზრით, რომ აწმყო წარსულზე შენდება, არამედ იმ ჭირვე-ული ვნების გამო, რომელიც მაიძულებს, დროის სარდაფში უდარდელად მიგდებული მოვლენები კი-დევ ერთხელ მოვაბრუნო და კიდევ ერთხელ გავე-საუბრო ჩემს თავს „იქ და მაშინ“. იმ დროს, როდე-საც ის მოვლენა „აქ და ახლა“ იყო, მისით გამოთ-ქმულმა სადღაც ჩემს გვერდით ჩაიარა, თუმცა კი მაუწყა თავისი არსებობის შესახებ და აბეზარი მნე-რივით შემოჩენილი ეს უწყება მაიძულებს, რომ დავ-

ყვე მეხსიერების თვალომაქცურ თამაშებს და დრო-ით წრფეზე მავალი წრიულად მივუბრუნდე წარსუ-ლის რომელილაც მონაკვეთს და კიდევ ერთხელ ვა-ცადო იმის გაგებას, რაც მაშინ მეუწყა.

ნოსტალგია მეხსიერების ამ თამაშების დიდი იარაღია. ის მიგვანიშნებს, რომ ჩვენი არსებობის მთლიანობისა და სამყაროსთან თანხმიერების გან-ცდა ოდესაც, თურმე, გვახლდა, თუმცა ვერც შეგ-ვიმჩნევია. გვიანდა ვამჩნევთ. ამიტომაც ის უფრო მონატრება იმისა, რაც, თურმე, სადღაც და ოდეს-ლაც რომ მოვცემია, მაგრამ ხელიდან გაგვისხლტა.

„ის ვიღაც“ მეხსიერებისა და მისი იარაღის - ნოსტალგიის - მეშვეობით თითქოს გვახსენებს, რომ მონატრების ვნება და რაღაც ძალზე მნიშვნელოვა-ნის ხელიდან გასახლტომის გამო წუხილი მუდმივად უნდა დაგვდევდეს, რათა ერთხელ - წამიერად მა-ინც - სამყაროსთან შერიგების ბედნიერებად იქ-ცეს: მონატრებამ წარსულიდან აწმყოში, „აქ და ახ-ლა“ გადმოინაცვლოს და ალსრულებული იმედივით დამეუფლოს წაცნობი განცდა: მე შენ გიცანი, რო-გორც დეკარტე იტყოდა, გიცანი იმავე ნიჭიერების წყალობით, რომლითაც ვცნობ საკუთარ თავს.

მანამ კი მეხსიერება (თუ ის ჰიპოთეტური ვი-ღაც ჩემი მეხსიერების მეშვეობით) განაგრძობს თა-ვის თამაშებს და კვლავ და კვლავ გვაბრუნებს წრე-ზე, უფრო სწორი იქნებოდა, მეთქვა, ერთმანეთში

გარდამავალ და ერთმანეთის გადამკვეთი ლამის ქაოტური წრებისა და სპირალების წყებაზე, რომელსაც გარევულობას მხოლოდ ორი გარდუვალობა - დაბადება და სიკვდილი, წერტილი „ა“ და წერტილი „ბ“ ანიჭებს. ამ ურთიერთგადახლართული და დაუთვლელი წირებით თითქოს უნდა აიგოს ფიბონაჩის ის სპირალი, რომლადაც მავანს ჩემი არსებობის დახატვა სურდა. ამას დავუმატოთ ჩვენი მარად დაუმთავრებელი ფიქრები და განცდები, თავბრუდამხვევე თავგადასავლებში რომ გადაშვებულან დასრულებისა და მშვიდობაში დავანების იმედით.

ცხადია, ყველაფერი ამის წრფივ თანამიმდევრობად დალაგება და მოთხრობილ ამბად წარმოდგენა შეუძლებელია, თუმცა კი გარდუვალია დალაგების მცდელობა. ეს შანსს გვაძლევს, თავი დავალწიოთ მოვლენათა თანამიმდევრული განვითარებისა და მათში გარევულობის არსებობის იღუზით „იმ ვიღაცის“ მიერ მართულ ქაოსს. მაგრამ ისიცაა, რომ თუ ხანდისხან მაინც ჩვენი ნებით არ ვიტყვით უარს ამგვარ ნარკოტიკულ თრობაზე, „ის ვიღაც“ ახალ წრეს წამოიწყებს და თავდაყირა დაგვიყენებს სამყაროსთან თუ საუთარ თავთან შერიგების ყალბ სიტყობოებას. მაგრამ ვერ ვიტყვით, რომ „ის ვიღაც“, ის ჩვენი მარადი ოპონენტი ულმობელია. პირიქით, შესაძლებლობას გვაძლევს, უმეტესი დრო ჩვენი არსებობის წრფივი აღნერის მდგომარეობაში ვიყოთ და მხოლოდ ხანგამოშვებით თუ შეგვყრს ხოლმე შფოთს, რათა თვითმექმარ იღუზიებში ზედმეტად არ ჩავიძიროთ. მხოლოდ ხანგამოშვებით თუ გაალვიდებს ახალ წრებს, უნესრიგო წირებს თუ სპირალებს და კიდევ ერთხელ მიგვანიშნებს, რომ დროის საიდუმლოს, თურმე, მხოლოდ ის ფლობს, უფრო მეტიც, თავად არის დრო, რომელიც გარდუვალობით იმექს იმას, რისი მომკაც აქვს გამიზნული და ჩვენს მცდელობაზე, დრო დავიმორჩილოთ და ჩვენთვის გასაგები სწორხაზოვნების ფარგლებში ჩავკეტოთ, მხოლოდ კეთილად თუ ეღიმება და თვალს ადვენებს, თუ როგორ ვართ იძულებულები, მეხსიერების ბრუნთა ნებას დავყვეთ და კიდევ ერთხელ მივუბრუნდეთ იმას, რაც ჩვენი არსებობის მოუხელთებელ ელფერად ქცეულა; კიდევ ერთხელ დავრნებუნდეთ, რომ ჯერაც არ დამდგარა დრო, ან უფრო სწორად, ვერასოდეს დადგება დრო, ჩვენი ნარსული გამოუსადეგარი ნარჩენივით მოვიშოროთ თავიდან. მეტიც, თუ არ მივუბრუნდით მას, აუცილებლად იძიებს შურს და კვლავ და კვლავ გვაიძულებს, ამოვნუროთ ის, რაც, თურმე, უნდა ამოგვენურა.

ჰოდა, აქა ამბავი მეხსიერების ერთი ბრუნისა - თუკი საერთოდაც შესაძლებელია წირთა ქაოსიდან ერთი წირის გამოყოფა. მაინც შევეცდები, ამ წირის ერთ ბოლოს ხელი ჩავავლო და ფრთხილად გამოვქარი, მითუმეტეს, რომ ჯიუტად მახსენებს თავს.

1972 წელი იყო. ჯერაც სკოლაში ვსწავლობდი. გარკვეული მიზეზების გამო საავადმყოფოში აღმოჩნდი და იქ ლამის ერთი თვის გატარება მომინია. ექიმები სიარულს მიკრძალავდნენ, მაგრამ 15-

16 წლის ბიჭისათვის ეს აკრძალვა მხოლოდ ნაშუადლევამდე მოქმედებდა. როგორც კი ექიმები სახლებისკენ გასწევდნენ, წამოვხტებოდი და ახალ ნაცნობებს შემოვივლიდი ხოლმე.

ამქვეყნად არ არსებობს 15 წლის ბიჭზე უფრო ხალისიანი და ახალი ნაცნობობის მოსურნე, არაჩვეულებრივი ენთუზიაზმით რომ იძენს მეგობრებს, დარწმუნებულია, რომ ცხოვრების ბოლომდე მათთან ერთად იქნება და რომ სწორედ ახლა ხდება მისი ცხოვრების უმნიშვნელოვანესი ამბები. ჰოდა, მეც ლამის ყოველდღიურად ვიძენდი ახალ მეგობრებს და მთელ საღამოებს საავადმყოფოს ეზოში ვატარებდი. ჩემს ექიმს ისიც რომ გაეგო, თუ საავადმყოფოს ბალში შედამების შემდეგ თბილისის ოპერის ერთ გალოოთებულ მევიოლინესთან და მის ახალგაზრდა მეგობართან ერთად როგორ მივირთმევი არაყს, ალბათ, საავადმყოფოდან გამომაგდებდნენ კიდეც. არადა, ეს საიდუმლო ნადიმი ჩემთვის ჩემი კაცობის დასტური იყო და მთელი სერიოზულობით წარმოვთქვამდი პათეტიკურ სადლეგრძელებს, რითაც, ალბათ, შევაწუხე კიდეც ისინი. კიდევ ერთი გასართობი მქონდა. საერთო სააბაზანში ვიკეტებოდი და საათობით ვწევივრობდი ცხელ წყალში, თან უფროსი ძმის მიერ მალულად მოტანილ სიგარეტს ვეწეოდი. სიგარეტის მარაგი ყოველთვის მქონდა ლეიბის ქვეშ გადამალული.

სწორედ მაშინ გავიცანი ის მოხუცი - ჩია, გამხდარი კაცი. მისი სახელი ალარ მახსოვს. სახის ნაკვთებსაც ძლივს ვიხსენებ. მახსოვს, რომ სიბერით მოხრილ ტანზეც კი ეტყობოდა, რომ იღესღაც ლარივით გაჭიმულს სჩვეოდა სიარული. მიუხედავად ასაკისა, თავი ყოჩალად ეჭირა. დერეფანში ისე მიდიოდა, თითქოს იქ მის მეტი სხვა არავინ იყო და გზასაც უნებურად უთმობდნენ.

ეს იყო მაშინ ჯერაც შემორჩენილი თაობის წარმომადგენელი, ზრდასრულობაში მეფის რუსეთსაც რომ მოესწრო და შემდეგ მთელი ცხოვრება საბჭოეთში გაატარა. აზნაური მეტი ისე, მაგრამ ეს ისე საიდუმლოდ გამანდო, თითქოს ამის გამო კიდევ ელოდა რამე საფრთხე. ოფიცერი ყოფილა. მენევიკების დროს, ბოლშევიკების შემოსვლამდე რაღაც მიზეზით მიუტოვებია ჯარი და რეპრესიებს ამან გადაარჩინა. უფრო მეტიც, 20-იან წლებში მისი ოფიცრობა გაიხსენეს და ამჯერად უკვე წითელ ჯარში გაინვიეს. დიდი სამხედრო კარიერა არ გაუკეთებია. თუ არ ვცდები, კაპიტნის თუ მაიორის წოდებით დაასრულა სამხედრო სამსახური.

მოხუცი ხალისით მიყვებოდა ახალგაზრდობის აბბებს. ოთხმოცს იყო მიტანებული. ამ ხნის ადამიანებს უხარიათ მსმენელის გამოჩენა. მე კიდევ იმ ასაკში ვიყავი, როდესაც ყმანვილს უფროსების მონაყოლის მოსმენა ურჩევნია ლაპარაკს და მთელი საღამოების განმავლობაში ვისმენდი მის საომარ თუ საყაზარმო თავგადასავლებს. ძალიან არ მოსწონდა, სიგარეტს რომ ვეწეოდი და მომიყვა, თავად როგორ დაანება თავი. ბაგშვი მეყოლა თუ არა, ექვსი კოლოფი პაპიროზი (სწორედ ასე თქვა: პაპიროზი) ღუმელში შევყარეო. ცოლმა შეიცხადა, ხელახლა გექნება საყიდელიო, მაგრამ იმის შემდეგ აღარ გავკარგებივარო.

თავისი დაავადების შესახებ გარკვეულს ვერა-
ფერს ამბობდა. მიკვლევენო. ცოტა სუსტად ვგრძნობ
თავს და შვილიშვილმა გამოსაკვლევად დამაწვი-
ნაო. აქაური ექიმი მისი მეგობარია და მპატრონობ-
სო. შვილი ცოცხალი აღარ ჰყავდა და შვილიშვილ-
თან ცხოვრობდა, თურმე.

მალე მე საავადმყოფოდან გამწერეს. პირველ
ხანებში ახალი მეცნიერების სანახვად შევივლიდი
ხოლმე. თანდათან მათი რიცხვი მცირდებოდა. გაე-
ნერებოდნენ და თვალსაწირიდან ქრებოდნენ. რამ-
დენიმეჯერ ეს მოხუციც ვნახე, თუმცა გაგვიჭირდა
ძველი ურთიერთობის აღდგენა. გაუცხოვებულად
მეტვენა. მესამედ რომ მივაკითხე, თვალი ამარიდა.
არ მომესალმა. შევწუხდი. მისი პალატის მეზობელს
ვკითხე და მეცნიერება დაკარგაო, მიპასუხა. ველარ
ხვდება, სად არისო. მერე საიდუმლოდ ისიც გამან-
დო, შვილიშვილმა აქ გამოსაკვლევად კი არ დააწ-
ვინა, თავიდან მოიშორაო. სახლში ფეხებში ებლან-
დებოდა ყველას, მოერიდათ, მოხუცთა თავშესა-
ფარში ჩაებარებინათ და აქ განამწერეს თავის ნაც-
ნობ ექიმთან. საავადმყოფო მაშინ უფასო იყო და
მოხუცის თავიდან მოშრების ფაქტი უკეთ შეინიღ-
ბებოდა. უკვე მთელი თვეა, აღარ აკითხავსო. ესეც
მიხვდა და უცებ მოტყვადაო. თავად არასოდეს დაუ-
ჩივლია შვილიშვილზე, ისევ ისეთი ოდნავ დამცინა-
ვი და ყინჩიაო. მეცნიერება უცებ დაუკარგავს. ან, იქნებ, უბრალოდ, ნაცნობიბაზე უთხრა უარი იმ
ქვეყანას, რომელმაც ასე ულმობლად მოიშორა თა-
ვიდან. მეც ხომ ამ ქვეყნის ნანილი ვიყავი და სხვე-
ბივით გამდევნა. სადღაც სხვაგან გადასახლდა და
მთელი დღეების განმავლობაში დერეფანში დაჟ-
ქონდა თავისი უსასრულოდ წვრილი, დასუსტებუ-
ლი ფეხები. მინავლებული მზერით უცქერდა რა-
ღაც განურჩეველ წერტილს სივრცეში და თითქოს
მისკენ მიიწვედა, თანაც, ნონასნორობის შესანა-
ჩუნებლად, ბებრულად დაძარლვული ხელით ეყ-
რდნობოდა, კიდელს.

ერთხელაც მივედი და გარდაიცვალაო, მითხრეს. თითქოს მიაგნო იმ წერტილს, რომლისკენაც თავისი უსიცოცხლო მზერით და ლასლასით მთელი ბოლო დღეების განმავლობაში მიდიოდა. წამიერად რაღაც მსგავსმა გამიელვა, უფრო კი თითქოს დავინახე, თუ როგორ მიაგნო რაღაც უხილავ მეტაფიზიკურ ბზარს, მიიმალა მასში და ეს ბზარიც დაიხურა.

ერაც გრძნობდა თავის მნიშვნელობას. განდევნა და მიადგა იმ ბზარს, გარიფების შანსს რომ აძლევ-და და ჩაიკარგა მასში, ჩაიკარგა და მთელი ჩვენი სამყარო უსარგებლო ნაშთივით მოგვიგდო. თუმცა კი, ამ დროსაც იგი კვლავ სამხედრო და კვლავოფიცერი იყო, დაუდევრად რომ შეუძლია სიცოცხლის დათმობა, მითუმეტეს, თუ ეს დათმობა თავისი ღირსების შენარჩუნების შანსს აძლევს. პოდა, დაგვტოვა ჩვენ - ულირსები, კომფორტს გამოკიდებულები, თვალთმაქცი კეთილშობილებით ბოროტების ჩამდენი, მოკლედ, ჭკვიანები და ანგარიშიანები, დაგვტოვა და სხვისი არ ვიცი და მე კი საფიქრალად დამიტოვა ის ბზარი, რომელსაც წაადგა მას შემდეგ, რაც უარი თქვა ჩვენს ხსოვნაზე და გაიხსენა ის, რასაც, ალბათ, მთელი ცხოვრების განმავლობაში გულმოდგინედ ივიწყებდა და მთელი ჩვენი ანგარიშებითა და ოცნებებით ნაგები სამყარო განაბინა მის წინაშე. შური იძია იმ ერთადერთი სინამდვილეთი, ყველაფერ სხვას რომ თავის თავში ჩანთქავს. ამიტომაც იყო კეთილშობილი აზნაურიშვილი, რომ შეეძლო ამის გაკეთება.

ცხადია, მე ისევ 15 წლის ბიჭად ვრჩებოდი და ყველაფერი ის, რაც მასთან დაკავშირებით ვახსენებ, კვლავ თან დამყვებოდა, თუმცა კი, ასევე, ხან ფარულად, ხან კიდევ აშკარად დამყვებოდა ხსოვნა იმ ბზარისა, რომელიც ამ მოხუცის წყალობით წამიერად ვიზილე და რომელიც მას შემდეგ ულმობლად მახსენებდა თავს. სამურაი ხომ თავის ყოველ-დღიურ მედიტაციებში საკუთარ თავს ხმლით დაკუნტულს წარმოიგენდა ხოლმე და ასე ეგუებოდა არსებობის ამ ზღვრულ მდგომარეობას. ალბათ, მხოლოდ ორი რამ ძალგვიძს: ამ ძრწოლის დაგინება, მისი შენიღბვა და დაურვება ამის, ვინ იცის, რამდენი ფორმა არსებობს - გულუბრყვილოდან დაწყებული და ურთულესი რიტუალებით დამთავრებული. ან ძრწოლის შენიღბვა, ან მისი მიღება, იმ კარიბჭის ხილვა, რომლის მიღმაც შეიძლება არც არა ფერი იყოს - უბრალოდ, კარიბჭეა და მორჩა. სამურაი თავისი ნებით იღებს გარდუვალობას იმ ბზარისა, რომელიც ჩემმა მოხუცმაც მონიშნა და თავის ბებრულად ცრემლიან თვალებში ჩაბუდებული ჩამქრალი მზერით მიჰყვა მას. პირიქით, ეს ბზარი თან ულმობლად ითრევდა, თან თავსდამტყდარი მარტობისა და განნირულობისაგან თავის დაღნევას პირდებოდა.

ის, ვინც მექსიკების თამაშებში გვითრევს, მუდმივად გვახსენებენ, რომ, მართალია, დრო თითქოს მოძრაობს და წრფივად მიიმართება, მაგრამ სინამდვილეში არც არსად მიდის და რომ ის ამოცანა, ოდესადაც ძენონმა რომ დასვა აპორიაში -, „ისარი“ დღესაც გადაუჭრელია. უფრო მეტიც, სწორედ ეს გადაუჭრელობის ვითარებაა ჩვენი დროში არსებობა და რომ ცოცხლები გვქვია მანამ, სანამ გადაუჭრელი ვითარებები არსებობს. ისარი მოძრაობს „ა“ წერტილიდან „ბ“ წერტილამდე, ამბობს ძენონი და ჩვენც ვხედავთ, როგორ გადაადგილდება ის. მაგრამ როდესაც ისარს რომელიდაც შუალედურ წერტილში განვიხილავთ, ის იქ არის და არა სხვაგან. მაშასადამე, ის გაჩერებულია. იგივე ით-

ქმის ნებისმიერ შუალედურ წერტილზე. მაშასადამე, ჩვენ მოძრაობად აღვიქვამთ იმას, რაც გაჩერებათა ჯამია. მაშასადამე, მოძრაობა არ არსებობს. კვანტურ ფიზიკაშიც ხომ რაღაც მსგავსია ნათქვა-მი. თუ ვიცით, სად არის ნაწილაკი, აღარ გვეცოდი-ნება, თუ საით მიდის ის. ხოლო თუ ის ვიცით, თუ საით მიდის, არ გვეცოდინება, თუ სად არის ის ახ-ლა. წერტილი შავი ხვრელივითაა, რომელიც თით-ქოს თავისთავში ცდილობს მთელი სინამდვილის შთანთქმას. თან ვმოძრაობთ, თან წერტილისა თუ წერტილთა ჰიპნოზურ ხიბლში ვართ მუდმივად და-კუბრუნდებით მათ. ასე მოგვდევენ ადამიანები, საგ-ნები და გარემოებები და ხანგამოშვებით გვაიძუ-ლებენ, შავი ხვრელის მიზიდულობა ვიგრძნოთ.

რულო, თვითმნარმოებელ სვლად ექციათ და ასე კექციები მოსიარულე მიცვალებულად; თან დამყვებოდნენ და, ვინ იცის, რა ხერხებით არ მამყოფებდნენ ჰიპნოტურ გახევებაში; თვალს ვადევნებდი ჩემს სხეულს, რომელიც ჯერ თავად განმსაზღვრავდა მე, ჩემს ურთიერთობებს, ფიქრებსა და განწყობებს, მერე კი ისეთი წამიც დადგა, როდესაც წრე ჩაიკეტა და ჩემმა ფიქრებმა და განწყობებმა იწყეს მისი განსაზღვრა. ამ წლების მანძილზე, ვინ იცის, რამდენი კოლექტიური დემონის მონა ვყოფილვარ და სხვებთან ერთად რამდენ ამგვარ დემონს მოვუქცევივარ განწყობათა გამოუვალ მორევში, სხვებთან ერთად თავანწყვეტით მიტრიალია იქ, სანამ, ისევ და ისევ, ერთ წამსაც, საზრისით სავსე იდეებისა და განწყობების ადგილას დამცინავი სიცარიელე არ დამხვედრია და კიდევ - ისევ და ისევ ის თავისი მდუმარებით შემაძრნებელი მეტაფიზიკური ბზარი; მსურდა და მახსოვდა თუ არა, მთელი ეს წლები მისკენ სვლა იყო და ჩემი სხეულის რომელიდაც მოუქელთებელ ადგილას გაჩენილი რაღაც ნელნელა იკრებდა ძალას და უჩინრად მიბიძგებდა მისკენ; ცხოვრება ხომ, რაღაც აზრით, სწორედ ასე შეიძლება აღინიეროს: ამ რაღაცის გამოთავისუფლებად ყალბი იმედებისა და მიზნების ტყველობისაგან, ხილის ნაყოფში დაბადებული ჭიასავით რომ ეუფლება თავისი დაბადების ადგილს, სანამ ბოლომდე არ ამოჭამს მას. და თუკი ულმობელი ხელით რაიმე ფანტაზდა ყველაფერ იმას, რაც მებიუსის სიბრტყეზე მაკავებდა, სწორედ ეს იყო, მეტაფიზიკური ბზარის ეს ხსოვნა, ამ შავ ხერელთან მეზობლობის ეს ულმობელი განცდა, პირველად სულ შვიდიოდე წლისამ რომ ვიგრძენი, როდესაც ღამით ვარსკვლავებს შევცეკროდი და წამიერად გამიელვა, რომ სულ რაღაც სამოცდაათი წლის შემდეგ მე აღარ ვიქნებოდი, ეს ვარსკვლავები კვლავ იქნებოდნენ ცაზე, ხოლო შემდეგში მოხუცის სიკვდილმა ის დროში გაჭიმული ჩემი ფუგირებული არსებობის ერთ-ერთ უმთავრეს და განმეორებად თემად აქცია. ასეთი გულუბრყვილო და უშუალო ბავშვური ფიქრით მოძებნა ამ ჭიამ ჩემმი ადგილი და გამომყვა გზაზე, რათა ზოგჯერ მაინც დამელნია თავი დიდი სიცრუისაგან, ხოლო როგორც კი იგრძნობდა, რომ ზედმეტი მომივიდა და ამ გამოთავისუფლებასაც უკვე დათრგუნვის მეტი აღარაფერი მოჰქონდა ჩემთვის, დაოსტატებული მასნავლებელივით უკან იხევდა და თვალთმაცურად კვლავ ადგილს უთმობდა იმედებსა და მიზნებს, კოლექტიურ თუ პიროვნულ დემონებს, ადამიანებსა და გარემოებებს, თორმე, სხვაგვარად, სხვა გზა არ დამრჩებოდა და ძენონის ისარივით უნდა გავხევებულიყავი და ვეღარ გამოითქმოდა ის, რისი გამოთქმაც ჩემით უფალს სურდა. ამ სათქმელის დასრულებამდე კი მეთოდურად და თანამიმდევრულად იმკვიდრებდა ადგილს ჩემს სულსა და სხეულში. ჰოდა, ეს: მოხუციც, თურმე, მთელი ამ წლების განმავლობაში ჩემთან იყო, ხელკავების გაყრილი მომყვებოდა და მეც მივყვებოდი მას მის იდუმალ გზებზე; კვლავ და კვლავ წინ და უკან დაუყვებოდით წამლის სუნით გაუღენთილ დერეფანს - ის თავისი სუსტი და გამხდარი ფეხების ფლატუნით, მე მოუსვენარი ცმუკვით, რადგან ახლაგაზ-

ჰოდა, ასე თან თითქოს ვმოძრაობთ ჩვენი ცხოვ-
რების საწყისი „ა”ნერტილიდან „ბ” საბოლოო ნერ-
ტილამდე, თან კიდევ ამ წრფის ადგილები, რომელ-
ბისთვისაც სრულიად შეუფერებელი სიტყვა „ნერ-
ტილი” მიწოდებია, თავად იქცევა შავ ხვრელად და,
ამასთანავე, უცნაური წესით, ოქროს კვეთის პრო-
პორციათა პრინციპით ამოზრდილ ფიბონაჩის უთ-
ვალავ სპირალსაც გავდივართ. ყველა მათგანი უკან
ჩალაგდება. ყველა მათგანი კვლავ დაუბრუნდება
თავის საწყის ნერტილს. ეს შავი ხვრელი-საწყისი
ნერტილიც კვლავ იქცევა იმ ერთ-ერთ ადგილად,
სადაც ცხოვრების ისარმა ოდესლაც გაიარა. საბო-
ლოოდ კი ეს წრფეც იქცევა ფიბონაჩის იმ სპირა-
ლად, რომელსაც, თურმე, ცელიანი ჯეელი ქსოვდა
მას შემდეგ, რაც საკუთარი თავი „ა” ნერტილში აღ-
მოვაჩინეთ. ქსოვდა რუდუნებით, ცივი გარდუვა-
ლობით, ძრნოლისმომგვრელი გულმოდგინებით და

საბოლოო წერტილის დასმით იმაზე, რისი თქმაც უფალს ნებავდა, როდესაც გვიშვებდა ამქვეყნად. ასე იქცევა „ა“ წერტილიდან „ბ“ წერტილამდე ჩემი მოგზაურობა რაღაც უცნაური, გეომეტრიისა თუ მექანიკისათვის უცნობი, მაგრამ ბედისწერის კანონებისათვის სრულიად ნათელი წესით ფიბონაჩის უთვალავ სპირალზე სვლად და პირუკუ. ის, რაც ცოცხალია და, მითუმეტეს, სულიერი, არასოდეს მოგზაურობს მხოლოდ ნრფეზე. ის, ამავდროულად, ამ ნრფის ყოველ წერტილში ამოზრდილ სპირალზეც მოძრაობს და ისე ქმნის თავისი ცხოვრების პანრამას.

ამიტომაც არის ყოველგვარი ბიოგრაფია თუ ცხოვრებისეული ამბავი ფიქცია. ამიტომაც არის დიდი ტყუილი ყოველგვარი მცდელობა იმისა, რომ ვინჩეს არსებობის აღწერა ბედისნერის კანონთა მიერ თუ მისივე თავისუფალი ნებით განხორციელებულ თანამიმდევრულ მოვლენათა რიგად იქნას აღწერილი. ამგვარ აღწერებს არაფერი აქვთ საერთო კოსმოსისა თუ თითოეული ადამიანური სულის იმ ტიტანურ ძალისხმევასთან, რომლითაც ოდესალაც და სადღაც ჩაფიქრებული პორტრეტის ერთი მკრთალი შტრიხი ჩნდება და თითქმის მაშინვე იკარგება სხვა შტრიხებში, თუმცა კი მათი წიაღიდან კვლავ განაგრძობს ხმიანებას. თხრობაში ასეთი გაქცევა გარდუვალიც არის და დიდი ტყუილიც. გარდუვალია იმიტომ, რომ მისი მეშვეობით „ა“ ნერტვილიდნ „ბ“ საბოლოო ნერტვილამდე სვლას გვინდა ჩავავლოთ ხელი, რათა ამით რაღაც გარკვეულობა მაინც შევიტანოთ ჩვენს არსებობაში. დიდი ტყუილია იმიტომ, რომ როგორც კი მას წამოვინყებთ, უარი უნდა ვთქვათ ფიბონაჩის სპირალთა მთელს კასკადზე, იმ-თავითვე რომ კლავენ თხრობის ყოველგვარ შესაძლებლობას. და ეს ასე იქნება მანამ, სანამ ცელიანი ჯელი არ დაასრულებს თავის საქმეს, ბედით მოვლენილი ორიოდე ადამიანი ხელკავს არ გაგვიყრის და ისე მიგვაცილებს იმ მეტაფიზიკურ ბზარამდე, რომელიც მხოლოდ ჩვენია და სხვა არავისი.

მკითხავების არ მნამსო, ერთხელ მითხრა. არც არასოდეს მნამდაო. ეგენი ყველანი იტყუუბიანო. ჩემი ცოლი დაძვრებოდა ვიღაცებთან და მერე გულს მიწყალებდა სისულეელებითო. ერთხელაც ერთ მკითხავს უთქვამს, შენი ქმრის ასაკზე რვიანი არ დაინერებაო. აგერ, სულ სამ თვეში რვიანიც და-ინერება და მერე, თუ ღმერთი ინებგბს, ცხრიანიცო. ვინ რა იცის, რა დაანერებაო. ნაბიჯი შეანელა და თავისი დაწითლებული თვალებით შემომხედა. ათასგვარი ზერელე ოკულტური თეორიებით ვიყა-ვი გატაცებული და, ალბათ, უმნიფარის კარიკატუ-რული სერიოზულობით ვუთხარი: რატომ? ზოგმა რაღაცები მაინც იცის მეთქი. მერე დავიწყე მავან-თა ექსტრასენსორულ უნარებზე ყურმოკრული თუ სადღაც ნაკითხული ამბების მოყოლა. გამოუცდე-ლობით თუ, თუნდაც, ყმანვილკაცური ულმობლო-ბით ვყვებოდი და ვყვებოდი სხვადასხვა შემთხვე-ვებს, თითქოს საქმე სასწაულის შესაძლებლობას შეეხებოდა და არა მის ბედს. თითქოს საგანგებოდ ვუღიზიანებდი ჭრილობას, რომელიც, თურმე, ჰქო-ნია და რომლის დავიწყებაც ვერ მოეხერხებინა. კმა-



ყოფილიც კი ვიყავი იმით, რომ ჩემს მონაცემლსა და არგუმენტებს ამ უფროსმა კაცმა ვერაფერი დაუპირისპირა, გარდა უკამაყოფილო შენიშვნისა: კარგი ერთი, სისულელეა ეგ ყველაფერიო. მე კიდევ პირველადმომჩენის შემართებით ჯიუტად ვუმეორებდი სადღაც მოსმენილ თუ წაკითხულ აზრს: ვერ გამოვრიცხავთ არსებობას ადამიანებისა, რომლებიც რაღაც ფარული ნიშნებით გრძნობენ, თუ როგორ განვითარდება ამათუ იმ ადამიანის ბედი. ზოგი სამყაროს ბედსაც გრძნობს-მეთქი. ჩემს სიჯიუტემი მაშინვე ვიგრძენი უხერხულობა და ისიც დავამატე: თუმცა, ყველაფერი ეს იმ მკითხავს შეიძლება სულაც არ ეხებოდეს და, მართლაც, თაღლითი იყოს-მეთქი. მაშინვე გამიელვა გუნებაში, აი, ახლა მე ნამდვილად ვიცი, რომ იმ მკითხავმა ამის ცოლს სიმართლე უთხრა-მეთქი. არ ვიცი, ბავშვური პატივმოყვარეობის ბრალი იყო თუ სხვა რამისა, მაგრამ როდესაც მისი გარდაცვალების ამბავი გავიგე, სადღაც გულის სილრმეში ეს ჩემი უნარის დასტურად მივიჩნიე. ეს მე ვიცოდი-მეთქი, სადღაც გულის კუნჭულში კმაყოფილმა გავიფიქრე. უცნაურია ის ენთუზიაზმი, რომლითაც სხვისი ცხოვრების წრის შეკვრას ვხვდებით ხოლმე. ეგებ, სწორედ ამ ენთუზიაზმა განსაზღვრა ის, რომ მის შვილიშვილთან ერთად მეც მიმეცილებინა მოხუცი თავისი ბედის წირთა თავმოყრის წერტილამდე, რომ მეც მისი გამცილებელი ერთ-ერთი ჭინკათაგანი ვიყავი და თავადაც არ ვუწყოდი, როგორ აღმოვჩნდი სათამაშო თუ იარაღი ბედისწერის ძალებისხელში - თანაც სწორედ იმ უცნაური და დასამალი ენთუზიაზმის წყალობით. პო, იმ ჩემი ყმანვილკაცური გაცხა-

რებით და დაუინებით, მკითხავთა ღირსების დაცვას რომ მივუძლვენი, ალბათ, სხვა არაფერი გამიკეთებია, თუ არა ის, რომ მეც ხელმკლავი გავუყარე და ვუბიძებ ევლო იქეთ, საითკენაც უნდა ევლო. ახლა ჩემთვის ეს სრულიად ცხადია. პო, ჩემთან და მოხუცის შვილიშვილთან ერთად იყო ერთი ჭინკაც - ექიმი, რომელიც ასევე მიაცილებდა მას და უკან მოხედვის სამუალებას არ აძლევდა, ჯერაც ვერ ხარ ჯანმრთელად და აქ უნდა იყო, წამლებისა და ოფლის სუნით გაუდენთილ საავადმყოფოშიო. იყო ექთანიც, რომელიც, როგორც კი ამის შესაძლებლობა ეძლეოდა, დაჰყვიროდა მოხუცს, შემნებული და დაბნეული საბანს რომ აფარებდა თავს, იყვნენ მისი მეზობელი ავადმყოფებიც, ვისაც ერთმანეთში უკვე გადაწყვეტილი ჰქონდათ, რომ ამ კაცის არსებობას აზრი არა ჰქონდა და ტყუილად თავსაც ინვალებდა, სხვებსაც აწვალებდა და მათი ეს გადაწყვეტილება მათი პალატის ჰაერშიც იგრძნობოდა ნამლისა და ავადმყოფი სხეულების სუნთან ერთად. თითქოს ყველამ ერთად ვიზრუნეთ, რომ, მოხუცი ძენონის ისრის მსგავსად, თავისი სიცოცხლის წირის ერთ წერტილზე გაგუცებულიყო და მასში ჩაკარგულიყო. მთელი ატმოსფერო თითქოს ამ გადაწყვეტილებით იყო გაუდენთილი და იგიც დაგვთანხმდა, არა, კი არ დაგვთანხმდა, თავისი ნებით ნავიდა იმ წერტილისაკენ და ამით შანსი მოგვცა, რომ, ოდესმე, თუკი ძალა გვეყოფოდა, საკუთარი ავკაციობისთვის წამიერად მაინც თვალი გაგვესწორებინა. ჩვენი ხელით იქნა ალსრულებული ის განაჩენი, რომელიც მკითხავის პირით ეუწყა ოდესლაც და ათწლეულების განმავლობაში ელოდა მის ალ-

სრულებას. ერთ დღესაც ყველამ ერთად მოვიყარეთ თავი: მისმა შვილიშვილმაც, მეც - მისმა უკანასკნელმა მეგობარმა, ექიმმაც, ექთანმაც, მისმა ავადმყოფმა მეზობლებმაც, დამლაგებლებმაც და ა.შ., რათა აღვესრულებინა ეს განაჩენი. მას შემდეგ კიდევ ბევრი ვინძე მივაცილე წყვეტის წერტილამდე ხელკავითა და დაყვავებით და ერთხელაც იქნება, მეც მიმაცილებენ, მეც აღმოვაჩენ, რომ უკვე დადგა სადღაც და ოდესლაც გამოტანილი განაჩენის აღსრულების დრო.

ან, იქნებ, ჩემთვის ეს იყო კასიაკუს როლი? რიტუალური თვითმკვლელობის, სეპუჯუს შემსრულებელი სამურაი დამხმარედ მოიხმობდა ხოლმე ვინ-მე მეგობარს, რომელიც რიტუალის შესრულებისას ბოლომდე მასთან რჩებოდა და თავისი ხმლით შველოდა მას. უცნაურია და თითქოს დასაბამიდან ადა-მიანური ცხოვრების ერთი და იგივე ფორმები მეორდება. ცხადია, თხუთმეტი-თევესმეტი წლის ბიჭი ვერც ვითიქერდი, რომ ის, რასაც მე ვაკეთებდი დერეფნებში დაუსრულებელი ხეტიალისას, სხვა არაფერი იყო, თუ არა კასიაკუს მოვალეობა და კულმინაციაც მაშინ დადგა, როდესაც მკითხავებთან დაკავშირებით წარმოვთქვი ტირადა. იაპონელებს ესმოდათ, რომ ადამიანის გაცილება ფიბონაჩის სპირალთა უკანა სვლის გზაზე ყველაზე რთული რამ არის, რაც კი შეიძლება წარმოიდგინო კაც-მა. ძალზე ძნელია, აյ წონასწორობა დაიცვა და არ მიეცე ან ძრნოლისა და გოდების, ან კიდევ ვიღაცის მოკვდინების მყისიერად გამუდავნებულ ჟისნს. თითქმის შეუძლებელია, ისე გაიარო ამ ბერვის ხიდზე, რომ ათასჯერ არ ჩაიჩეხო უფსკრულში და ისევ არ ამოძრვე ზევით. ამიტომაც არის წათქვამი სამურაის ღირსების წიგნში, ხაგაურე-ში, რომ უძველეს ხანაში სამურაისათვის უბედურებად ითვლებოდა, ვინმეს თვითმკვლელობისას დამხმარედ მიეწვია, რადგან მოვალეობის კარგად შესრულება პატივს არ მატებდა. ან კი რა პატივი უნდა შეემატოს კაცს იმ საქმის ალსრულებისას, ჯალათის საქმიანობას რომ წააგავს? ხოლო თუ რაიმე შეცდომას დაუშვებდა, ეს იქნებოდა მისი ცხოვრების ცველაზე მძიმე შეცდომა. მე ის მშველოდა, რომ უნდებურად დამეკისრა კასიაკუს მოვალეობა - ისე, რომ არც ვიცოდი ამის შესახებ და შეიძლებოდა, ვერც ვერასოდეს გამეგო, თუკი ძალიან მოვინდომებდი.

ეთნოგრაფიული კულტურები უფრო გულაბდილებია და რიტუალიზებულიც კი აქვთ ის, რასაც სხვები ფარულად აკეთებენ და ზნეობისა თუ გონების კანონთა ნილბებით მოსავენ. თუმცა კი თავისი არსით რაღაც ერთია, რაღაც წმინდა ადამიანური მოვალეობის გამჭდავნებაა, რომლის აღსრულების დროსაც საბედისნერო შეცდომაც შეიძლება და-კუშვათ. უფრო ხშირად კი ბეწვის ხიდზე უამრავ-ჯერ მოგვისხლტება ფეხი და, ასევე, უამრავჯერ გამოგვინვდიან ხელს ამ უფსკრულიდან ამოსას-კლელად.

მაგრამ მაინც: როგორი განაფული კასიიკუც არ უნდა ვყოფილიყავი, არასოდეს მეცოდინებოდა, სად მივაცილებდი მას, თუმცა კი ამ ამოცნობის ვნება არასოდეს მომცემდა მოსვენებას. ვივარაუდებდი, რომ, ალბათ, ეს იყო მდგომარეობა, როდესაც სხე-ე-

ული იმდენაა და გაუცხოვებულა, რომ აღარც კი ცდი-
ლობ მის მართვას და ამის გამო ხან სასონარკვეთა,
ხან კი სიმშვიდე გეუფლება; რომ, ალბათ, ესაა მდგო-
მარეობა, როდესაც უმართავი სხეული თანდათან
თავადაც ერთ მთლიან ტკივილად იქცევა, ტკივი-
ლის უსასრულო ტყვეობაში გაქცევს; როდესაც უკ-
ვე გავლილი გაქვს სრული ეგოზმის მდგომარეო-
ბა, როდესაც საკუთარ თავსაც და სხვებსაც წყვე-
ლიდი იმის გამო, რომ ისინი რჩებოდნენ, შენ კი უც-
ნაური გულგრილობით სადღაც ამოუცნობსა და
ძრნოლისმომგვრელში გაცილებენ, თითქოს მოუთ-
მენლადაც და მათი თანაგრძნობის მთელს თვალ-
თმაქცობას ყოველი უჯრედით აღიქვამ. როდესაც
ტკივილსა და ძრნოლაში მყისიერად თუ გაიცია-
ლებს ხოლმე შვება, როდესაც ყოვლისმომცველ
ტკივილს უკვე ტანჯვის ნაცვლად გულგრილობის
აღძვრა შეუძლია, ხოლო შენ მთელი შენი ცხოვრე-
ბა ერთიან პანორამად დაგიდგება წინ - როგორც
ფაქტი, რომელიც ერთადერთი ჭეშმარიტი ფაქტია
შენთვის, დაგიდგება ულმობელი გულახდილობით,
ულმობელი სიშიშვლით შენი ფიქრებისა, წადილე-
ბისა, ვნებებისა თუ მისწრაფებებისა, დაგიდგება
და ისევ უსასრულო ტკივილთან დაგაბრუნებს მა-
ნამ, სანამ წამიერად მაინც არ იგრძნობ, რომ ყვე-
ლაფერ ამასთან ერთად არსებობს კიდევ უფრო ნამ-
დვილი და გარდუვალი რამ, წერტილად რომ ცია-
ლებს ამ ტკივილის წიაღში და ცდილობ მას მოეჭი-
დო, რადგან თავისკენ მიგიხმობს და შვებას გპირ-
დება - ტკივილად და დაუძლეველ სიმძიმედ ქცეუ-
ლი სხეულისაგან თავის დაღწევას, საკუთარი გან-
ვლილი ცხოვრების მოულოდნელად (ან, ეგებ, გუ-
ლის სიღრმეში სწორედ მას ელოდი) გულახდილი
სხედისაგან თავის დაღწევას, გპირდება იმას, რომ,
თურმე არსებობს რაღაც მდგომარეობა, როდესაც
ყველაფერ ამას გარედან და შვებით შეიძლება შე-
ხედო, თუმცა კი იმასაც გრძნობ, რომ გზად ახალი
ძრნოლა გელის - ძრნოლა იმის გამო, თუ რამდენად
შეძლებ ამ წერტილში დავანებას და ამ სევდისმომ-
გვრელი პანორამისგან გათავისუფლებას, შენთვის
ოდესლაც მთლიანობა რომ იყო და სინამდვილეში
ფიქრებისა და ვნებების ფრაგმენტებით ყოფილა
ახორცხლილი.

მსურდა თუ არა, ფიქრებში მაინც გამეპარებოდა შემაშფოთებელი ცნობისწადილი იმისა, თუ როგორ იხილავდა თავის უსასრულოდ ნაცნობ და ასევე უსასრულოდ გაუცხოვებულ სხეულს - სხეულს, რომლითაც მუდად რაღაც კარიბჭესთან ტრიალებდა, ხოლო როდესაც ეს კარიბჭე გაიღო, მის მიღმა არაფერი აღმოჩნდა. იმედები გაიფანტა და სხეული ძევსა ასე უსიცოცხლო საგანივით თავის თავში მიბრუნებული. მას ვეღარავი ეტყვის „შენ“. მის თვალებში აღარ ციალებს ის სხივი, რომელიც მთელს სამყაროსთან აკავშირებდა და რომლის მიღმაც ადამიანური ყოფნის მთელი სისახსე იგრძნობოდა. დადუმებულა და უსამველოდ მიბრუნებია თავს, საკუთარ თავს შეხვედრია და ამ შეხვედრით გაავებული მისთვის უკვე ერთდღოულად უსასრულოდ ახლობელი იყო და შორეულიც. იგი და მისი სხეული ორ განსხვავებულ ბილიკზე აღმოჩნდნენ გასულები. ერთმანეთს დაშორებიდნენ, ვინც ერთ დროს

ერთი იყო და ამ ერთობით არსებობის გარდა სხვა არსებობა არც იცოდნენ. მისი ნებითა და ფიქრებით დაქანცული და გაცვეთილი სხეული, რომელ-საც ახლადა მიეცა შანსი, თავისი არსებობით იარ-სებოს, ხოლო მას იმის განმეორებალა ძალუძს, რაც წამირად გაუელვებდა ხოლმე სარკეში ჩახედვი-სას: მე შენ გიცანი.

მე შენ გიცანი, როგორც ის, რაშიც სადღაც და ოდესაც განათავსეს ჩემს მიერ გასავლელი ბილი-კების კონტურები, როგორც მეჯსალმუნე იტყოდა, ჩემი გამოხურვების გზა; როგორც უფლის ჩანაფიქ-რის ბეჭედი. მე კიდევ ვძიძგნე და ვაწვალე, ათა-გვარ უვალ გზებზე ვატარე, ჭირკვნებსა და გვერ-დალებზე ხეტიალით დავქანცე და ჩემგან გაუცხო-ვებულს ახლალა მიეცა საშუალება, კვლავ იმ სტი-ქიებს მიუბრუნდეს, საიდანაც სადღაც და ოდეს-აც გამოიტყუს ჩემს მსახურად და ჩემს განსახი-ერებად, ჩემს ფიქრებსა და ვნებებს მოძრაობების, სუნის, ოფლისა და სხვათა ენაზე თარგმნიდა და ისე მაშორებდა.

მთელი კოსმოსი ქმნიდა მას და მთელი კოსმოსი მონაწილეონდა ჩემი სულის გამოხურვებაში: თანა-ვარსკვლავედები, ვარსკვლავები, პლანეტები. თურ-მე, თავსა და ცხვირს ვერდის ასტროლოგიური ნი-შანი და პლანეტა მარსი შეესაბამებოდა, კისერსა და ყელს - კურო და ვენერა, ხელებს, ლავინის ძვლებს, ბრონქებსა და ფილტვებს - მარჩიიბი და მერკური-უსი, კუჭს - კიბო და მთვარე, ნაწლავებს - ქალწუ-ლი და პროზერპინა, თირკმელებსა და წელს - სას-ნორი და ქირონი, ზურგსა და ხერხემალს - ლომი და მზე, გენიტალიებს - მორიელი და პლუტონი, ლვიდ-ლსა და ბარძაყებს - მშვილდოსანი და იუპიტერი, მუხლებს - თხის რქა და სატურნი, წვივებს - მერ-ნული და ურანი, ტერჯებს - თევზები და ნეპტუნი. თურმე, მთელი სამყარო გადმოხრილიყო ჩემზე, რა-თა ჩემი ბედისნერა, ჩემი გამომხურვებელი გზა, ჩე-მი სავალი ბილიკები შეექმნა ჩემი სხეულის სახით. თურმე, ასე ვატარებდი ჩემი სხეულით ცარგვალს და მასთან იდუმალ კავშირში ვიყავი. თურმე, ყვე-ლაფერი, რაც ჩემში და ჩემს ირგვლივ ხდებოდა, უსასრულოდ მნიშვნელოვანი იყო - მთელი ცარგვა-ლისათვის, მთელი კოსმოსისათვის და არ იყო ჩაკე-ტილი ერთი სხეულისა თუ ნების ფარგლებში. თურ-მე, ჩემშიც და ჩემი მეშვეობითაც წყდებოდა კოს-მოსის ბედი და ჩემი სხეული ატარებდა ამ ბედს. კოსმოსი ჩემი ბედითაც მეტყველებდა თურმე, და ამას ჩემი „მე“ ერქვა.

და თუ მაშინ მეც გაუჟარე ხელმკლავი და სხვებ-თან ერთად მივაცილებდი სივრცისა და დროის წყვე-ტის ამ წერტილამდე, თუკი მეც ვმონაწილეობდი ამ საზეიმო სვლაში და მეც, სხვების მსგავსად თან ვფარავდი განზრახვას, თან ვცდილობდი, მიმეხ-ვედრებინა, თუ რისკენ მიდიოდა ეს ყველაფერი, ამით თითქოს ჩემთვისაც მოვისინჯე ის ბილიკები, რომელთა გავლაც ერთხელაც მომინევდა. ეგებ, მი-სი ახლანდელი გალვიძება ჩემს მეხსიერებაში სხვა არაფერია, თუ არა პირველი შეგრძნება ხელმკლა-ვისა, პირველი მოსინჯვა იმ საბოლოო სცენისა, რო-დესაც იგიც სხვებთან ერთად ახლა უკვე მე მიმა-

ცილებს საზეიმოდ ჩემს მეტაფიზიკურ ბზარამდე. უბრალოდ, მოსინჯა ეს ხელმკლავი, მოსინჯა ჩემი სხეულის სიმკვრივე და დამყოლობა, ისე, ლამის შე-უმჩნევლად მიბიძგა ერთხელ, ორჯერ, სამჯერ და ასე გააგრძელებს მანამ, სანამ მეც არ მივხვდები, თუ რა ხდება, და რომ ათასგვარი ცრუ ახსნების ბუფონადის მიღმა ეს სინამდვილეა - სივრცე-დრო-ის წყვეტისაკენ სვლა. ფრთხილად, ღიმილით შემე-ხო მკლავზე, თავი გამახსენა, გამახსენა ის, რომ ერთადერთი სინამდვილე ამჭვეყნად ეს სვლაა, რომ ნებისმიერი სხვა სვლა სიცრუეა და რომ „ა“ წერტი-ლიდან ნასროლი ისარი ვერასოდეს მიაღწევს „ბ“ წერტილს, უფრო კი ეს „ბ“ წერილი ნებისმიერი შე-იძლება აღმოჩნდეს ამ თავდაუზოგავი ქროლვის გზაზე. მიზნად ნაოცნებარი „ბ“ კი სხვა არაფერი აღმოჩნდება, თუ არა ერთ-ერთი თავის მოტყუება სხვა მრავალ თავის მოტყუებათა უსასრულო რიგ-ში. ერთადერთი ნამდვილზე უნამდვილესი სინამ-დვილე ეს მოუხელთებელი, თითქოს არსად და არას-დროს არსებული წერტილია, თავისი ნამდვილიბის მთელი გარდუვალობით ერთ დღესაც რომ მეწვევა; შავი ხველივით შთანთქავს ყველაფერს: დასაწყის-საც და დასასრულსაც, იმედებსაც და უიმედობა-საც, სიხარულსაც და მწუხარებასაც, შთანთქავს და მთელს ამ ქროლვას „ა“ წერტილიდან „ბ“ წერტი-ლამდე ერთიან, ერთად თავმოყრილ და მკვრივზე უმკვრივეს, „აქ და ახლად“ აქცევს. ჰოდა, ეგებ, მო-ხუციც ჩემი მეხსიერების წიაღში ამოძრავებულად და ცდილობს, მიმახვედროს ყველაფერი ეს, რათა ერთ დღესაც ვალიარო ამ ნამდვილზე უნამდვილესი სი-ნამდვილის გარდუვალობა და ჩემი ნებით მივყვე მის მკლავს, ჩემი ნებით მივნებდე მის მინიშნებას. ორმოციოდე წლის წინ მე მივაცილე იგი - მარტო-ხელა და უმწეო. ვინ იცის, რამდენ ხანს გაგრძელ-დება ეს ჩემი ხელკავებულის მესულთანეობა, რო-დესაც ბერიკაცი ჩემით გამოთქვამს რაღაცას და, ვინძლო, ის დღეც დადგეს, როდესაც თუში მესულ-თანესავით მისი კარნაზით წინასწარმეტყველებაც დავიწყოდა სამუდამოდ აღვიკეთო მატყუარა, მაგ-რამ მაინც ნუგეშისმომგვრელ „ბ“ წერტილზე ფიქ-რი.

თუკი ვინმე მკითხავს, თუ რა მოხდა იმ ორიოდე კვირის განმავლობაში, მხოლოდ იმის თქმას თუ მო-ვახერხებ, რომ ძენონის ისარივით მეტაფიზიკური ბზარი დავლანდე მეთქი - ნამიერად, ვერც კი ვიტყვი, თუ სად და როდის მოხდა ეს, თუ, უბრალოდ, გვიან-ლა აღმოვაჩინე, რომ ეს მომხდარა, თანაც მოხდა ისეთი რამ, რისი მეტასტაზებიც მთელი ორმოცი წლის განმავლობაში ვრცელდებოდა. ორმოცი წლის განმავლობაში ფიბონაჩის სპირალის ტრაექტორი-ით ვშორდებოდი და ვუახლოვდებოდი ბერიკაცის, როგორც ერთ-ერთ თემას ჩემი ფუგირებული ცხოვ-რებისა. ვშორდებოდი და ვუახლოვდებოდი -ცხა-დია, არა ბახისებრი მათემატიკური სიზუსტით. ცხა-დია, ჩემი წლები არ ყოფილა ასე მკაცრად განლა-გებული კლასიცისტურ წესრიგში, მაგრამ თუ კა-გად დააკვირდები კაცი, ფიბონაჩის პროპორციებ-საც შეამჩნევ და ოქროს კვეთასაც. იმასაც აღმოა-ჩენ, რომ ყოველ მომენტს არსებობისა, როგორც



მთელს, თავისი ოქროს კვეთა შეესაბამება განვლილი წლების რომელილაც წამს, თუნდ სულაც არ გახსოვდეს ეს უკანასკნელი და ისე, შეუმჩნევლად ჩაევლოს. ცხოვრების ყველაზე მნიშვნელოვანი, თუ შეიძლება ითქვას, მთელი დანარჩენი გზის განმსაზღვრელი მოვლენები ხომ ხშირად სრულიად შეუმჩნევლად ჩაივლის ხოლმე, თუმცა კი ლამის მთლიანად განსაზღვრავს მთელს შემდგომ ტრაექტორიასაც და იმ წერტილსაც, საიდანაც ფიბონაჩის სპირალი უკან დაიწყებს სვლას. ზღაპრის გმირების ბედსაც ხომ ხშირად ისეთი შეუმჩნეველი ნივთები და მოვლენები განაპირობებენ, როგორიც ვაშლის ხეა, გზის პრას ეულად მიგდებული ქვა ან ფეხქვეშ მოქცეული გამხმარი ტოტი. ყველაფერი ეს ძალზე შორს წაგვიყვანს და დაგვაშორებს იმ აზრს, რომელიც ახლა იქადება: სპირალის ტრაექტორიით ვუახლოვდებოდი და ვშორდებოდი ბერიყაცს, გარშემო ვუვლიდი, რათა როგორმე მომეხელა სადღაც და ოდესალაც გაჩენილი განცდა იმ წამიერი მინიშნებისა, რასაც მისით უფალი მეუბნებოდა საავადმყოფოს დერეფანში დაუსრულებელი ხეტიალისას. ვუვლიდი გარშემო, რათა ერთ დღესაც გამეაზრებინა, რომ მთელი ეს სვლა სხვა არაფერი იყო, თუ არა ჩვენი შეხვედრის ლიტურგია, რომლის წიაღაც ჩვენ მისი თანაყოფნით ერთმანეთს უნდა შევხვედროდით - მე და ეს დაჩამიჩებული და ჩაჩრუა, მაგრამ მაინც ყინჩი ბერიყაცი. ჰოდა, იხსნება და თავის თავს უბრუნდება ფიბონაჩის სპირალად გაშლილი

შეხვედრის წერტილი წლებში, რომელთა გავლაც თითქმის ვერ შევამჩნიე - მითუმეტეს ახლა ვერ ვამჩნევ, მაშინ, როდესაც ვცდილობ, გავიხსენო, გვიანი გაზაფხულის ცხელ დღეებში დერეფანში ხეტიალის გარდა კიდევ რა ხდებოდა.

ორი ადამიანის შეხვედრის, როგორც ასეთის ლიტურგიულობა კი იმას ნიშნავს, რომ „ა“-დან „ბ“-მდე ყოველი წერტილი შეიძლება იქცეს არა მხოლოდ შავ ხერელად, არამედ აბსოლუტურ საწყისად, სამყაროს თავდაპირველ მდგომარეობად, რომლიდანაც სპირალებად და წირებად გადმოდინდება ყოველივე არსებულის ფორმაც და შინაარსიც. ამ აზრითარ არსებობს „ა“-დან „ბ“-მდე არავითარი მანძილი, რომელსაც გრძეობა აქვს და რომლის გავლასაც რაიმე ხანიერობა უნდა. ესაა ტოტალობა პირველერთისა, საიდანაც ოქროს კვეთის პროპორციით იწყებენ არსებობას ფიქრები, სხეულები, სიტუაციები, ეგაა, იძულებულები ვართ, ხანიერობასა და გრძეობაში გადავიტანოთ ყოველივე ეს და ისეთ რამედ ვაქციოთ, სადაც პირველსაწყისი უკვე ძნელი აღმოსაჩენია. ჰოდა, სწორედ მაშინ, როდესაც ეს დამახინჯება უკვე შეუქცევადი შეიძლება გახდეს, უკანვე შეგვაბრუნებენ პირველერთის ტოტალობაში და კვლავ მიგვაბრუნებენ იქ, სადაც ყოველივე შობის სიხარულითაა მოსილი და სადაც ჯერაც არ შეურყვნია არაფერი „ა“-დან „ბ“-მდე სწრაფვას. სპირალები და წირები უკნა სვლით იწყებენ თავისი საწყისისაკენ მიბრუნებას. ფიბონაჩის სპი-

რალი, რომელიც წერტილიდან იწყებდა გაშლას, როგორც პირველადი სიტყვისა და ენერგიების გამოხატულება, უცეპ, წყვეტს გაშლას და კვლავ უკან ბრუნდება თავის ერთადერთობასა და ყოვლადსავსე მარტოობაში. ჰოდა, ახლა ვიხსენებ მოხუცს და თითქოს თვალნათლივ ცხედავ, თავის ტრაბახა მონაყოლების მიღმა როგორ მიადგა იმ უხილავ ზღვარს, რომლის შემდეგაც მისი ფიქრების, განცდებისა თუ სხეულების უთვალავმა, ფერადოვანმა და და ხატრვანმა სპირალმა უკან დაიწყო სვლა, ხოლო ყველაფერი ის, რაც მესმოდა მისი ტრაბახა მონაყოლების სახით, სხვა არაფერი იყო, თუ არა ნაშთები, ერთგვარი ექიები „ა“-დან „ბ“-მდე სვლისა. მიყვებოდა თავისი ცხოვრების შელამაზებულ თუ სულაც გამოგონილ ისტორიებს, ცდილობდა შეექმნა თავისი სვლის დიდებული და ამაღლვებელი ამბავი, თუმცა კი უკვე მზერაში უკრთოდა, რომ სპირალთა უკუსვლას მოუხელავს და მეტაფიზიკური ბზარი და პირველერთი შიშნარევადაც მოუსინჯავს. ყველაფერი ეს ახლა ვიცი მე, თორებ მეც ხომ მის პარალელურ წრფეზე დავდიოდ მაშინ ჩემს სვლაში „ა“-დან „ბ“-მდე და მისი მონათხრობების მეშვეობით ამ სვლის დიდებული ნარატივის წინათგრძნობა მავსებდა სიცოცხლის სიყვარულითა და ხალისით.

მთავარი, რაც მაშინ მოხდა, იმ ბერიკაცთან ერთად მეტაფიზიკური ბზარის მოხილვაა. ყველა დრამა ბზარის პარმალზე თამაშდება. ყველა მცდელობა, როგორც, ისევ და ისევ, ფილიპ არიესი იტყვის, სიკვდილის მოთვინიერებისა და ტოტალური ნგრევის მოლოდინის გამო ძრნოლისაგან გაქცევისა აქ ჰერაკლიტის თავის პიპნოზურობას და რაღაც სხვა იბადება - სიცოცხლის იმ მოულოდნელ წამებში, როდესაც რაღაც გვახევებს და ვგრძნობთ, თუ როგორ გვითრევს ეს შავი ხერელი და რომ მისი დავიწყების ყველა მცდელობა მხოლოდ ჩენი სულმოკლების თავადასავალს აღნერს. ესაა ერთდროულად აღნერა და დავიწყება. აღვწერთ, რათა დავიწყოთ ის მოლოდინი, რომელიც იმთავითვე დაგვდევს და ვინ იცის, რა ხერხისათვის არ მოგვიმართავს, რათა ეს მოლოდინი რაღაც სხვად გარდავვექმნა და სიკვდილი მოგვეთვინიერებინა. ამას რომ გაიხსენებ, მხოლოდ თუ შეგშურდება მოხუცისა, ასე ლალად რომ მოგვიყარა ყველაფერი - მთელი ჩენი იმედები, სურვილები და მიზნები და სუსტი ფეხების თრევით თავისი ნებით გაემართა ბზარისაკენ. ეს არ იყო არ თვითმკვლელობა და არც ჯანყი მთელი დანარჩენი სამყროს წინააღმდეგ. ეს, ალბათ, უფრო ყველაფრისათვის თავისი სახელის დარქმევა გახლდათ და კიდევ, მიღება იმ მოლოდინისა, რომელსაც, ალბათ, თავადაც მთელი ცხოვრების განმავლობაში სულმოკლედ ებრძოდა: სხვებთან ერთად აშენებდა მინიერ სამოთხეს და თან ყველა ხერხით გაურბოდა რეპრესიების მანქანას, სხვებთან ერთად ოცნებობდა იმ დროზე, როდესაც ექიმები სიკვდილს დაამარცხებდნენ, ხოლო მეცნიერება ადამიანს მარადიული ახალგაზრდობით უზრუნველყოფდა, სხვებთან ერთად თავდავიწყებით ექლეოდა სიამოვნებასა თუ სიხარულს, ავადდებო-

და კაცობრიობის მხსნელი იდეებით და ამ იდეათა განხორციელებისას სხვა თავისნაირებთან ერთად ცალკეული ადამიანებისათვის უბედურება მოჰქმნდა. ეს ხომ ის ნლები იყო, როდესაც ან მსხვერპლი იყავი, ან - ჯალათი. მაგრამ რაც მეტი იყო მსხვერპლი და სისხლი მინიერი სამოთხოსაკენ მიმავალ გზაზე, მით უფრო მყარი იყო რწმენა, რომ შეუძლებელია, ეს ცოდვის კალო უსაზრისო ყოფილიყო და, ის უმაღლესი საზრისი, რომელსაც ყველაფერ ამას უძლვიდნენ, ამით უმალ დასტურდებოდა, ვიდრე უარიყოფოდა. ჩვენს დროში რომ დაბადებულიყო, ისევე გატაცებით მიეცემოდა რომელიმე პრესტიულ და ვირულენტურად გავრცელებულ იდეას, როგორც, თავის დროზე, მსოფლიო პროლეტარული რევოლუციის იდეას მისცა თავი იგიც, სხვების მსგავსად, ყოვლადმნიშვნელოვანი იდეოლოგიური თუ რელიგიური ბუტაფორიებით ახერხებდა მოქრჯულებინა ბზარის მოლოდინი და სიმშვიდე მოეპოვებინა. სუსტი ფეხებით მოჩაქჩაქე მოხუცისათვის ყველაფერმა ამან თავისი ფასი დაიბრუნა და თითქოს გახევებულიყო ცხადზე ცხადი და ბანალურზე ბანალური გარდობებების აღმოჩენის გამო, უკვე არაერთგზის ნახსენები ბზარის ხილვით გახევებულიყო და მშვიდად მიდიოდა მისკენ. შვილიშვილის ბარბაროსული ანგარება და სხვების, მათ შორის, ჩემს მიერ ნაკისრი კასიაკუს როლი კი თითქოს ინსტრუმენტი აღმოჩნდა მისი ცხოვრების მფარველი ძალების ხელში საიმისოდ, რომ ასე მშვიდად მიეღო ეს ბზარი და, როგორც მისტიკოსები იტყვიან, სიკვდილამდე გარდაცვლილიყო. ბზარის ხილვის გამოკრთობა მხოლოდ წამიერი რომ არის ჩვეულებრივ, მისთვის ერთადერთ შესაძლო მდგომარეობადღა დარჩენილიყო. ამით, მანაც მოიპოვა თავისი სოკრატული წერტილი, მდგომარეობა, როდესაც ყოველგვარი თავმოწონების გარეშე შეეძლო ეთქვა: მე, მართლაც, მხოლოდ ის ვიცი, რომ არაფერი ვიციო და ამ აღმოჩენით მოგვრილი უცნაური, ტკივილითა და ძრნოლით გაჯერებული სიხარულით ცოდვისგან გაეთავისუფლებინა თავისი შვილიშვილი, მშვიდი ლიმილით ფიქრებში შეეთვალა მისთვის: ნუ გეშინია, შენ მხოლოდ იარაღი იყავი საიმისოდ, რომ ჩემთვის იმ ბზართან წარდგომა გაგეადვილებინა და მეტი არაფერით. შენ თუ არა, ჩემი ცხოვრების განმრიგე ძალები ვინმე სხვას მოძებნიდნენ. მთავარია, იცოდე, რომ შენ არ იცოდი, რას სჩადიოდი და მთავარია, გწამდეს, რომ მართლა სიკეთე გინდოდა ჩემთვის, როდესაც აქ მომიყვანე და იმ შენს მეგობარ ექიმს ჩააბარე ჩემი თავიო. მე მჯერა ამის და თუკი რაიმე მცირე ეჭვი მაქვს, რას იზამ?! ნებისმიერი ადამიანური საქციელი ხომ ასეთია: კეთილი და ავი ზრახვები ისე აღრეულა მასში, რომ კაცი ვერ დაადგენს, სად იწყება ერთი და სად მთავრდება მეორეო. ჰოდა, ჩვენც დავივრებული თვის გავიხსენოთ, რომ პირველი ორი კვირის განმავლობაში ექიმები მსინჯავდნენ კიდეც და ნამდებაც მასმევდნენ. ყოველდღიურად შემოვლაზე მეკითხოვდნენ, როგორ ვგრძნობდი თავს. და თუ ბოლო ხანებში რომელიმე მათგანი მიყვირებს, რას

იზამ, ვის უხარის, როცა ჩემისთანა ბებერი ყოველ წამს ფეხებში ებლანდება?

ასეა თუ ისე, მოხუცმა დაივინყა სიკვდილის მოთვინიერების მცდელობები. ზოგჯერ მგონია, რომ ბებრულ დიმენციას სხვა განზომილებაც აქვს. უბრალოდ, სიცოცხლის ბოლოს, როდესაც მეტაფიზიკური ბზარი მუდმივად გახსენებს თავს და მომავლის იმედები, როგორც მისაგან გაქცევის საშუალება, თანდათან ფერმერთალდება, ცხადი ხდება, რომ დრო არსადაც არ მიდის, რომ „უფრო ადრე“ და „უფრო გვიან“ მხოლოდ დამხმარე, მხოლოდ გამოცდილებათა მრავალგვარიბის დალაგების ინსტრუმენტია და მეტი არაფერი. მომავლის გაფერმკრთალებასთან ერთად წარსულიც ჰკარგავს წრფივობას და ყველაფერი გამოცდილებათა ერთ ერთგვაროვან სივრცეზე ლაგდება. ჰოდა. ამ დროს მხოლოდ უფალმა უწყის, თუ როდის რა გამოცდილება თუ შთაბეჭდილება იღვიძებს და ამოდის ცნობიერების ზედაპირზე. მეტაფიზიკური ბზარის ცნობიერებას მთელი ყურადღება ამ მოულოდნელი და უწესრიგო ამოფრქვევებისაკენ გადააქვს. დროის წრფივობის გარეშე დარჩენილი გამოცდილებების ველში აზრს ეს ცალკეული და მყისიერი გამოცდილებები და შთაბეჭდილებები ინარჩუნებენ. ამ აზრით, დიმენცია სხვა არაფერია, თუ არა მეტაფიზიკური ბზარის პარმაზე ყოფნა და ამით გამოწვეული დროის ტოტალობის გამოცდილება, რაც ასე გვაღიზიანებს ჩვენ, ჯერ კიდევ წრფივ და თანამიმდევრულ დროში მყიდვებს. მოხუცი ერთდროულად ჩვენთანაც შეიძლება იყოს და, ამავდროულად, თავისი ბავშვობის რომელიმე გამოცდილებაშიც და თავს სულ ათიოდე წლისად გრძნობდეს. მან, თუნდაც უკიდურესად დასუსტებული გონებისამ, იცის ის, რისი გაგებაც ჩვენ ჯერაც წინ გვაქვს: არც არაფერი მომხდარა და არც არაფერი მოხდება. ყველაფერი უკვე „აქ და ახლა“ და ამ „აქ და ახლას“ გარეშე არც არაფერი არსებობს. ფრაგმენტული მოგონებები და საკუთარი თავის გაიგივება იმასთან, რაც, ჩვენი აზრით, უკვე ოდესაც იყო და აღარ განმეორდება, მისთვის სხვა არაფერია, თუ არა დროის ტოტალობის, ყველა გამოცდილების ერთდროულობის შედეგი.

ცხადია, ჯიუტად გაიმეორებენ, რომ ეს იყო ასაკობრივი დემენცია, ან ალცეპიმერის დაავადებაც კი, რომელიც გენეტიკურად ერგო და ხელსაყრელ ვითარებას ელოდა გამოსავლენად. მაგრამ არსებობს კი რაიმე ზუსტი საზომი ამგვარი გენეტიკური თუ პიროვნული მიდრეკილების გასაზომად? შეუძლია კი ვინმეს, წინასწარ დადგინოს ამგვარი მიდრეკილების ხარისხი, თუ მხოლოდ post factum შეგვიძლია ვილაპარაკოთ ამგვარი მიდრეკილების შესახებ და წინასწარ განსაზღვრის მცდელობები, ეგებ, სხვა არაფერია თუ არა სციენტისტურად შეფერილი მკითხავის საქმიანობა? და თუ კონკრეტული ადამიანის არსებობა რაღაც ხარისხით მაინც აიგება მის ფარულ თუ აშკარა ნებელობაზე, ხომ არ შეიძლება ვილაპარაკოთ მეხსიერებაზე უარის თქმის ნებაზეც, რომელიც სტრესსა თუ ტრავმას ახლავს თან და ეს ნებელობა გამოცდილებათა თუ განცდა-

თა რაღაც კრიტიკული ზღვრის დაგროვებასთან ერთად იღვიძებს, როგორც ყოველივეზე უარის თქმისა და განდგომის ნება? ან, იქნებ, როდესაც რაღაც მომენტიდან უკან სვლას ვიწყებთ დროს დერძის უთვალავი წერტილიდან ამოზრდილ სპირალებზე, ფარულად თუ აშკარად ვიცით, რომ უკვე დადგა უამი, როდესაც მთელი განვლილი დროით დერძის უნდა მიმოხილოს, უნდა მოიცვას, როგორც ერთიანი და ეს მეხსიერების ცალკეულ უჯრედთა უწესრიგო გაღვიძებით მულავნდება? ჯერ არ დამდგარ უამი, როდესაც მის მიერ გავლილი გზის მთელი ტოტალობა მის წინაშე „აქ და ახლა“ წარსდგება. იგი ჯერაც სხეულშია, რომელიც, თუ სოკრატეს გავიხსენებთ, აპრმავებს და აყრუებს სულს. ასკეტისა და მისტიკოსის გამოცდილება კი მისთვის ხელმიუნვდომია და მხოლოდ ასე თუ ახერხებს თავისი მიწიერი არსებობის შეჯამებას. ამიტომაც არევია მას დროითი მიმართებები. ამიტომაც ვერ გაურკვევია, რა არის „ახლა“ და რა იყო „უნინ“.

კაცმა რომ თქვას, რა ჩადინა მან? ალბათ იგივე, რაც ამაზონის ჯუნგლებში მცხოვრებმა ინდიელმა, თავისი გადაწყვეტილებით რომ კვდება. რაიმე უილბლობა შეემთხვევა, ფეხს მოიტეხს, მძიმედ დაიჭრება ან, უბრალოდ, თავს ცუდად იგრძნობს, დაწვება და სიკვდილს დაელოდება. სიკვდილის სიახლოვით გაგუვებული თავის არსებობას ნელ-ნელა ავინროვებს მანამ, სანამ უიმედოდ დასხეულებულ სხეულს არ გაუსხლტება. კაცმა არ იცის, რომ მოკლა - სენმა, თუ წასვლის ნებამ. ეს არ არის სოკრატული „მზადება სიკვდილისათვის“. ეს, უმალ, სიკვდილის, როგორც თანაარსის დაშვებაა, რომელიც ზიარჭურჭლის კანონით მოითხოვს, რომ მასაც აზიარი შენი არსებობის რაღაც წანილი, ხოლო მას შემდეგ, რაც ხელში ჩაიგდებს მას, ნელ-ნელა, ულმობელი ნებით გადაცყავხარ თავისკენ, თანაც ისე, რომ თავადაც, ერთი შეხვედრით, საღი აზრისათვის მიუღებელი რამ - სიკვდილის ვნება ვიპყრობს. მერე კი რაღაც წამიდან შენი არსებობის ერთადერთ შესაძლო ჰორიზონტად იქცევა.

თუ ასეა, განსხვავება მხოლოდ ისაა, რომ მას დაშვება დასტირდა ამ ფიქრისა, ინდიელისათვის კი მიღმური არსებობა ნამდვილობაა და აზრადაც არ მოსდის, გაექცეს მას. პირიქით, მისთვის ეს სინამდვილე გამოსავალია მას შემდეგ, რაც უიმედოდ დაზიანებული სხეული სამასახურზე უარს ეუბნება.

ჰოდა, მოხუცმაც იგივე გააკეთა, რასაც ჩვენი შორეული, ათასობით ნლის წინ მცხოვრები წინაპარი აკეთებდა. იგივე არქეტიპული გზა გაიარა, რასაც ის გადიოდა თავისი რიტუალებით. არქაული ცხოვრების წესი მისთვის არქეტიპულ პირველნიმუშად იქცა. მისი არსებობის დინამიკაც ხომ იგივე აღმოჩნდა, რაც იმ შორეული წინაპრისა, იმ განსხვავებით, რომ ეს დინამიკა ათასგვარი შინაარსებით გაგვივსია, რათა გავქცეოდით ამ ულმობლად გარდუვალ სვლას, ჩვენი არსებობის ამ ერთადერთ შესაძლო დასასრულს, უფრო კი იმ წესს, რომლითაც ამ დასასრულს ვხვდებით. აი, აქ ვარ ახლა მე: ჩემს შორეულ წინაპართან თანაობაში და ამითვე

ვადასტურებ, რომ მეც იგივე არსება ვარ, იმის შთა-
მომავალი და იმის ბედის მონაწილე, ოდესლაც და
საღლაც, დროთა სისრულის უამს რომ შეიქმა და
ცნობადის ხის ნაყოფის დაგემოვნებით მოხაზა თა-
ვისი არსებობის ეს რკალი დაბადებიდან სიკვდი-
ლამდე.


მოხუცმა მიიღო ეს ვადანუვეტილება და ამით
გაიარა ის გზა, რომელიც ოდესლაც მისმა რომელი-
ლაცა შორეულმა წინაპარმა მოხაზა, ხოლო ინდი-
ელმა რიტუალურად გააფორმა. ეს არ არის სასო-
ნარკვეთით მიღებული ვადანუვეტილება, რადგან
მისი დაუსრულებელი ტრაბახი ხომ იმის ნიშანი იყო,
თავადაც კარგად მოეხსენებოდა თავისი ცხოვრე-
ბის, თუ შეიძლება ითქვას, სოციალური ფასი. ეჭ-
ვიც იმისა, რომ მისი თავიდან მოშორების სურვილი
მშიმედ ტრიალებდა მისი ბინის ატმოსფეროში, მოს-
ვენებას არ მისცემდა. და თუ ეს ასეა, მოხუცის ვა-
დანუვეტილება იყო არა გაქცევა და თვითმკვლე-
ლობა, არამედ დროში გაჭიმული სეპუკუ, რომლის
დროსაც მე, ნებსით თუ უნებლიერ, კაისიაკუს რო-
ლი მომენტა.

კიდევ რას გამახსენებს მოხუცი მას შემდეგ, რაც
მისი ბოლო ნახვიდან ორმოც წელზე მეტი გავიდა? ეს
ხომ რაღაცით სიზმრის გახსენებას ჰქავს. დი-
ლით გგონია, რომ არაფერი გინახავს. მერე, მოუ-
ლოდნელად, რაღაც გახსენებს რაღაც ფრაგმენტს,

ხელს ჩავლებდა მეხსიერების უკუნიდან ამოზიდავ.

ჰოდა, ახლაც სიზმარივით ვიხსენებ იმ მოხუცს
და ვცდილობ, მეხსიერებაში წამოტივტივებული
ფრაგმენტები როგორმე ავამეტყველო და როგორ-
მე შევაღწიო იმ სათქმელში, რომელსაც, თურმე,
მაშინ, ეს ჩვენი შეხვედრა მეუბნებოდა. წლების მან-
ძილზე თან მომყვებოდა ამ სათქმელის ფარული
ცოდნა და ნოსტალგიაც კიდევ და კიდევ მაბრუ-
ნებდა მასთან.

ასე გავიხსენე ის ათიოდე წამი, როდესაც საა-
ვადმყოფოში მის მოსანახულებლად მისულს გამ-
ხდარი ფეხების ფლატუნით ჩამიარა გვერდით ისე,
რომ მისი ბებრულად (ცრემლიანი და დაწილებუ-
ლი თვალების ჩამქრალი მზერისათვის არც მე და
არც ვინმე სხვა არ ვარსებოდით. ამ ჩამქრალ მზე-
რაში იყრიდა თავს მისი ცხოვრების ყველა ძაფი,
მისი ბედის ყველა ხლართი, იმედები და ფიქრები.
თუკი რაიმეზე მიმანიშნა მაშინ, მხოლოდ იმაზე,
რომ მასთან ერთად შემეგრძნო მიტოვებული ადა-
მიანის გაუცხოვების მთელი ულმობელი სიმკაცრე,
მასთან ერთად მეცადა, ხისჭ მარტოობაში, თუ შევ-
ძლებდი, გამეზიარებინა მისი სიხარული იმის გამო,
რომ ყველაფერი ამის მიღმა, ჩვენი, ადამიანური სი-
ავისა და ანგარების, ერთმანეთის მიღმა უცხოობი-
სა და ულმობელობის, ჩვენს გულებში ჩაბუდებუ-
ლი ავსულების მიღმა, ის შეიძლება გვეგულებო-
დეს, რომელიც მუდამ იქაა, სადაც მისი სახელით
ორნი გინა სამნი მოიყრიან თავს.




ჰონ მაქსველ კუტჩე

თანამედროვე კლასიკოსი

ანტონიო დი ბენედეტოს "ზამა"

ინგლისურიდან თარგმნა თამარ ლომიძემ



1790 წელი. მიყრუებული ადგილი მდინარე პარაგვაიზე, ბუენოს-აირესიდან ძალზე შორს. დონ დიეგო დე ზამა აქ თოთხმეტი თვის განმავლობაში იმყოფება, ესპანეთის ადმინისტრაციაში მსახურობს და ამ ხნის განმავლობაში ცოლ-შვილი არ უნახავს. ზამა სევდიანად იხსენებს იმ დღეებს, როდესაც კორეხიდორის* თანამდებობა ეკავა:

დოქტორი დონ დიეგო დე ზამა! ყოვლისშემდეგ გამგებელი, ინდიელთა დამმორჩილებელი... მეომარი, რომელიც მართლმსაჯულებას მშვიდობიანად, იარაღის გამოყენების გარეშე აღასრულებდა... და ისე ჩაახშო ამბოხება თავის ქვეყანაში, რომ ესპანური სისხლის ერთი წვეთიც კი არ დაღვრილა.

ახლა, მართვის ახალი, ცენტრალიზებული სისტემის დროს, რომელმაც უნდა გააძლიეროს ესპანეთის კონტროლი თავის კოლონიებზე, გამებლებად მხოლოდ ესპანები ინიშნებიან. ზამა ეს-

პანელი გუბერნატორის ნაცვალია: მას, კრეოლა - ოკეანის გაღმა დაბადებულ Americano-ს - სამსახურებრივი წინსვლის იმედი არა აქვს. უკვე ოცდა-ათი წლის ასაკს გადასცდა. მისი კარიერა დამთავრებულია. სხვაგან გადაყვანა მოითხოვა; ოცნებობს, რომ ვიცე-მეფე ბუენოს-აირესში გადაიყვანს, მაგრამ ამ ოცნებას ახდენა არ უწერია.

დოკებთან სეირნობისას ზამა ამჩნევს წყალში მოტივტივე სხეულს - ესაა გვამი მაიმუნისა, რომელმაც გაბედა ჯუნგლიდან გამოსულიყო და მდინარეში ჩაეყვინთა. მაიმუნი ნავმისადგომის ბოძებს შორის გაიხერგა და თავის დაღწევა ვერ შეძლო. ეს რაიმეს მომასწავებელი ნიშანი ხომ არ არის?

ზამა ოცნებობს ცივილიზებულ სამყაროში დაბრუნებაზე, და, აგრეთვე, ქალზე - არა ცოლზე (თუმცა, ის უყვარს), არამედ - ლამაზ ახალგაზრდა ეპროპელ ქალზე, რომლის მეშვეობით სექსუალური იზოლაციასაც დააღწევს თავს და სოციალურსაც,

და, რაც მთავარია, სევდას. ზამა ცდილობს თავისი ოცნების ობიექტად წარმოიდგინოს ესა თუ ის ახალგაზრდა ქალი, რომელთაც ქუჩებში ხედავს, მაგრამ არაფერი გამოსდის.

ეროტიკულ ფანტაზიებში ზამას სექსუალური ურთიერთობა ქალთან დახვეწილ ეროპულ ყაიდაზე მიმდინარეობს და უჩვეულო სიტქოს აგრძნობინებს მას. რატომ? იმიტომ, რომ ევროპაში, სადაც ასეთი აუტანელი სიცხე არაა, ქალებს სუფთა და მშრალი კანი აქვთ და არასოდეს ოფლიანობენ. ვაი, რომ ზამა აქაა, „ქვეყანაში, რომლის სახელწოდება არც ერთი ფრანგი და რუსი ქალისთვის არაა ცნობილი - და, საერთოდ, არც ერთი ადამიანისთვის მთელ დედამინაზე“. ევროპელების აზრით, ამერიკა სადღაც, რეალობის მიღმა არსებობს. თვით ზამაც ასე ფიქრობს. ამერიკა უთვისებო, უკიდეგანო უფსკრულია, რომელშიც ზამა ჩაიკარგა.

ნაცნობი მამაკაცები ზამას სთავაზობენ, მათან ერთად საროსკიპოს ეწვიოს. ის უარზეა. მხოლოდ თეთრკანიანი ესპანელი ქალები მიზიდავენ, აცხადებს.

მცირერიცხოვან თეთრკანიან ესპანელ ქალებს შორის ზამა ირჩევს პოტენციურ სატრიოს - ცნობილი მიწათმფლობელის ცოლს. ლურიანა ლამაზი არაა - სახე ცხენს მიუვავს - მაგრამ მოხდენილი სხეული აქვს (ზამამ მალულად იხილა მობანავე ქალი), ზამამ არ იცის, როგორ უნდა აცდუნოს გათხოვილი ქალი. და, უნდა ითქვას, რომ ლურიანას ცდუნება ადვილი არაა. ის ყოველთვის იგერიებს ზამას იქრიშებს.

ლურიანას გარდა, ზამას სამიზნე გახლავთ ესანელი გოგონა - რიტა. ერთხელ ვიღაც თავზეხელალებული ყმანვილი გოგონას საჯაროდ შეურაცხოფს და რიტა სთხოვს ზამას, შური იძიოს მის მაგიერ. მართალია, ზამას ხიბლავს შურისმაშიებლის როლი, მაგრამ ათას მიზეზს ასახელებს შურისძიების თავიდან ასაცილებლად (ანტონიო დი ბენედეტო ფრონდისტული სიზმრის მეშვეობით განმარტავს ზამას შიშს ძლიერი მამაკაცების წინაშე).

როდესაც ესპანელ ქალებთან სასიყვარულო თავგადასავლების გაბმის მცდელობები მარცხით მთავრდება, ზამა ადგილობრივი ქალებით ინტერესდება. საერთოდ, ის უფრთხის მულატ ქალებს, ისევე, როგორც „ზენებრივ დაცემას“. ეს „დაცემა“ კი სხვა არაფერია, თუ არა მასატურბაცია; გარდა ამისა, მულატ ქალებთან ურთიერთობა ნიშნავს სოციალურ კიბეზე დაბლა დაშვებას, რაც დაადასტურებს გავრცელებულ თვალსაზრისს, რომ კრეოლები და მულატები ერთმანეთისგან დიდად არ განსხვავდებიან.

მიუხედავად ამისა, როდესაც ერთი მეძავი მულატი ქალი შესთავაზებს სექსუალურ ურთიერთობას, ზამა თანხმდება. ქალის ბინისკენ მიმავლებს ძალების ხროვა ესხმით თავს. ზამა ძალებს თავისი რაპირით იგერიებს, შემდეგ კი მედი-დურად, ამაყად (ზამას თქმით) ეუფლება მეძავს.

ქალი სთავაზობს ზამას, შენი მუდმივი საყვარელი გავხდებიო. ზამა შეურაცხოფილია. „ეს არ შეესაბამებოდა ჩემს წარმოდგენას სიყვარულის შესახებ. ყოველგვარი სიყვარული ერთგვარ იდილიურ ხიბლს საჭიროებს“. მოგვიანებით, ის ფიქრობს იმაზე, რომ ძალები ერთადერთი არსებებია, რომელთა სისხლიც დაღვარა, და თავის თავს „ძალლთამკვლელს“ უწოდებს.

ზამა გულფიცხი კაცია. ამაყობს თავისი სამეცნიერო ხარისხით და ფიქრობს, რომ ადგილობრივი მცხოვრები სათანადო პატივს არ სცემენ, ან, შესაძლოა, ზურგსუკან დასცინიან კიდეც. ქალებთან ურთიერთობისას - რის აღნერასაც რომანის უმეტესი ადგილი ეთმობა - თან უკმეხია, თან კი - გაუბედავი. მოკლედ, ზამა თვითკმაყოფილი, უკმეხი, ნაცისტული და ავადმყოფურად ეჭვიანი პიროვნება; მიდრეკილია აგხორცობის, ძალმომრეობისა და თავისიმოტყუებისკენ.

შეიძლება ისიც ითქვას, რომ ზამა, აგრეთვე, თავისი თავის - როგორც პერსონაჟის - შემოქმედია (ორნაირი გაგებით). ჯერ ერთი, ინფორმაციას მის შესახებ ვიგებთ თვით ზამასგან, ისეთი დამამცირებელი გამოთქმების ჩათვლით, როგორებიცაა „თვითკმაყოფილება“ და „ძალლთამკვლელი“, ეს კი ერთგვარ ირონიულ თვითცნობიერებას გულისხმობს. მეორეც, მისი ყოველდღიური ქცევა განპირობებულია მისივე არაცნობიერი ლტოლვებით ან, ყოველ შემთხვევაში, მისი შინაგანი „მეთი“, რომელთა ალაგმვას ის არ ცდილობს. ზამას ნარცისტული ტყბობა საკუთარი თავით შეიცავს ტყბობას იმითაც, რომ მან არასოდეს იცის, როგორი იქნება მომდევნო წამში და ამიტომ თავისუფლად შეუძლია გამოიგონოს თავისი თავი ბიოგრაფიული დროის ამა თუ იმ მომენტში.

მეორე მხრივ - რასაც ის პერიოდულად აღიარებს - შესაძლოა, ზამას მრავალ ცხოვრებისეულ მარცხს განაპირობებდეს მისი ინერტულობა: „რაღაც უძლევებელი ძალა... თრგუნავდა ჩემში ინიციატივის ნებისმიერი გამოვლენის, ან წინააღმდეგობის განევის სურვილს“. ზამა ვერ მართავს თავს და უმიზეზოდ შეურაცხოფს იმ ერთადერთ თანაშრომელს, რომელიც კეთილგანწყობილია მის მიმართ, თუმცა, ეს ახალგაზრდა კაცი დანაშაულს თავის თავზე იბრალებს და სამსახურს კარგავს.

ზამას ინერტულობა ზოგიერთ მკითხველს აგონებს ალბერ კამიუს „უცხოს“ პროტაგონისტს, მერსოს (ეგზისტრიციალიზმი არგენტინაში მოდაში იყო 1950-იან წლებში, როდესაც „ზამა“ პირველად გამოქვეყნდა). მაგრამ შედარება ზამას სასარგებლოდ როდი მეტყველებს. თუმცა ზამა ატარებს რაპირას, მაგრამ მისი საყვარელი იარაღი დანაა. დანა მოწმობს, რომ ის Americano გახლავთ; ამასვე ააშვარავებს ქალთა ცდუნების მისეული ტლანქი მეთოდები და (რაზეც ბენედეტო მოგვიანებით მოგვანიშნებს) მისი მორალური უმნიფრობა. ზამა ამერიკისა და თავისი ეპოქის პირმშოა, ამიტომ საკუთარ უზნეობას იმით ამართლებს, რომ სექსუალური ურთიერთობების (ან, მისი თქმით, „სიყვა-

რულში ჩაკარგვის") უფლება მას სწორედაც, რომ აქვს. ზამას ქცევა - უულტურული და ისტორიული თვალსაზრისით - სამხრეთამერიკულია და არა ფრანგული (ან ალჟირული).

რომანში კამიუნე უფრო მეტად ხორხე ლუს ბორხესის - დი ბენედეტოს უფროსი თანამედროვისა და არგენტინის ინტელექტუალური ლანდშაფტის დომინანტური ფიგურის - ზეგავლენა იგრძნობა. 1951 წელს ბორხესი აკრიტიკებს ლიტერატურულ ნაციონალიზმს (ესეში "არგენტინული მწერალი და ტრადიცია": რა არის არგენტინული ტრადიცია?.. ჩვენი ტრადიცია მთელი დასავლური კულტურა... ჩვენი საკუთრება მთელი სამყაროა").

დაპირისპირება ბუენოს-აირესასა და პროვინციებს შორის, კოლონიალიზმის დროიდან მოყოლებული, არგენტინის მთელ ისტორიას გასდევს. ბუენოს-აირესი იყო ფართო სამყაროსკენ გამავალი კოსმოპოლიტური ჭიშკარი, მაშინ, როდესაც პროვინციები იღინდელ ნაციონალისტურ ფასეულობებს არ დალატობდნენ. ბორხესი ბუენოს-აირესის ტიპური მკვიდრი გახლდათ, ხოლო დი ბენედეტოს პროვინციები იზიდავდა: მან გადაწყვიტა, ეცხოვრა და ემუშავა იქ, სადაც დაიბადა - ქალაქ მენდონსაში, ქვეყნის უკიდურეს დასავლეთში.

პროვინციისადმი სიყვარულის მიუხედავად, დი ბენედეტოს ახალგაზრდობისას აღიზიანებდა ეგრეთ წოდებული "1925 წლის თაობის" გონება-შეზღუდულობა, რომლის ნარმომადგენლები ხელმძღვანელობდნენ პროვინციის კულტურულ დანესხებულებებს. ბენედეტო კითხულობდა ფრონდს, ჯონის, ფოლკნერს, ფრანგ ეგზისტიციალისტებს და პროფესიულ საქმიანობას ენეოდა კინემატოგრაფიაში - როგორც კრიტიკოსი და სცენარისტი (ომისშემდგომი წლების მენდოსა კინემატოგრაფიის მნიშვნელოვანი ცენტრი გახლდათ). მისი პირველი ორი წიგნი - "ცხოველთა სამყარო" (1953) და "ხუთუთხედი" (1955) მოდერნისტული რომანებია, რომლებმიც პროვინციალიზმის ნიშანებით კი არ შეიმჩნევა. კაფეას ზეგავლენა განსაკუთრებით აშკარად იჩენს თავს "ცხოველთა სამყაროში", სადაც ბენედეტო შელის ზღვარს ადამიანსა და ცხოველს შორის, ისევე, როგორც კაფეას ნანარმოებებში "მოხსენებითი ბარათი აკადემიას " და "ერთი ძალლის კვლევა-ძიებანი".

"ზამა" უშუალოდ უკავშირდება არგენტინული ტრადიციისა და არგენტინული პერსონაჟის საკითხს: როგორები არიან ისინი და როგორებად უნდა ჩანდნენ. აქ არსებითია განსხვავება ქვეყნის სანაპიროსა და შიდა რაიონებს, ანუ ეკონომიკულსა და ამერიკულ ფასეულობებს შორის. რომანის პროტაგონისტი გულუბრყვილოდ და რამდენადმე პათეტიკურად ილტვის მიუწვდომელი ევროპისკენ. მიუხედავად ამისა, დი ბენედეტო არ იყენებს თავისი გმირის კომიურ ესპანოფილის, რათა ამტკიცოს რეგიონალური ფასეულობებისა და რეგიონალიზმთან ასოცირებული ლიტერატურული ფასეულობების, კერძოდ კი - ძველი ყაიდის რეალისტური რომანის უპირატესობა. ამ მოდერნის-

ტულ რომანში მდინარის ნავსადგური, სადაც ზამა იმყოფება, თითქმის არაა ალწერილი; ნარმოდებება არა გვაქვს, როგორ ტანსაცმელს ატარებენ და რას საქმიანობები მისი მკვიდრნი; ნანარმოები ზოგჯერ მეთვრამეტე საუკუნის სენტიმენტალური რომანის პაროდიად წარმოგვიდგება, მაგრამ უფრო ხშირად გვაგონებს მეოცე საუკუნის აბსურდის თეატრს (დი ბენედეტო თაყვანს სცემდა ეუენ იონეს კოს და კიდევ უფრო მეტად - ლუიჯი პირანდელის). "ზამა" სატირულად ასახავს კოსმოპოლიტურ მიდრეკილებებს, და ეს სატირა სრულიად კოსმოპოლიტური, მოდერნისტული მანერით არის ხორციელებული.

მაგრამ დი ბენედეტოს დამოკიდებულება ბორხესისადმი უფრო მასტებური და რთული იყო, ვიდრე, უბრალოდ, ამ უკანასკნელის უნივერსალიზმისა და მისი პატრიციანული შეხედულებების კრიტიკა გახლდათ (ბორხესი თავს სპენსერიანელ ანარქისტს უწოდებდა და ამბობდა, რომ არაფრად აგდებდა სახელსა და დიდებას, დი ბენედეტო კი სოციალისტად მიიჩნევდა თავს). თავის მხრივ, ბორხესი საქვეყნოდ აღიარებდა ბენედეტოს ნიჭს და, "ზამას" გამოქვეყნების შემდეგ, დი ბენედეტო დედაქალაქში მიიწვია ეროვნულ ბიბლიოთეკაში (რომლის დირექტორიც იყო) ლექციების წასაკითხად.

1940 წელს ორ მეგობარ მწერალთან ერთად, რომლებიც უურნალ Sur-თან თანამშრომლობდნენ, ბორხესმა გაარედაქტირა "ფანტასტიკური ლიტერატურის ანთოლოგია" - წიგნი, რომლის გამოქვეყნებამ მნიშვნელოვანი ზეგავლენა მოახდინა სამხრეთამერიკული ლიტერატურის შემდგომ განვითარებაზე. წინათქმაში რედაქტორები ამტკიცებდნენ, რომ ფანტასტიკა "დაბალი" უანრი არაა და სამყაროს უძველეს წინასტორიულ ხედვას შეესაბამება. ფანტასტიკა მარტო ინტელექტუალური თვალსაზრისით კი არ არის ლირებული, არამედ იმითაც, რომ ასახავს სამხრეთამერიკული და მსოფლიო ლიტერატურის უძველეს ტრადიციებს. ბორხესის ნანარმოებებს შეიძლება ფანტასტიკური ვუნიდოთ; რეგიონალური ლიტერატურის თემებით გამდიდრებულმა ფანტასტიკამ, უილიამ ფოლკნერის ნარატიულ ნოვაციებთან ერთად, შესაძლოა, ნარმოშვა გაბრიელ გარსია მაკესის მაგიური რეალიზმი.

ფანტასტიკის რეაბილიტაციამ, რომელიც განახორციელეს ბორხესმა და Sur-ის ირგვლივ გაერთიანებულმა მწერლებმა, მნიშვნელოვანნილად განსაზღვრეს დი ბენედეტოს შემოქმედებითი განვითარება. გარდაცვალებამდე ცოტა ხნით ადრე მან აღიარა, რომ ფანტაზიასა და ფიქციონალიზის წყალობით აღმოაჩინა ახალი რეალობები. "ზამა" მეორე ნანილში ფანტასტიკა წინა პლანზე გამოდის.

1794 წელია. კოლონიას ახალი გუბერნატორი განაგებს. ზამას, თავისი მოთხოვნილებების დასაკამაყოფილებლად, ჰყავს სატროფ, ხელმოკლე ესპანელი ქვრივი, თუმცა ეს ქალი ზამასთან არ ცხოვრობს. მან ზამას გაუჩინა ვაჟიშვილი - ავად-

მყოფი ბავშვი, რომელიც მთელი დღეების განმავლობაში ნაგავში თამაშობს. ქალს არ უყვარს ზამადა მხოლოდ მაშინ თანხმდება სექსზე, როდესაც ზამა ფულს აჩუქებს.

აღმოჩნდება, რომ ადმინისტრაციის კლერკი, სახელად მანუელ ფერნანდესი, სამსახურის საათებში რომანის წერითაა გართული. გუბერნატორს სძულს ფერნანდესი. ის სთხოვს ზამას, მოიგონოს რაიმე საპაპი სამსახურიდან ფერნანდესის გასათავისუფლებლად. ზამა ღიზიანდება, მაგრამ მას აღიზიანებს არა გუბერნატორი, არამედ ამ ახალგაზრდა იდეალისტი, ეს "გრაფომანი ჰომუნკულუსი", რომელიც ჩაკარგულია იმპერიის პერიფერიაში.

ფერნანდესი გულუბრყვილოდ უამბობს ზამას, რომ შემოქმედებითი პროცესი უდიდეს თავისუფლებას ანიჭებს; რომ ცენზურა, სავარაუდოდ, არ მისცემს რომანის გამოქვეყნების უფლებას, და ამიტომაც ის აპირებს, მინაში ჩაფლას ყუთში შენახული ხელნაწერი, რომელსაც მისი შვილთაშვილები ამოთხრიან. "მომავალში ხომ ქვეყანა სრულიად სხვაგვარი იქნება".

ზამას დაედო ვალები, რომელთა გადახდა არ ძალუდს. კეთილი ფერნანდესი სთავაზობს ზამას მისი უკანონო ოჯახის რჩენას. ის მზადაა, უსიყვარულოდ ითხოვოს ცოლად ესპანელი ქვრივი და ბავშვის თავისი გვარი მისცეს. ზამა მისთვის ჩვეული ეჭვით შეხვდება ამ წინადადებას: ფერნანდე-

სის წინადადებაზე დათანხმების შემთხვევაში ის ჭაბუკის წინაშე ვალში ხომ არ აღმოჩნდება?

გაღატაკებული ზამა ბინას ქირაობს მავანი სოლედოს სახლში. აქ ზამა დროდადრო ხედავს ქალს, რომლის შესახებ მსახურები ამბობენ, სოლედოს ცოლია, სხვები კი სოლედოს ქალიშვილად მიჩნევენ. არის კიდევ ერთი იდუმალი ქალი. ის მოპირდაპირე სახლში ცხოვონბს, გამუდმებით ფანჯარასთან ზის და დაუინებით უყურებს ხოლმე ქუჩში მიმავალ ზამას. რომანის მეორე ნაწილში, ძირითადად, აღნერილია ზამას მიერ ამ ქალების საიდუმლოს ამოცნობის მცდელობები: სოლედოს ოჯახში ორი ქალია თუ ერთი, რომელიც სწრაფად იცვლის ხოლმე ტანსაცმელს? ვინაა ქალი, რომელიც ყოველთვის ფანჯარასთან ზის? ყველაფერი ეს სოლედომ ხომ არ ჩაიფიქრა ზამას გასამასხრებლად? როგორ უნდა ჩაიგდოს ხელში ზამამ ეს იდუმალი და ძალზე მიმზიდველი ქალები?

თავდაპირველად ზამა ფიქრობს, რომ ეს იდუმალი თამაში მისი გამჭრიახობის გამოსაცდელადაა განკუთვნილი. აქ ზამა (შესაძლოა, მთარგმნელის მცდელობათა შედეგად) სემუელ ბეკეტის ინტელექტუალური გმირების მსგავსად მეტყველებს და თანმიმდევრულად განიხილავს სხვადასხვა პიპოთეზას, რათა გაიაზროს შექმნილი სიტუაცია. მალე აღმოჩნდება, რომ ფანჯარასთან მჯდომი ქალი ხნიერი და უსახურია. შეზარხოშებული ზამა ფიქრობს, ხომ არ გავაუპატიურო ეს ქალი და თან



იქნებ ფულიც წავართვაო, მაგრამ შემდეგ იბრუნებს სულიერ წონასწორობას. ერთი მხრივ, არსებობს ხნიერი და ულამაზო ქალი, რომელიც სექსუალურად ხელმისაწვდომია, მეორე მხრივ - "თავზარდამცემად მომხიბვლელი" ქალი (ან, შესაძლოა, ორი ქალი), რომელიც ზამას ლტოლვის მიუწვდომელ (და, შესაძლოა, არარსებულ) მიზანს/ მიზნებს წარმოადგენს.

ანტონიო დი ბენედეტომ ამ რომანის მოფიქრებას დიდი ხანი მოანდომა, მაგრამ სწრაფად დაწერა. კომპოზიცია ნაჩქარევია, რაც აქარად ჩანს მეორე ნაწილში, სადაც სოლედოს სახლის ფანტასტიკური ტოპოგრაფია ისევე აოცებს მკითხველს, როგორც - ზამას. რაც მთავარია, დი ბენედეტო უსხლტება ნარატიული ლოგიკის კანონებს და პერსონაჟის ბეჭდს მარტომდენ თავის წარმოსახვას მიანდობს.

კარზე აკაკუნებენ. ესაა დაკონკილ ტანისამოსში ჩაცმული ფეხშიმველი ბიჭი - იდუმალი შუამავალი, რომელიც ზამამ ერთხელ იხილა და კვლავაც ნახავს. ბიჭის ზურგსუკან, ფერწერული ტილოს მსგავსად, მოჩანს სამი გაგიუბეული ცხენი, რომლებიც პატარა გოგონას ფლოქვებს ურტყამენ.

"დავბრუნდი ჩემს ოთახში, სადაც თითქოს სიბერე შედედებულიყო. მომეჩვენა, რომ შემეძლო, გარედან დავკეირვებოდი საკუთარ თავს. ვხედავ-დი, როგორ თანდათან გადავიქეცი შავ ფიგურად. ღამურასავით რბილი ჩრდილები ამედევნენ... ვაპირებდი, რაღაცას ან ვიღაცას გავმკლავებოდი და მივხვდი, რომ ასე უნდა მოვქცეულიყავი ან მომვმკვდარიყავი".

ქალის აჩრდილი გამოჩნდება. ზამას სანთელი ამ არსების სახესთან მიაქვს. ის არის! მაგრამ ვინაა ის? ვერ ხვდება. ოთახს თითქოს ნისლი ავსებს. ზამა საწოლში ბორგავს, ელვიძება და ხედავს, რომ მოპირდაპირე სახლის ფანჯრიდან ქალი უყურებს და მის "თვალებში თანაგრძნობა, სიყვარული და სიბრალული გამოსჭვივის..... ესაა იდუმალების-გან განძარცული ქალი", რომელიც გულისტყივილით შენიშნავს, რომ ზამა "მონუსხულია სხვა ქალით" და უხსნის, თუ რაოდენ საშიშია ფანტაზიის სამყარო.

ბოლოს ზამა საწოლიდან დგება და გადაწყვეტს, რომ მთელი ეს ეპიზოდი მარტომდენ ნერვული აღგზნების შედეგია. ის თავს აღნევს პალუცინაციების ბერე სფეროებს და აღადგენს ფანტაზიისა (ნერვული აღგზნების) და რეალობის დიქოტომიას, რომელიც თვითონვე გაანადგურა.

იმის გასარკვევად, თურა იგულისხმება აქ, უნდა მივუპრუნდეთ კაფეას - მწერალს, რომელმაც ყველაზე ძლიერი ზეგავლენა მოახდინა დი ბენედეტოს შემოქმედებაზე, როგორც უშუალოდ, ასე-ვე - ბორხესის, როგორც შუალედური რგოლის მეშვეობით. ფანტასტიკის, როგორც ლიტერატურული უანრის რეაბილიტაციის მიზნით, ბორხესმა 30-იანი წლების შუა ხანებში გამოაქვეყნა სტატიების სერია კაფეას შესახებ, რომლებშიც ის პრინციპუ-

ლად განასხვავებდა ფანტაზიებს, რომელთა განმარტება შესაძლებელია, და, მეორე მხრივ, კაფეასულ კოშმარებს (ამის საუკეთესო მაგალითია იოზეფ კ.-ს უწყვეტი კოშმარი "პროცესში"), რომელთა ენა ჩვენთვის გაუგებარია. ბორხესის თქმით, კაფეასული კოშმარის ერთადერთი საშიშროება ისაა, რომ ჩვენი განცდების არარეალურობას ვაცნობიერებთ (ამ ზმის გარკვეული მნიშვნელობით), მაგრამ პალუცინაციების სამყაროში ვიმყოფებით, საიდანაც თავს ვერ დავაღწევთ.

"ზამას" მეორე ნაწილის ბოლოს პერსონაჟი უგულებელყოფს პალუცინაციურ ფანტაზიას, უპირატესობას ანიჭებს რეალობას და, ამდენად, წყვეტილით შემეცნების პროცესს.

თხრობა გრძელდება ხუთხლიანი ინტერვალის შემდეგ. ზამას ადგილსამყოფელი არ შეუცვლია. მისი სასიყვარულო თავგადასავლები წარსულს ჩაბარდა.

ჯარისკაცთა რაზმი მიემართება ვიკუნა პორტო - თითქმის მითოლოგიური ყაჩალის საძებრად და დასაპატიმრებლად. არავინ იცის, როგორ გამოიყურება პორტო, რომელსაც ბრალად ედება კოლონიაში ჩადენილი ყველა ბოროტმოქმედება.

ჯერ კიდევ იმ დროს, როდესაც ზამა კორეხი-დორი იყო, ვიკუნა პორტო აქეზებდა ინდიელებს ამბოხებებისთვის. ჯარისკაცებს უმეცარი და გონებაჩლუნგი კაპიტანი პარილა მეთაურობს. ზამა უერთდება მათ, იმ იმედით, რომ ზარმატების შემთხვევაში სამსახურში დააწინაურებენ.

ერთ ბერე ლამეს ბილიკზე ვიღაც ჯარისკაცი გვერდზე გაიყვანს ზამას. ეს თვით ვიკუნა პორტო, რომელიც პარილას რაზმში განევრიანებულა და, ამგვარად, თითქოს თავისი თავის საძებრად წასულა. პორტო აღიარებს, რომ მობეზრდა ყაჩალობა და საზოგადოებაში დაბრუნება სურს.

უნდა უღალატოს თუ არა ზამა მას პორტოს, რომელიც მას ენდო? ლირსების კოდექსი ამის უფლებას არ აძლევს; მაგრამ ამ კოდექსის მორჩილებაც არ სურს, რაც ღალატისკენ უბიძგებს. ამიტომ ზამა არღვევს პორტოსთვის მიცემულ პირობას და მაშინვე მთელი არსებით გრძნობს თავისუფლებას და უდანაშაულობას.

პარილა პატიმრებს ზამასაც და პორტოსაც. მათ ხელებს შეუბორკავენ. ბუზების ნაკბენების-გან სახეშემუშებული პატიმრები ქალაქში მიჰყავთ. და "ყაჩალი ვიკუნა პორტო უფრო დამცირებული და უბედური როდია, ვიდრე - მისი თანამზრახველი ზამა".

მაგრამ გაბედული ყაჩალი კლავს პარილას და სთავაზობს ზამას, შეუერთდეს ბანდას. ზამა უარზეა. პორტო მას თითქმის მოაჭრის და, დასახიჩრებულს, უღრან ტყეში ტოვებს.

ამ უიმედო წამს მას ევლინება მხსნელი - ფეშიშველი ბიჭი, რომელიც ზამას უკანასკნელი ათი დღის განმავლობაში უთვალთვალებდა და მისდევდა. "ეს ბიჭი მე გახლდით, - ამბობს ზამა, - ისეთი, როგორიც... ვიყავი... დიდი ხნის წინ. გავულიმე და ვუთხარი: "არ გაზრდილხარ..". მან სევდიანად მო-

მიგო: “შენც პავშვად დარჩენილხარ”.

ასე მთავრდება „ზამას“ მესამე და უკანასკნელი ნაწილი. მისი პერსონაჟი-ნარატორი საკუთარ თავს ეძებს, ისე, როგორც ვიკუნა პორტო ეძებდა თავის თავს. ესაა ძიება თავისიუფლებისა, „რომელიც გარესამყაროში კი არაა, არამედ - ჩვენსავე სულში“. ის, რისი მოპოვებაც ყველაზე მეტად გესურს, ჩვენს სულშია და ესაა ჩვენი „მე“, ისეთი, როგორიც ვიყავით, სანამ ბუნებრივ უმანკოებას დავკარგავდით.

ამგვარად, რომანის პირველსა და მეორე ნაწილებში ზამა შეცყრობილია ამაო ოცნებებით და თავგზააბძეულია ავხორცი ვნებებით, მაგრამ მესამე ნაწილში იბრუნებს პირვანდელ ზნეობრივ და სულიერ სისრულეს. სანამ პორტო თითებს მოაჭრიდა, ზამამ ნერილი მისნერა თავის უსაზღვროდ თვინიერ ცოლს, ნერილი ბოთლში ჩადო და მდინარეს გაატანა: “მარტა, მე არსად წავსულვარ”. “ეს შეტყობინება არ იყო განკუთვნილი მარტასთვის ან სხვა ვინმესთვის, - აღიარებს ზამა. - ის ჩემთვის დავწერე”.

კოლუმბიდან მოყოლებული, ევროპელებს - როდესაც ისინი ამერიკას ეცხობოდნენ და იპყრობდნენ - ასულდგმულებდა ოცნება ახალი სამოთხის შესახებ. 1816 წელს, როდესაც შეიქმნა არგენტინის დამოუკიდებელი სახელმწიფო, მას ზედიზედ მიაწყდნენ იმიგრანტები იმ უტომის საძებრად, რომელიც, თურმე, არ არსებობდა. გასაკვირი არაა, რომ იმედგაცრუება ოცნებების დამსხვრევის გამო არგენტინული ლიტერატურის ერთ-ერთი მთავარი ლიტერატორია. ველურ ბუნებაში, მდინარის პირას მყოფი ზამა, იმიგრანტი, ხვდებოდა, რომ ჭეშმარიტი სამოთხე მოუხელობელი იყო, ხოლო ამ ყალბი "სამოთხიდან" თავს ვერ იხსნიდა. "ზამა" ეძღვნება "ილუზიების მსხვერპლთ".

ზამას თავვაგადასავლები ინდიელთა ტერიტორიაზე აღწერილია ლაკონიური სტილით, რომელიც დი ბენედეტომ კინემატოგრაფიაში მუშაობის დროს გამოიმუშავა. კრიტიკოსთა ყურადღება განსაკუთრებით მიზიდა რომანის მესამე ნახილმა, რომელიც გვიჩვენებს, როგორ ამსხვრევს Americano ძველი სამყაროს მითებს და ეზიარება არა ნარმოსახულ ედებს, არამედ - ახალ სამყაროს მთელი მისი საოცარი რეალობით. ამ რეალობას შეადგენს ეგზოტიკური ფლორა და ფაუნა, სასარგებლო ნიალისეულის საბადოები, უჩვეულო საკვები პროდუქტები, ველური ტომები და მათი ჩვეულებები. ზამა თითქოს თავის სიცოცხლეში პირველად ხედავს კონტინენტის მთელ სიმდიდრეს და მრავალფეროვნებას. უნდა ითქვას, რომ რომანის ამ ნახილზე მუშაობისას დი ბენედეტო საკუთარ ცოდნას კი არ ეყრდნობოდა (მას პარაგვაი თვალითაც არ ენახა), არამედ - ძველ ნიგნებს, მათ შორის, 1752 წელს დაბადებული მიგელ გრეგორიო დე ზამალიას ბიოგრაფიას, რომელიც კორექსიდორი გახლდათ ტუპაკა ამარუს - ინკების უკანასკნელი მეფის - ამპონების დროს.

ანტონიო დი ბენედეტო დაიბადა 1922 წელს,

ნაშუალო კლასის ნარმომადგენელთა ოჯახში. 1945 წელს მან შეწყვიტა სწავლა იურიდიულ ფაკულტეტზე და დაიწყო მუშაობა მენდოსას ყველაზე პრესტიულ გაზეთში - Los Andes-ში, რამდენიმე წლის შემდეგ კი მის მთავარ რედაქტორად დაინიშნა. გაზეთის მეპატრონები კონსერვატიული კურსის მომხრენი იყვნენ და ამასვე მოითხოვდნენ დი ბენედეტოსგან, რომელიც არ ეთანხმებოდა მათ. 1976 წელს დი ბენედეტო (ის თავს მიიჩნევდა პროფესიონალ უურნალისტად, რომელიც თავისუფალ დროს ფანტასტიკური ჟანრის ნაწარმოებებს წერდა) გაზეთის მეპატრონების მოთხოვნათა დარღვევის გამო დაპატიმრეს.

“ზამა” (1956) მისი პირველი ვრცელი რომანი გახდათ, რომელმაც კრიტიკოსთა ყურადღება მიიპყრო. გასაკვირი არაა, რომ ქვეყანაში, რომელიც თავს მიიჩნევდა ევროპული კულტურის წანილად, ხაზს უსვამდნენ მწერლის ევროპულ წარმომავლობას. მას თავდაპირველად უწოდებდნენ სამხრეთამერიკელ ეგზისტენციალისტს, შემდეგ კი სამხრეთამერიკული “ახალი რომანის” წარმომადგენლად მიიჩნევდნენ. 1960-იან წლებში რომანი მრავალ ევროპულ ენაზე ითარგმნა, გარდა ინგლისურისა. არგენტინაში “ზამა” საკულტო კლასიკურ ქმნილებად ითვლება.

დი ბენედეტოს ნანარმობების განხილვაში თვით ავტორმაც მიიღო მონაწილეობა. კერძოდ, მან მიუთითა, რომ თუკი მის ნოველებში მთხოვ-ბელი არ მონაწილეობს და თხრობა იმდენად ობი-ექტურია, თითქვს მოვლენებს კინოკამერა აღბეჭ-დავდა, ეს იმიტომ კი არ მოხდა, რომ დი ბენედეტო ბაძავდა ალენ რობ-გრიის, არამედ იმიტომ, რომ ორივენი აქტიურად მოლვანელობდნენ. კინოში.

“ზამას” მოცყვა კიდევ ორი რომანი და ნოველების რამდენიმე კრებული. მათგან ყველაზე უფრო საინტერესოა *El silenciero* - ამბავი ადამიანისა, რომელიც ცდილობდა დაეწერა რომანი, მაგრამ ქალაქის ხმაური უშლიდა ხელს. აკვიატებული იდეა ხმაურის შესახებ ფიტავს მის სულიერ ძალებს და საბოლოოდ ეს პერსონაჟი სულით ავადება.

ეს რომანი, რომელიც პირველად 1964 წელს
გამოქვეყნდა, მწერალმა ძირფესვიანად გადაამუ-
შავა 1975 წელს. ნანარმოები გამდიდრდა ღრმა ფი-
ლოსოფიური ქვეტექსტით (აქ შობენპაუერს მიზ-
ვნელოვანი ადგილი უკავია), რის საფუძველზეც
თავიდან იქნა აცილებული მისი მარტივი, სოციო-
ლოგიური წაკითხვის საფრთხე. გადამუშავებულ
გამოცემაში ხმაურის თემა მეტაფიზიკურ განზო-
მილებას იძენს: პროტაგონისტი ამაოდ ეძებს პირ-
ველსაწყის სიჩქმეს, რომელიც წინ უძლოდა ღვთა-
ებრივი ლოგოსის მიერ სამყაროს შექმნას.

El silenciero-ში “ზამაზე” უფრო მეტადაა გა-
მოყენებული ოცნებებისა და ფანტაზიის ასოცია-
ციური ლოგიკა. ესაა იდეათა რომანი, რომელიც
შეიცავს იდეებს რომანის მონტაჟის შესახებ და,
აგრეთვე, მისტიკურ ქვეტექსტს. El silenciero, სა-
ვარაუდო, იმ გზაზე გადაგმული პირველი ნაბი-

ჯი გახლდათ, რომელსაც უნდა გაყოლოდა დი ბე-
ნედეტო, ისტორია რომ არ ჩარეულიყო.

1976 წლის მარტში სამხედრო ხუნტამ ხელში ჩაიგდო ძალაუფლება არგენტინაში, ფარულად შე-
უთანხმდა სამოქალაქო ხელისუფლებას და გა-
ნაცხადა, რომ ბოლოს მოუღებდა პოლიტიკურ ძალ-
მორქობასა და სოციალურ ქაოსს. გენერლები მყისვე შეუდგნენ თავიანთი გენერალური გეგმის აზუ “ეროვნული რეორგანიზაციის” ხორ-
ცესსხმას. გენერალმა იძერიკო სენ-ჟანმა, რომე-
ლიც ბუენოს-აირესის გუბერნატორად დაინიშნა,
განაცხადა: “თავდაპირველად დავხოცავთ ყველა დივერსანტს, შემდეგ გავანადგურებთ მათ თანამ-
ზრახველებსა და თანამგრძნობთ, შემდეგ - ნეიტ-
რალურად განხყობილ პიროვნებებს, ბოლოს კი -
ლაჩრებს”.

ეგრეთ წოდებულ დივერსანტებს შორის, რომ-
ლებიც გადატრიალების პირველსავე დღეს დაპა-
ტიმრეს, დი ბენედეტოც იყო. მოვიანებით ის (იოზეფ კ.-ს მსგავსად) განაცხადებს, რომ არ იცის,
რისთვის დაპატიმრეს, მაგრამ ცხადია, რომ ეს მოხდა Los Andes-მოღვაწეობის გამო, სადაც დი ბენედეტო აქვეყნებდა მასალებს “სიკვდილის ეს-
კადრონების” შესახებ (გაზეთის მეპატრონები მწერლის დაპატიმრებისთანავე განუდგნენ მას და, ფაქტობრივად, განირეს).

დაპატიმრებას მოჰყვა “ტაქტიკური დაკითხვა”
- ესაა წამების ევფემიზმი, რომლის დანიშნულება
იყო პატიმრისგან ინფორმაციის მოპოვება. მას უნ-

და შეეგნო, რომ ახალ სამყაროში იმყოფებოდა, რომელსაც თავისი კანონები ჰქონდა. ედუარდო დუალდეს თქმით, ხშირად პირველი წამებისგან მი-
ღებული ტრავმა, აგრეთვე - სხვა პატიმრების წა-
მება და მათი განწირული ყვირილი სამუდამო დაღს აჩინევდა პატიმრების ფსიქიკას. წამების ინსტრუ-
მენტი, ჩვეულებრივ, გახლდათ ელექტროხელსაწყო,
რომელიც მწვავე კრუნჩხვას იწვევდა. მისი ზემოქ-
მედება იწვევდა კუნთების აუტანელ ტკივილს, შემ-
დევ - დამბლას და ნევროლოგიურ დაზიანებას, რომელიც თავს იჩინდა დისრიტმის, ქრონიული
თავის ტკივილებისა და მეხსიერების დაკარგვის
სახით.

დი ბენედეტომ თვრამეტი თვე გაატარა საპყრო-
ბილები, ძირითადად, ლა-პლატას პენიტენციარუ-
ლი სამსახურის საყოველთაოდ ცნობილ მე-9 გან-
ყოფილებაში. ის გაათავისუფლეს მხოლოდ მას შემდეგ, რაც რეჟიმს მწერლის გათავისუფლების
თხოვნით მიმართეს ჰაინრიხ ბიოლმა, ერნესტო სა-
ბატომ და ხორხე ლუის ბორხესმა, რომელთაც მსა-
რი დაუჭირა პენ-კლუბმა. გათავისუფლების შემ-
დევ დი ბენედეტომ ქვეყანა დატოვა.

მეგობარს, რომელმაც იხილა მწერალი განთა-
ვისუფლების შემდევ, თავზარი დასცა დი ბენედე-
ტოს გარეგნობამ: თმა გაჭალარავებოდა, ხელები
უთროდა, ენა ებმოდა, ბარბაცებდა. თუმცა დი
ბენედეტოს არასოდეს აღუწერია თავისი პატიმ-
რობა (ის “დავიწყების თერაპიას” ამჯობინებდა),
მაგრამ პრესაში გამოქვეყნებულ ინტერვიუებში



ნახსენებია ძლიერი დარტყმები თავში ("მას შემდეგ აზროვნების უნარი დამიქევითდა"); ელექტროშოკის სეანსები (იმდენად ძლიერი, რომ მწერალს შინაგანი ორგანოები დაუზიანდა); შეიარაღებული რაზმის პირისპირ დაყენება და ფიქტიური სიკვდილით დასჯა. სხვა პატიმრები, რომელთა უმრავლესობა დი ბენედეტოზე უფრო ახალგაზრდა იყო, იხსენებდნენ, რომ ის ვერ ეგუებოდა საპყრობილის სასტიკ რეფიმს და ვერ მიმხვდარიყო, რატომ ანამებდნენ მას სხვადასხვა დროს, სრულიად მოულოდნელად, თუმცა ამ დამსჯელი ღონისძიებების არსი სწორედ მათი მოულოდნელობა იყო და - კაფეასეული კოშმარის მსგავსად - უაზრობაში მდგომარეობდა.

სამშობლოდან დევნილი დი ბენედეტო ცხოვრობდა საფრანგეთში, გერმანიაში და, ბოლოს ესპანეთში, სადაც ათეულ ათასობით სამხრეთამერიკელი დევნილი იმყოფებოდა. მართალია, მწერალი ყოველ კვირას აქვეყნებდა მასალებს ბუენოს-აირესის გაზეთში და მას ბინაც გამოყევეს მაკდონუელის კოლონიაში (ნიუ-ჰემპშირში), მაგრამ ცხოვრების ეს ეტაპი მისთვის ასოცირდებოდა სილარიბესთან, როდესაც სარკეში თავისი ანარეკლის ხილვისას სირცხვილს გრძნობდა.

1984 წელს, მას შემდეგ, რაც აღდგენილ იქნა სამოქალაქო ხელისუფლება, დი ბენედეტო დაბრუნდა არგენტინაში, რომლისთვისაც ეს ნაბიჯი განასახიერებდა ერის სურვილს, განთავისუფლებულიყო უახლოესი წარსულისგან და ცხოვრება თავიდან დაეწყო. მაგრამ ამ როლისთვის ის ძალზე ხანდაზმული, სულიერად დაძაბუნებული და სევდიანი გახლდათ. მისი შემოქმედებითი ენერგია საპყრობილესა და ემიგრაციას ემსხვერპლა და ველარ აღდგებოდა. "მისი აგონია დაპატიმრებისთანავე დაინყო", - შენიშნა დი ბენედეტოს ესპანელმა მეგობარმა. - ის კვდებოდა აქ, ესპანეთში... და როდესაც სამშობლოში დაბრუნება გადაწყვიტა, ეს მხოლოდ იმის გამო მოიმოქმედა, რომ სურდა, ფინალი მეტ-ნაკლებად ლირსეული ყოფილიყო". სიცოცხლის ბოლო წლები სხვადასხვაგვარმა ბრალდებოდა ჩაუშებამა. მწერლის თქმით, თავდაპირველად მის დაბრუნებას მიესალმებოდნენ, შემდეგ კი კიდევ უფრო მეტი სილარიბისთვის გაიმეტეს, ვიდრე ესპანეთში განიცდიდა. დი ბენედეტო გარდაიცვალა 1986 წელს, სამოცდასამი წლის ასაკში.

ესპანეთში ცხოვრების დროს დი ბენედეტომ გამოაქვეყნა ნოველების ორი კრებული "აბსურდი" (1978) და "მოთხრობები დევნილობის შესახებ" (1983). "აბსურდის" ზოგიერთი ნოველა დაინერა საპყრობილები, საიდანაც ისინი მაღლულად გაიტანეს. ამ გვიანდელი ნოველების მუდმივი თემაა დანაშაული და სასჯელი, ჩვეულებრივ - თვითგვემა, ხშირად იმ საქციელის გამო, რომელიც ადამიანის არც კი ახსოვს. ყველაზე უფრო ცნობილი შედევრი გახლავთ ნოველა „აბალაი“, რომლის მიხედვითაც 2011 წელს ფილმი გადაიღეს. რომანის მთავარი პერსონაჟია გაუჩირ, რომელმაც, ქრისტიანული წმინდანის, სვიმეონ მესვეტის მიბაძვით,

გადაწყვიტა თავისი ცოდვები გამოესყიდა. ვინაიდან პამპებში მარმარილოს სცეტები არ მოიპოვება, ამიტომ აბალაი დაკამაყოფილდა მონანიებით ცხენზე, რომლიდანაც არასოდეს ჩამოსულა.

სევდიანი, ხშირად ტრაგიკული გვიანდელი მოთხრობები, რომელთაგან ზოგიერთი მხოლოდ ერთ გვერდს მოიცავს - ნარმოსახული ხატები, მოგონებათა ფრაგმენტები - ააშკარავებს, რომ დი ბენედეტოსთვის ემიგრაცია ნარმოადგენდა არა მხოლოდ სამშობლოს იძულებით დატოვებას, არამედ განაჩენსაც, რომელმაც ის რეალური სამყაროდან აჩრდილთა მიღმურ სამყაროში განდევნა.

*Sombras, nada mas...*** (1985), დი ბენედეტოს უკანასკნელი ნაწარმოები, ერთგვარი დაუმთავრებელი ექსპერიმენტია. აჩრდილთა შორის გზის გაკვლევა ადვილი როდი გახლავთ. მთხრობლები და პერსონაჟები ერთმანეთს ერწყმიან, ისევე, როგორც სიზმარი და ნაწარმოებში აღწერილი რეალობა; ავტორის ჩანაფიქრის წვდომა ძნელია. ამიტომ დი ბენედეტო იძულებული შეიქნა, განემარტა რომანის საზრისი და შემოეთავაზებინა მისი ნაკითხვის წესები.

"ზამას" დასასრულს მთავარი გმირი დასახიჩრებულია, არ ძალუძს წერა, ელოდება, რომ მავანი პიროვნება საუკუნე-ნახევრის შემდგომ მოცყვება მის ამბავს. მანუელ ფერნანდესის მსგავსად, რომელმაც მინაში ჩაფლა თავისი ხელნაწერი, დი ბენედეტომ - მოკლე ანდერშში, რომელიც სიკვდილამდე მცირე ხნით ადრე დაწერა - აღიარა, რომ მისი წიგნები დაწერილია მომავალი თაობებისთვის. ახდება თუ არა ეს მოკრძალებული ტრაბაზი, ამას მხოლოდ დრო გვიჩვენებს.

"ზამა" კვლავაც დი ბენედეტოს ყველაზე პოპულარული წიგნია, თუნდაც თვით ზამას უჩვეულო ენერგიის გამო, რაც შესანიშნავადა გადმოცემული ესტერ ალენის ბრწყინვალე თარგმანში. გამომცემლობა Archipelago Books 2017 წელს გეგმავს დი ბენედეტოს ნოველების (რომლებიც შესანიშნავად თარგმნეს ადრიან უესტმა და მარტინა ბრონერმა) დასტამბვას. იმედი ვიქონიოთ, რომ რომელიმე გამომცემელი მალე დაინტერესდება როგორც *El silenciero*-ს თარგმანით, ისე მისი გამოქვეყნებით.

© The New York Review of Books, 2017.

* კორებიდორი იყო მოხელე ფეოდალურ ესპანეთსა და მის კოლონიებში, რომელსაც ესპანეთის მეფე ნიშნავდა. კორებიდორი აკონტროლებდა ადგილობრივი ადმინისტრაციისა და მოსამართლეების საქმიანობას. XVI საუკუნეში, ესპანეთის მიერ ცენტრალური და სამხრეთ ამერიკის დაპყრობის შემდეგ (იმ რაიონებში, სადაც ინდიელები რაოდენობრივად ჭარბობდნენ ესპანელებს), კორებიდორის ფუნქციას ნარმოადგენდა ინდიელთა იძულებითი შრომის ორგანიზება, გადასახადების აკრეფა და სხვ.

** აჩრდილები, სხვა არაფერი (ესპ.)



მანანა ბოსტოლანაშვილი

ამელი ნოტომი – “სიტყვების მიღმა არ ვარსებობ”

“ხელოვანი მხოლოდ მაშინ არის ხელოვანი, როდესაც გაორებულია
და თავისი გაორებული ბუნების არცერთ ფენომენს არ უარყოფს”.
შარლ ბოდლერი

ბელგიელ მნერალს, ამელი ნოტომს (ფაბიენ კლერ ნოტომი, დაბ. 1967 წ.) აღარ სჭირდება თავისი რომანების რეკლამა რეკორდული რაოდენობის წიგნების გასაყიდად. უკვე მისი ცხოვრებით, მოგზაურობითა და ამომავალი მზის ქვეყნისადმი აღფრთოვანებით გაუღენთილი 27 რომანია გამოქვეყნებული. ისინი ოცდათხუთმეტ ენაზეა თარგმნილი, მის თხზულებებს ლიცეუმებშიც სწავლობენ, ინჟინერება დისერტაციები. 2001 წლის ნოემბერში კი ნოტომისადმი მიძღვნილი საერთაშორისო კონფერენცია ჩატარდა. მისი რომანების მიხედვით დადგმულია 14 სპექტაკლი, გადაღებულია ფილმები.



„ჭეშმარიტი, ბოლოს და ბოლოს აღმოჩენილი და გასხვოსნებული, და ამგვარად, ერთადერთი, ნამდვილად განცდილი ცხოვრება არის ლიტერატურა“, მიაჩნდა პრუსტს.

ამელი ნოტომის მიერ განცდილი ცხოვრება მის რომანებია.

როდესაც ღმერთი მიხვდა, რომ არც ღმერთი იყო და არც ღვთის ავატარი, ზეცას, შესაძლოა, ბევრი არაფერი დაუკარგავს, მაგრამ დედამიწამ ერთი კარგი მწერალი შეიძინა; თუმცა ეს მოხდა ოციონდე წლის შემდეგ, 1992 წ., როდესაც ამელი ნოტომის პირველი რომანი „მკვლელის ჰიგიენა“ ლიტერატურულმა კრიტიკამ „ნლის აღმოჩენად“ აღიარა საფრანგეთში. ბევრ კრიტიკოსს იმდენად უცნაურად მოეჩენა ეს რომანი, სერიოზულ ეჭვს გამოთქვამდნენ, რომ ამ ფსევდონიმით ვინმე ხანშიშესული კაცი წერდა. ასე უჩვეულოდ შემოიჭრა ამელი სამწერლო სარბიელზე.

ამელი ნოტომის შექმნილი რეალობა ნამდვილ ცხოვრებაზე გაცილებით უფრო ჭეშმარიტად აღიქმება. იგი არღვევს სტერეოტიპებს ამაღლებული სტილით, რაც საბოლოოდ ყოველ რომანს პარადოქსულად აქცევს. დიდი თავშეკავებით დანერილ რომანებში, ახალ-ახალი სიუჟეტების მიუხედავად, არ დაღატობს თავის სადა, ლაკონურ სტილს. მათში სოციალური კონფლიქტების თუ მთლიანად სამყაროს მეაცრ კრიტიკასაც ვხვდებით. თუმცა მწერალი ყოველთვის უტოვებს მკითხველს არჩევანს, ამიტომაც მისი თხზულებები ხშირად ერთმანეთის საპირისპირ აზრებს იწვევს. ამელის პერსონაჟები ცდილობენ, იცხოვრონ არა მატერიალურად, არამედ მეტაფიზიკური თვალსაზრისით, ამასთან მათი ერთგვარი იდუმალება ყოველთვის გამანადგურებელ ირონიასთან არის გადაჯაჭვული. ნოტომის ყოველი წიგნი თეატრალური მინი-პეისაა, დახურული სასამართლო პროცესი, არენა, სადაც ერთმანეთს უპირისპირდება ორი, სამი ან ოთხი პერსონაჟი. სხვასთან პაექრობა ყოველი პერსონაჟისთვის საკუთარ თავში ცვლილებების აღმოჩენას მოასწავებს. სწორედ სხვისი აზროვნების ერთგვარი არეკვლის შედეგად ვლინდება ლიტერატურის, როგორც „მხსნელის“ ფუნქცია. „ამ მწერალთან სისასტიკე და იუმორი ერწყმის რომანტიზმს, რომელიც თანამედროვე სამყაროში ქრება“ (მარკ კაგებრი, „რეალობასა და სიურალობას შორის“, ბელგიის ფრანგული ლიტერატურის ანთოლოგია). მის თხზულებებს ხშირად ახასიათებენ ეპითეტებით – სასაცილო, აბსურდული, ორიგინალური... მომხიბვლელია მისი იშვიათი უნარი – იხუმროს ყველაფერზე, და უპირველეს ყოვლისა, საკუთარ თავზე.

ამელი ნოტომის თხზულებებში მულტიკულტურიზმის აშკარა გავლენა იგრძნობა, თუმცა ისინი ყველაზე მეტად იაბონური კულტურის განსაკუთრებული სიყვარულითაა გაუდენილი.

მწერალი ყოველ დილით, უთენია, დაახლოებით ოთხ საათზე დგება, სვამს მაგარ ჩაის და რამდენიმე საათის განმავლობაში ხელით წერს სასკოლო რეველებში. უკვე სამოცხვე მეტი ხელნაწერი დაუგროვდა. ისე სწრაფად წერს, თითქოს შინაგანი განგაში აქვს ჩართული, – წელიწადში დაახლოებით 3-

4 რომანს. გადაკითხვის მერე გამოსაცემად არჩევს ერთს, რომელიც არც ისე ინტიმური ან პათეტიკურია; ვერავინ ვერასდროს წაიკითხავს დანარჩენ ხელნაწერებს.

იგი ყოველდღე პასუხობს მკითხველთა უამრავ წერილს. მონაწილეობს სატელევიზიო გადაცემებში, მასზე მრავალ სტატიას წერენ უცნაურად მიიჩნევს, რაკი მედიაში ხშირად ჩნდება უჩვეულო შლაპებით, კაშკაშა წითელი ფერის ტუჩისაცხით და მიამიტური სითამამით საუბრობს საკუთარ თავზე. ის ძალზე სპონტანურია, დიდი იუმორის გრძნობით პასუხობს უხერხულ შეკითხვებს; ცდილობს, შენიღბვის საშუალებით თავი და საყვარელი ადამიანები დაიცვას. თავს არ მიიჩნევს ექსცენტრულად, თუმცა სხვების აზრი არ აცბუნებს. აკრიტიკებენ კიდეც, მაგრამ მისი მოკრძალებულობა, ხალისიანობა, გადამდები სილადე მაინც ბევრს ხიბლავს. მუსიკის, კინოს, თეატრისა და ლიტერატურის სიყვარული მას სინატიფე ანიჭებს. ემოციებით ცხოვრობს, მაგრამ მისი მრავალსახეობა რომანებში უკეთ ჩანს, ვიდრე ცხოვრებაში: „ვფიქრობ, თხზულებებში უფრო თავისუფლად ლაპარაკობ საკუთარ თავზე... წარმოსახვას აღაგზნებს ის, რაც განვიცადეთ“, – თქვა მან ერთერთ ინტერვიუში.

ნოტომი, უპირველეს ყოვლისა, წერს, რათა ბოროტებას და სიკვდილს შეებრძოლობს: „წერა ჩემი შვებაა. რაკი არ ძალიძის, ცხოვრებაში კონფლიქტებს დავუპირისპირდე, ამას ქაღალდზე ვინაზღაურებ“. ავტორი თითქოს საკუთარ თავს ეჭიდება: მისოვის ყოველი რომანი სასიცოცხლოდ აუცილებელი საწინდარია საკუთარი საზიანო ძალების მოსათოებად, რათა წითელ ღილავს არ დააჭიროს თითო. მორიაკი ამბობდა, რომანები რომ არ დამენერა, მკვლელი გავხდებოდიო. ამასთან დაკავშირებით ამელი ნოტომი აღიარებს, მეც მკვლელი გავხდებოდი, ოღონდ საკუთარი თავისაო; მას არ ძალუძს სხვისთვის ზიანის მიყენება. „ჩემი რომანები უამრავი წარსული თუ ამჟამინდელი ნაკლის ნაკრებია. ყოველ ღილას გაღვიძებისა თავს ვეუბნები, რომ არაფერი მაქვს და ბევრი უნდა ვიწვალო რამის მისალწევად [...] წამითაც არ ვვარდები დეპრესიაში, სიცოცხლით სავსე ვარ“.

იგი აღიარებს, რომ მასში უდავოდ არის უკიდურესად რომანტიკული მხარე, მაგრამ ის მუდმივად უპირისპირდება მისი პიროვნების მეორე პოლუსს – მკაცრ, მებრძოლ ხასიათს. სწორედ ამ ორ პოლუსს შორის მუდმივი ჭიდილია მისი ენერგიის წყარო. „რომანტიკული პოლუსი სავსეა კლასიკური არქეტიპებით (მუდმივი ქალურობა, უმანკუ ქალწული), მეორე კი მეუბნება: „კი, მაგრამ ვერ ხედავ, რომ ეს სასაცილოა? სწორედ აქედან მომდინარეობს ზოგჯერ მწარე ფრაზები“. იგი თითქოს ცდილობს, მოხიბლოს მკითხველი, ოღონდ არა სიცოცხლით, მაქინაციებით, არამედ მოკრძალებით. „ისე დიდ-ხანს ვიცხოვრე მარტოსულმა, რომ მივხვდი, რა საოცრად მჭირდება სხვები, აქედან გამომდინარეობს მათი მოხიბლების მნიშვნელოვნება“. უცნაურია, მაგრამ ბევრი არაფერი გაეგება ფრონიდისა, მასზე მეგობრებისგან თუ იცის რამე. თვითონ არასდროს

მისულა ფსიქოანალიტიკოსთან, თუმცა დარწმუნებულია, ბევრი რამ ექნებოდა გასარკვევი; ძალიან აინტერესებს და თან შიშობს. „არ მსურს, უფრო მეტი გავიგო. ვგრძნობ, რომ ამაში ბევრი რამ არის ძალიან იღუმალი, მაგრამ მირჩევნია, დაშიფრული ტექსტი არ ძერნდეს ნასაკითხი“.

სამყაროს მისეული აღქმა და პირველი განცდები მჭიდროდ არის დაკავშირებული მის ცხოვრებასთან, რომელიც დაიწყო 1967 წ. ქალაქ კობეში, იაპონიაში, ბელგიის ელჩის ოჯახში. ისინი მთის პატარა, ულამაზეს სოფელ შუუუგავაში, ქ. კობეს გარეუბანში ცხოვრობდნენ, რათა მჭიდროდ დასახლებულ ქალაქს განრიდებოდნენ. იაპონიაში გატარებულმა 5 წლის ნარუშლელი შთაბეჭდილება მოახდინა გოგონაზე, რომელიც უკვე სრულყოფილად ფლობდა იაპონურ და ფრანგულ ენებს. მაშინ თავი იაპონელი ეგონა და უკვე ახასიათებდა საკუთარი თავის რწმენა, სამყაროს ლირიკული და ამაღლებული ხედვა. ამ „მითიური“ პერიოდის განმავლობაში ამელი, რომელსაც კარგად ახსოვს ბავშვობა, თავს სამყაროს შემქმნელად აღიქვამდა; ამიტომ იაპონელი ძიძის მიერ გალმერთებული გოგონა დაფრთხა, როდესაც სკოლაში უეცრად შეეჯახა ცხოვრებას. ამელიმ გაითავისა იაპონელთავის დამახასიათებელი სხვათა პატივისცემა, თავაზიანობა და ყოველგვარი უთანხმოებისთვის თავის არიდება, უპირატესობის მინიჭება ჰარმონიისთვის; თუმცა დასავლური ყოფა მას ზოგჯერ აღაშფოთებს. ბავშვობა მისთვის ყველაზე ინტენსიურად ცხოვრების პერიოდია, რომლისკენ მიბრუნების სურვილიც მისი თითქმის ყველა რომანის პერსონაჟებში ვლინდება.

იაპონიიდან გამგზავრებისას ამელი მიხვდა, რომ ენა შეიძლება იქცეს სიტყვების მემორიალად, რომელიც წარსულის აღდგენას უზრუნველყოფს: თუ ახერხებ შენი სამოთხის საოცრებების ჩაწერას ტვინში, სასწაულებრივ მოვლენებს თუ არა, მათ სიმძაფრეს მაინც აღიქვამ. სხეულის მსგავსად, ენასაც აქვს ძალა, აკურთხოს სამყაროს ელემენტები, გარდასახოს რეალობა, უარყოფითი გადააქციოს დადებითად, განცდილი ტანჯვა – შემოქმედებად, რათა მისთვის შესაფერისი ვერსია ჩამოყალიბოს. ბავშვობაშივე უყვარდა ზღაპრების გადასხვაფერება, თავისი დასასრულის მოგონება. მაგრამ უპირატესობას ანიჭებდა ბიბლიას, რომელსაც ხშირად პოეტურად და კრიტიკულად ცვლიდა. იმ დროიდანვე დაეუფლა შიში სიცარიელისა, რომელსაც შეუძლია მისი „შესრუტვა“, და ეს შეგრძნება მნერლის ნარმოსახვის ერთ-ერთ განმასაზღვრელად იქცა მომავალში. ამელის თავისებურად იზიდავს სიკვდილიც, თუმცა პატარაობიდანვე აფორიაქებს ახლობლების დაკარგვის შიში. მის რომანებში ასახული სიცოცხლის კონტროლის სურვილი სწორედ ამ ნაადრევი მოწიფულობის შედევრია.

ნოტომი გადაწყვეტს, ყოველდღიურობა ამაღლებულ მოვლენებად გარდასახოს. ის ერთგვარ ევდემონიზმს ახორციელებს – რეალობიდან ტანჯვის გადატანას, მის პოზიტიურ ფორმად გადაქცევას ცდილობს. მისი ნათქვამი „ტკივილისგან ვერ გამოვეთდებით. მხოლოდ ტკივილის სიკეთედ გადაქ-

ცევა შეგვიძლია“ ასახავს აზიურ სიბრძნესაც: „არ შეენინააღმდეგო ნგრევას“.

იგი არ სჯერდება იმას, რაც მოცემულია, თავისი სურვილისამებრ გარდაქმნის რეალობას და მას ნაკლულ სიმძაფრეს ანიჭებს. მის პარადოქსულ რომანებში მძაფრ ლირიკულობას არღვევს პერსონაჟების მკვეთრი გამონათქვამები. ნოტომი ექცებს ნორმიდან გადახრის მიზეზებს, რადგან ხშირად დიდებული, ძლიერი, მშვენიერი ლიტერატურაში, სიყვარულსა თუ ცხოვრებაში სწორედ იმის საპირისპიროშია მოთავსებული, ვიდრე ჩვეულებრივ მოკვდავთ ჰგონიათ ან იმდოვნებენ. აქედან გამომდინარეობს მზერლის მისწრაფება, უცნაური წესები ლოგიკას მიუსადაცოს. ამელი ნოტომი ამტკიცებს, რომ რეალობას აღწერს, ცხოვრებას კი სისასტიკე ასაზრდოებს. მისი გმირები, რომლებიც ემოციების უკიდურესი დაძაბულობის ზღვარზე ცხოვრობენ და ტანჯვას არ ეპუებიან, არ ემორჩილებიან მიღებულ ტრადიციულ მორალს ან სამართლებრივ ნორმებს, რეალობას უმორჩილებენ ფაქტების მათებურ აღქმას და ხშირად მკითხველსაც აცვლევინებენ თვალსაზრისს. საკუთარ თავთან თუ მეტოქესთან ჭიდილით აღსავსე რომანები, ხშირად მოულოდნელი დასასრულით, მკითხველს წამითაც არ აძლევს მოდუნების საშუალებას.

ამელი ნოტომის საუნივერსიტეტო განათლების შედეგად, ბარტის თანამედროვე ლიტერატურის თეორიის, აგრეთვე ფილოსოფიოსების – ნიცშეს, პასკალის და კიერკეგორის, უორჟ ბერნანოსის ნააზრევის ზეგავლენა მეტ-ნაკლებად მის ყველა რომანში შეიმჩნევა. კრიტიკოსები, რომლებიც მის რომანებს როლან ბარტისა და მიხეილ ბახტინის იდეების საფუძველზე განიხილავენ, ხშირად ახსენებენ სხვადასხვა მნერლის გავლენას; მისი საყვარელი მნერლები არიან დიდორ, მიშიმა, ტანიძაკი, მონტერლანი, პრუსტი, სელინი, ერიკ-ემანუელ შმიტი, სიმონ ლეისი, უკლინ ჰარპმანი, იოკო ოგავა, კაზუო იშიგურო...

მაგრამ თვითონ ნოტომი აღნიშნავს, რომ მართალია, უართავს წიგნს კითხულობს, მაგრამ მაგ., ნიცშემ ან რილკემ უდიდესი გავლენა მოახდინეს არა იმდენად მის შემოქმედებაზე, რამდენადაც მის ცხოვრებაზე. მათმა თხზულებებმა სიცოცხლის სურვილი დაუბრუნა. „ნიცშე ერთადერთი ავტორია, რომელზეც შემიძლია ვთქვა, რომ გადამარჩინა“. იგი დარწმუნებულია, რომელიმე მნერლისისთვის მიბაძვა მისდამი აღფრთოვანების ყველაზე უარესი გამოვლინება იქნებოდა. თუმცა მის რომანებში ზოგჯერ აშკარად იგრძნობა, თუ რომელი მათგანი უყვარს ყველაზე მეტად. ნოტომის აზრით, მის რომანებში არის რაღაც ბელგიური სიურეალიზმისა, თუმცა ზოგადი განსაზღვრება უკეთ ესადაგება მის ლიტერატურას – უბრალოდ, რომანებია. თუმცა ყველაფრის მიუხედავად, მას ჰგონია, რომ ბელგიური ბაზებში მშვენიერი ასათვლელი წერტილია, რაც ხელს უწყობს წინააღმდეგობებით აღსავსე პიროვნების გამოვლენას, მასზე მაღლა რომ დგას, ვისი გაგებაც თვითონაც არ ძალუს და რომელიც ვერანაირ ეროვნულ ჩარჩოებში ვერ მოეცემა.

კრიტიკოსებს ჯერ კიდევ ზუსტად ვერ განუ-

սաթղվրացտ ամելո նոգոմիս րոմանցին յանրո, րագ-
ցան մատ այշտ ցոտուրո, ფանքասփոյկուրո, սատազա-
դասազլոռ, պաթուրուրո, սուրբալուսփոյկուրո րոմա-
նուս ույ կոմեգուս նոինեցի. գուլողցին մալուան
չզցնան տեաթրալուր դրամաս. մերալո չեր տազմո
անպոծ գուլողցին, դաներուս մերը կո արագյուր աս-
նորյեց. ոցո մշագամ թրշնաց րութմթե, րոցորու պա-
զցլ պարածամո, օսեզ մտել րոմաննու, սաճաւ շրմա-
նետ շնաւուլուն դասածուլո դա նատելո մոմենքի-
նու. „տանամեդրուզ յերա դանանցարեցին, պարագմենքի-
պուս յերա, մացրամ ածրուս դամլուս տալսաթրուսուտ,
մը կո პորոյիտ, հիմեծուրագ մոնდա Շեզզմնա ածրուս
նարմոժուն սամշալուցին. ածրուս ցարեմը ցոնես զեր
ցազալութ”, – ցարութիւնարյեց նոգոմի. րաւ մտազարուա,
մատան զեր Շեխցեցին յաթամսունաս, տոյնճաւ ամո-
րալուրո զոտարյեցիս ալճերուսաս. մուսո սուսելուզ սո-
ւրբալունմտան ացրետզ ոյմորուսփոյկուլ դա մոյ-
լոցնելու ցանսաթղվրեցին, ուշնայր Շեգարյեցի-
նու ցեսագուցին. ոցո սութպցեցին դամերարյեցին պա-
լունաս, սակաւտարո ծեգուս ծագոն-քագոն ցանց, ցա-
գութուն մշագուագ կմնուս սակաւտար տաց. ոցո աչեացին:
„սութպցեցին մոլմա առ ցարսեծոն”.

ზღაპრული ბავშვობის 5 წლის შემდეგ ამელი
იძულებულია, სათავეანებელი იაპონიიდან ოჯახ-
თან ერთად გადავიდეს ჩინეთში, პეკინში. ამელი
არაერთ რომანში შეეცდება საოცნებო ბავშვობის
წვრილმანების აღგენას, – მხოლოდ ენას, ლიტერა-
ტურას თუ ძალუს გადმოსცეს მისი თავდაპირვე-
ლი განცდები და დაუბრუნოს ბედნიერება, ის დრო,
როდესაც თავისანისცემას იმსახურებდა „დაუმსა-
ხერებლად“, უბრალოდ იმიტომ, რომ არსებობდა.

ამელი ნოტომის აზრით, ბავშვობა ცხოვრების ყველაზე რთული და სასტიკი, თუმცა უმშვენიერესი დროა. გაზრდას მოზრდილის დაკნინებად მიიჩნევს, რადგან მხოლოდ ბავშვია ჭეშმარიტად ბრძენი, მარტო ის აღიქვამს ცხოვრებას გრძნობათა მთელი სიმძაფრით. თუნდაც მოზრდილობისას ძალზე მღელვარედ ვიცხოვროთ, მაინც თითქოს ზედაპირულად ვარსებობთ, თანაც როცა ვიზრდებით, ვცრუობთ, სისასტიკეს კარგი მანერების მიღმა ვმაღლავთ... „ჩემთვის მშვენიერი ცხოვრება ბედნიერს კი არა, მგზნებარე ცხოვრებას ნიშავს, მომწიფების წლებში ძალიან განვიცადე, თითქოს ჩემი რომელიღაც დაცული ნანილი გაუფერულდა“. ამელი პატარაობაში თავს არც გოგოდ აღიქვამდა, არც ბიჭად. მერე კი მიხვდა, რომ ღმერთი არ არის, მაგრამ ილტვოდა ყოვლისშემძლეობისკენ, რომ ყოფილიყო ბიჭიც და გოგოც; ამას კი არარად ყოფნის ოცნებამდე მივყავართ. მისი აზრით, გაზრდა არ იძლევა ცოდნის, სიამოვნების მომატების ანდა თავისუფლების მიღწევის საშუალებას. „ყოველთვის ვიცოდი, რომ მოწიფულობის მერე ცხოვრება ეპილოგია და სხვა არაფერი“. მოგვიანებით რომანში „საკუთარი სახელების ლექსიკონი“ გაჩნდა თვალსაზრისი, რომ „მოზრდილობის ასაკშიც შეიძლება იყო ბედნიერი“. ბავშვობის გახსენებისას ამელი ნოტომის სტილში რომანტიზმითა და პოეზიით გატაცება იღრძნობა.

ავტობიოგრაფიული ხასიათის რომანში „შეყვა-
რებულის ამხედრება“ მან აღწერა ხუთი წლის გო-

გონას მიერ სამყაროს აღმოჩენა დიად, მაგრამ ტო-
ტალიტარიზმით დაკინიბულ ჩინეთში 1972-75 წლებ-
ში; ამასთან მნერალი აზუსტებს, რომ ეს ამბავი არ-
სად ხდება, ანუ რაკი ჩინეთმა დაკარგა უძველესი
ლეგენდარული წარსული, ის თითქოს აღარც არსე-
ბობს. გოგონა კი თავს ლეგენდარულ ჩინეთის
მაცხოვრებლად აღიქვამს. წარმოსახვითი ქვეყანა,
ჭეშმარიტი იმპერია, სადაც უჩვეულო გმირობისა
და თავგანწირვის ატმოსფერო მეფობს, ამელის
იცავს კიდეც გარემოსგან, რომელიც მის მშობლებს
და გამოცდილ დიპლომატებსაც კი თრგუნავს; მშობ-
ლები სულ დაკავებული იყვნენ, ამიტომ ამელი ჩი-
ნეთში აღმოაჩენს, თუ რა არის სრული თავისუფ-
ლება, როცა არავინ მეთვალყურეობს. ის გრძნობს,
რომ დიდებზე, „დაცემულ ბავშვებზე“ მაღლა დგას.
ამ რომანში მნერალი თავდაყირა აყენებს პრინცი-
პებს, რომელთა მიხედვით ბავშვი უმნიფარი არსე-
ბაა, უფროსი კი – უცილობელი ბატონი. თუმცა ჩი-
ნურმა კომუნიზმა ქვეყანას ფიზიკური, კულტუ-
რული და სოციალური ძალადობის სამარცხვინო
დალი დაასვა, გოგონა ყოვლისშემდლე წარმოსახ-
ვის საშუალებით გარემომცველ სიმახინჯეს უგულ-
ვებელყოფს და ლირიკულად, ამაღლებულად და
ამასთან საოცარი ირონიით გადმოგვცემს რეალო-
ბის ეპოზეას. პატარა გოგონას ბრძნული ჰესიმიზი
სიკონებობის მძლავრ სიყვარულს თუ შეადრება.

დიპლომატიურ გეტოში ჩაკეტილი ბავშვების ომის აღნერისას ვლინდება მწერლის წუხილი, რომ ადამიანები ურთიერთობაში უპირატესობას ანიჭებენ ძალადობას. მაგრამ სისასტიკეს და ცინიზმს მიამიტობა და უმანურება უპირისის პირდება.

მწერლის ფანტაზია კვლავ ნიცეს ეხმაურება, რომლის აზრით, მტრების ყოლა სასარგებლოა; როდესაც მტერი არ არის შინაგანი, ის გარესამყაროშია. გოგონა ცდილობს, ჩასწვდეს ყველაფრის ღრმა აზრს და პაექრობა შეძლებისძაგვარად დადებითად გადაიტანს, როგორც ამას პარადოქსებისადმი მიღრეკილებაში ამჟღავნებს: „მტერი მესიაა. მისი არსებობაც კი კმარა იმისთვის, რომ ადამიანი ენერგიით ალივსოს.“ ბრძოლის შედეგად ცხოვრებას აზრი ენიჭება და ადამიანი ვითარდება. ჭიდილი საკუთარი თავის ამაღლების შესაძლებლობაა, თუკი ღირსებას არ დაკარგავ. ჯალათების და მსხვერპლთა მონაცემლება, სიტყვიერი თუ ფსიქოლოგიური სისასტიკე გულწრფელი, ფანტაზიით ალსავს თამაშის თონზე მიმდინარეობს.

მოქმედეთათვის არც სიყვარულის აღმოჩენაა უცხო. ამელის, როგორც რომანის გმირს, იტალიელი გოგონა, „ილიადას“ პერსონაჟის სეხნია, ცივი, გულგრილი, მაგრამ საოცრად მომხიბვლელი ელენე სიყვარულის შეუწყარებელ ომში ჩაითრევს. ამელი, არმიის მზვერავი, ცხენად გარდასახული ველოსიპედით რომ მიაჭენებს და ესწრაფვის სიკვდილს, ხოტბას ასხამს იმ სიამოვნების განცდას, როდესაც თავში უქრის სისწრაფისგან, და ოცნებობს, „გმირობის თავსატეხად“ დანანევრდეს აფეთქებისას. სიკვდილისადმი სწრაფვა ბავშვობის, განდიდების მანიით შეცყრობილის პარადოქსული ოცნებებია. მიუხედავად ამისა, სიყვარულში ამელი სრულ განსხვავებას ეძიებს. მთხოვბელისთვის ელე-

ნეპირველი „სხვაა”, ვისი არსებობაც თითქმის მუქარაა, რადგან უეცრად გოგონა აღარ არის თვით-კმარი. თუმცა იგი ამაღლებულად გამოხატავს სიყვარულს, რაინდივით შეჰვიცავს ელენეს ერთგულებას და მორჩილებას.

მწერალი სიყვარულს მისატიურ საბურველში ხვევს. მაგრამ მას სავალალო შედეგებიც მოაქვს – სიყვარულში ხომ, როგორც ომში, ყველანაირი დარტყმა ნებადართულია; მისი აზრით, სიყვარული ყველაზე სასურველი ომია, იმიტომ, რომ „დუელის შედეგად სიყვარული გვრჩება... როგორც უპირატესი დაპირისპირება“. ის ფიქრობს, რომ სიყვარულის საფუძველი ხშირად მეორე ადამიანის განადგურებაა.

ნოტომს სამურაების იაპონურმა ეთიკამ ჩაუნერგა თვითმკვლელობისადმი მისწრაფება. თავ-განწირვის იაპონური ტრადიცია ესთეტიკური არჩევანიდან მომდინარეობს: მშვენივრად და ღირსეულად უნდა იცხოვრო და მოკვდე. რომანში გოგონა არ ეპურა განსაცდელს და სიცოცხლის გარისკვისას გარკვეულ სიამოვნებასაც გრძნობს, რადგან უკვე ხვდება, რომ მთავარი ღირსებაა – შეგეძლოს სიყვარული. ამიტომაც იმარჯვებს საკუთარ თავზე და ტანჯვას ამაღლებულ გრძნობად აქცევს. ამ თემასთან დაკავშირებით ნოტომი აღიარებს: „შესაძლოა, მაშინ ჩემი თვალსაზრისი იყო განსაკუთრებული, მაგრამ – სიმართლე. აქ ჭეშმარიტების და-საწერად არ მოვსულვარ, ჩემი ჭეშმარიტება უნდა დავწერო. [...] ცხოვრებაში ვითმენ ძალადობრივ ურთიერთობებს, რათა ისინი არ ავიტანო სიყვარულში, რომ სიყვარული და სექსი შორს იყოს ძალადობისგან“.

სისასტიკეში გარდამავალი უკიდურესობებით აღფრთვანება მწერლის ბავშვობის შთაბეჭდილებებიდან მომდინარეობს. წარმოსახვაში შეჭიდების მნიშვნელოვნობას მიხვდება, როდესაც სუმოისტთა ორთაბრძოლას უყურებს იაპონურ გადაცემებში. სწორედ ეს სანახაობა აღიბეჭდება ამელის გონებაში და შთაგონებს მას უზარმაზარი, შემზარავი, იდუმალი ღვთაებების მსგავს პერსონაჟებს, როგორიცაა პრეტექსტატი, პალამედი და ბერნადეტი. ამასთანავე უზომოდ აფასებს XIX ს.-ის ბოლოს გამქრალი მეომართა კლასის, სამურაების ფილოსოფიას, რომლისთვისაც უმთავრესია თავგანწირვა, ნესრიგი, ზემდგომთა უსაზღვრო ერთგულება. მეომრებს არ ჰქონდათ ტანჯვის ნიშნების გამოვლენის უფლება, უჩვეულო ძალისხმევითა და თავშეკავებით უნდა გაეძლოთ ყველანაირი განსაცდელისთვის. სამურაების იდეალიდან ნოტომი საბოლოოდ ამ განმასზღვრავ განტოლებას აღიქამს: სიკეთე არის ენერგიის ფიზიკური და გონებრივი გამოვლინება, ბოროტება კი – სიკვდილია, არარა.

იაპონიის შემდეგ ოჯახთან ერთად რამდენიმე წლის განმავლობაში ჩინეთში, ბირმაში (ამჟამად მიანმარის რესპ.), ტაილანდში, ნიუ-იორქში ცხოვრებამ მას სხვადასხვა კულტურის ფაქიზი ემოციური აღქმა ჩამოუყალიბა. ერთი უურნალისტი მის ცხოვრებას უნდოდებს „კულტურულ ხეტიალს, რაც მის ცნობისმოყვარეობას ზრდის და მის მოუთმენლობას აძლიერებს“. ხშირი გადასვლა ერთი საცხოვ-

რებელი ადგილიდან მეორეზე ამელის სიცოცხლის მერყეობის გრძნობასაც უღვივებს. წარსულის მიტოვების (თუ დაკარგვის) შეგრძნება უმატრებს იმ საშინელ განცდას, რომ შეიძლება, თვითონ აღმოჩნდეს მიტოვებული. სამშობლოდან გადაცვენილი ადამიანის ულობის გრძნობა კი მას ნელ-ნელა საკუთარ თავში კეტავს.

1984 წ. 17 წლისას, პირველად ჩასულს მშობლიურ ქვეყანაში, ბრიუსელის თავისუფალ უნივერსიტეტში კლასიური ლიტერატურის შესასწავლად, მარტოსულობის შეგრძნება გამატაფრებია. დასავლურ კულტურას და ცხოვრების სტილს მასზე ერთგვარი შოკი მოუხდენია; და ფესვებს მოწყვეტილმა, თავის ამხანაგებს განრიდებულმა ამელიმ გადაწყვიტა, მწერლობისთვის მიეძღვნა თავი. თუმცა იგი ყოველთვის წერდა, – თავს „გრაფომანს“ უწოდებს. იქამდე სერიოზულად არც აღიქვამდა თავის ნაწერებს, ვერც კი ბედავდა, ეფიქრა მწერლობაზე, მალევე მისითვის უდიდეს აუცილებლობად, სიამოვნებად და გატაცებად რომ იქცა; ახლა კი ვერც წარმოუდგენია ცხოვრება შემოქმედების გარეშე.

პროფესიული გზის ძიებაში, სწავლის დასრულებისთანავე 1 წელი თარჯიმნად მუშაობდა იაპონიაში. როდესაც მრავალი წლის მერე დაბრუნდა იქ და ამომავალი მზის ქვეყანასთან, თავის ძიძასთან და პირველ შეყვარებულთან ამაფორიაქებელი შეხვედრები გადმოგვცა რომანში „ნათელი სევდა“ (ან „ბედნიერი ნოსტალგია“, 2013 წ.), თხრობა ასე დაიწყო: „ყველაფერი, რაც გვიყვარს, წარმოსახვად იქცევა“. თურმე მხოლოდ 2012 წლის აპრილში მიხვდა, რომ „...სიტყვები „ნათელი სევდა“ დასავლეთში ერთმანეთის გამომრიცხველია, ოქსიმორონია. იაპონიაში კი ეს ჭეშმარიტებაა! ...ყოველთვის გამბიდი „ნაცუკაშის“ და მეგონა, რომ ეს ნამდვილი იაპონელად მაცცევდა, არადა, სუფთა დასავლური აზრით ვიყენებდი!... 44 წელია, ყველას უშმეორებდი, რომ იაპონელი ვარ ნოსტალგიის გამო, და ვცდებოდი! ეს იმსა ამტკიცებს, თუ როგორ შეიძლება რაღაც ააგო მცდარ აზრზე...“

თუმცა მწერალი და ფიქონანალიტიკოსი უაკლინ ჰარფმანი შეგვასენებს, რომ ავტობიოგრაფია ყოველთვის თვალში ნაცრის შეყრაა, რადგან მეხსიერება მატყუარაა, როდესაც წერის დროს მნიშვნელოვან ავტობიოგრაფიულ ფაქტებს აღვნერთ, ემოციების ჭეშმარიტებას გადმოვცემთ; მოვლენათა ჭეშმარიტებას კი არავითარი მნიშვნელობა არა აქვს. სახლებისა და ქალაქების მუდმივმა ცვლამ ამელი ნოტომი უამრავ საყვარელ ადგილს, ნივთსა თუ ადამიანს მოაშორა, ამან იგი აიძულა, თავშეკავებით მოქცეოდა ყველას, აღარაფერზე მიჯაჭვულიყო გულით, რათა განმორებას აღარ დაეტანჯა. იგი გვიზიარებს: „ჩემს ცხოვრებაში მართლაც განვახორციელებ ეკლესიასტებს: „შენი გული იქ იქნება, სადაც შენი საუნჯეა“. ვცდილობ, არ მქონდეს საუნჯე საღმე, ჩემს გარეთ, თორემ დროს ტანჯვაში გავატარებ, ეს კი სულაც არ მსურს“. რამდენადაც მარტოსული იყო მოზარდობის პერიოდში, იმდენად სწყურია ახლა ადამიანებთან შეხვედრები. დედამისი აზუსტებებს: „ამელი ძალიან მოსიყვარულება და სურს, ისიც უყვარდეთ“. მარტო-

ბის მოთხოვნილებასა და სიყვარულისკენ სწრაფ-
ვას შორის გახლეჩილი მწერალი ურთიერთობებს
მეტაფიზიკურ განსაცდელებად აღიქვამს. შეხვედ-
რებისკენ ლტოლვა ჯაბინის სიმორცხვესა და მიტო-
ვების შიშს. ცხადია, სიყვარული შეიძლება, მხო-
ლოდ მარადიული იყოს, მეგობრობა კი – დახვეწი-
ლი. სტენდალის სიტყვებმა, „ბევრი რამ მოგეტევე-
ბა, რადგან ძალიან გყვარებია“ – უდავოდ დიდი
კვალი დატოვა მის თხზულებებში.

შესაძლოა, ამიტომაც მის რომანებში მეფობს
სიყვარულის აბსოლუტიზმი, ეს გრძნობა სიკვდი-
ლის ანტიდოტად აღიქმება. გმირები მარადიული
სიყვარულის ძიებასა და საკუთარ თავთან ჭიდოლ-
ში უკიდურეს წერტილს აღნევენ და თანდათან
ლმერთს უტოლებენ თავს. შეყვარებულთა შეუწყნა-
რებელ ომში ყველანაირი საშუალება გამართლე-
ბულია, სიკვდილიც კი ბუნებრივად აღიქმება ერ-
თადერთი პირობით – თუკი სიყვარული მარადიუ-
ლი და აბსოლუტურია. თუმცა სიყვარულმა ჯერ
ვერცერთ გმირს ვერ მიანიჭა სრული ბეჭდიერება
მთელი სიკოცხლის განმავლობაში. ყველა რომან-
ში აშკარად ჩანს უკიდეგანო მარტოსულობა „დრო-
მოქმული“ სიყვარულისა თუ მეგობრობის იდების
გამო. გმირების სურვილი, შეაჩერონ დროის დინე-
ბა ესადაგება მარადისობაში შელნევისკენ ლტოლ-
ვას, „საშუალოდ გაყინული დროის სასწაულს“ („მკვლელის ჰიგიენა“). თუმცა სიკვდილის, როგორც
სიყვარულით გამოწვეული ბედისწერის, უდრტვინ-
ველად მიღებაც მისი გმირების ერთ-ერთი დამახა-
სიათებელი თვისებაა. „მერკურში“, „მკვლელის ჰი-
გიენასა“ და „მტრის ნიღაბში“ მწერალი ქალისა და
კაცის ურთიერთობას ბატონი-მონის დიალექტიკით
ანაცვლებს. სისასტიკეს თან სდევს მეორე ადამია-
ნისთვის ზიანის მიყენების სურვილი: „სიყვარული
სწრაფებაა, რომელიც გაბოროტებს“ („მერკური“).


ნოტომი ქმნის ამაღლებულ, დიდებულ და, ამა-
ვე დროს, მდაბალ, შემზარავ, თანაც იდეალებისკენ
იმდენად მისწრაფებულ გმირებს, რომ ამის გამო
ისინი დამნაშავენ ხდებიან. მათი სიყვარული აღა-
რაფრით განსხვავდება საყვარელი ადამიანის გა-
ნადგურების მცდელობისგან, გარეგნული სიმახინ-
ჯე კი შინაგან სილამაზეს და ძალიან ნათელ სულს
ავლენს. მწერალი დარწმუნებულია, რომ მშვენიე-
რების მიღწევა მხოლოდ სიმახინჯის გავლით არის
შესაძლებელი. სილამაზეს გააჩინა მოჯადოების
უნარი, რომელმაც შესაძლოა, ადამიანს უკიდურე-
სობებისკენ უბიძგოს და შეიძლება ჭეშმარიტ სი-
სასტიკესაც მაღავდეს. მისი აზრით, ყველანაირი
ტანჯვიდან არსებობს გამოსავალი, ყოველთვის შე-
საძლოა, ხელში აიღო საკუთარი ბედისწერის ალვი-
რი და მშვენიერებისკენ ისწრაფვოდე. ნოტომი ცდი-
ლობს, გააუქმოს დესტრუქციული დუალიზმები და
კონფლიქტების გადასაწყვეტად ერთმანეთს შეურ-
წყას საპირისპირო თვისებები, ღვთაებრივი და ეშ-
მაკისეული. ის უბრალოდ, აფხევს ზედაპირს და სუ-
ლის სილრმეში ჩაჰქავს მკითხველი.

ბაგშვის პირველი ორი წლის განმავლობაში,
ამელი თითქოს სრულ სიცარიელეში, თავისივე სხე-
ულის ორგანულ ციხეში ჩაკეტილ ცხოვრობდა. ეს
არაერთხელ გამოვლინდა მის რომანებში და შეგ-

ვიძლია დავასკვნათ, რომ იგი იმთავითვე შეზარა
სიცარიელემ. სიცარიელის შიში გვხვდება მის რო-
მანში „კატილინას წინააღმდეგ“, პალამედ და ბერ-
ნადეტ ბერნარდენების პერსონაჟთა აღწერისას. მი-
სი თვალსაზრისი სხეულზე ესადაგება იდეებს, რომ-
ლებიც გამოხატულია მწერლისთვის ერთ-ერთ ფუ-
ძემდებლურ წიგნში „ზარატუსტრა“. წიცშეუპირის-
პირდება „სხეულის მგმობელებს“ და აღაფრთოვა-
ნებს ძლიერი, სრულქმნილი სხეული, უარყოფს ტრა-
დიციულ ქრისტიანულ თვალსაზრისს, რომ გონება
უნდა მართავდეს სხეულს და ინსტინქტებს. ეს უზ-
ნეო სხეული სიკეთისა და ბოროტების მიღმაა. პერ-
სონაჟების საშუალებით ნოტომი კიცხავს სისულე-
ლეს მორალისტებისა, რომელნიც მგრძნობელობას
და ჭეულას ერთმანეთს უპირისპირებენ, რადგან
„უფიქრიათ ოდესმე იმათზე, ვისაც გრძნობები არ
ანათებენ?“

რომანში „კატილინას წინააღმდეგ“ პენსიაზე
გასვლის მერე სოფლად დასახლებულ, ლათინური-
სა და ბერძნულის მასწავლებელს, ემილ აზელს
ცოლთან, ჯულიეტასთან ერთად განმარტოება კოშ-
მარად ექცევა; მას აფორიაქებს მეზობლის და მისი
გონებაჩრდუნგი ცოლის შემზარავი შინაგანი სიცა-
რიელე, უფრო კი ექიმი პალამედისა, ვისი ცხოვრე-
ბაც ჯოჯოხეთად მიაჩნია. რომანში ემილ აზელი ამ-
ბობს: „მეც შემიძლია, უნიათო არარაობა ვიყო: ყვე-
ლას აქვს თავში დიდი, უძრავი რამ. საკმარისია, ნე-
ბა დართო და გამოვლინდება. არავინ არის ვინმეს
მსხვერპლი, გარდა საკუთარი თავისა“. ალშფოთე-
ბა სრულიად გარდაქმნის სიყვარულით აღსავს მას-
წავლებელს და მის უფაქიზეს მეულლეს, და მათ და-
ნაშაულისკენ უბიძგებს. მოკრძალებული ემილი მო-
ულოდნელად აცხადებს: „თუ არ ძალგვის სხვისი
დატანჯვის გარეშე ცხოვრება, ჯობს, არ ვი-
ცოცხლოთ“. იგი ბოროტებას ადარებს აირს, რომ-
ლის დანახვაც შეუძლებელია, მაგრამ ყველანა
ვრცელდება; თვით იდეალური, მოსიყვარულე წყვი-
ლიც კი არ არის მისგან დაზღვეული. რომანის
კითხვისას არ გვასვენებს ერთი კითხვა: იქნებ მთე-
ლი ცხოვრება ერთადერთი გამოცდისთვის მზადე-
ბაა?

ნოტომის რომანებში ყველაზე ხშირად ასახუ-
ლია აზრთა ჭიდოლი ორ პერსონაჟს შორის. გარე-
განი მტრის გამოჩენა წარმოშობს ანდა აღვიძებს
მის შინაგან მტერს, და გაორება ყოველთვის აგრე-
სიულად გამოიხატება. მაგრამ უკულმართი ტირა-
ნი, რომელიც უყოყმანოდ გარდასახავს რეალობას
თავისი სურვილისამებრ, ყოველთვის არ არის დამ-
ნაშავე, განრისხებული მსხვერპლიც შეიძლება ბო-
როტების გამომწვევი იყოს და თავად იქცეს ჯალა-
თად. ერთი შეხედვით სუსტი ადამიანები, თუკი სხვის
ხსნას განიზრახავენ, ძლიერდებიან, ჯალათებად
იქცევიან და სასტიკა პარაზიტის სიამოვნებასაც
იღებენ; ისინი სხვა გამოსავალს ვერ ხედავენ, ამი-
ტომ ერთბაშად უშვებენ იმ ურჩხულს, რომელიც
თურმე მათ სულში ბინადრობდა. შეიძლება, იმ ში-
ზეზითაც, რომ პერსონაჟების უმეტესობა მოწყვე-
ტილია თავის სოციალურ გარემოს, მშობლებს, ახ-
ლობლებს, ერთგვარ ცხრაკლიტულში ჯალათთან
ერთად აღმოჩენილებს კი აგრესიული ამბოხებადა



დარჩენიათ მტრის წინააღმდეგ. მათი „სისხლიანი“ დიალოგი შემზარავ ჟლერადობას აძლევს მორალურ და ფიქოლოგიურ დაპირისპირებას, რასაც ხმირად თან სდევს ფიზიური სისასტიკე. ცინიზმით და ირონიით აღსავსე სიტყვები უმძლავრესი იარაღია მკვლელობისთვის.

იაპონური ცხოვრების კონცეფციის ზეგავლენით, ნოტომი თავის თხზულებებს უკიდურესობებზე, წინააღმდეგობებზე აგებს: ახალგაზრდობა და სიბერე, სილამაზე და სიმახინჯე, სიმსუქნე და სიგამზდრე, ადამიანობა და ლვთაებრიობა, უმნიკვლობა და სიბილნე. იაპონელთა ღირებულებათა ცენტრში ღირსება დგას; მნიშვნელოვანია, ყველა შემთხვევაში ისე მოიქცე, რომ სხვათა და საკუთარი თავის პატივისცემა მეინარჩუნო. აქედან გამომდინარეობს სულიერი და ფიზიური სიწმინდის თაყვანისცემა და უნმინდურობის სიძულვილი. იაპონური მხატვრობის მსგავსად, მის რომანებშიც დახვეწილად აისახება ჩრდილისა და ნათელის, სისრულისა და სიცარიელის დაპირისპირება; მაგ., ბუნება მის რომანებში მცირედ, პირობითადაა აღწერილი. ადამიანთა ურთიერთობაც სტილიზებული, მეტნაკლებად რიტუალიზებულია. მწერალი იაპონიის მადლიერია, რადგან მისი წყალობით მიაპყრო ყურადღება სილამაზეს, ისევე, როგორც სიმახინჯეს: „იაპონიაში ესთეტიზმი ღრმად არის ფესვგამდგარი და სილამაზით დაინტერესება აუცილებლად მისი საპირისპიროთი დაინტერესებასაც ნიშნავს.“ მას აჯადოებს იაპონური საოცრებები, უყვარდება სპე-

ტაკი თოვლი, რაც მის რომანებში აისახა. მისთვის იაპონელობა მშვენიერებისა და თაყვანისცემის წიაღში ცხოვრებას ნიშნავდა.

მოზარდობისას მარტოსული ამელი უფრო მეტად მიეჯაჭვა კლასიკურ ლიტერატურასა და ენებს. იგი გრძნობდა, რომ ენა და ლიტერატურა მუდამ მისი თანმდევი იქნებოდნენ, გონების ღუზად იქცეოდნენ, ამიტომ მისი პიროვნების განვითარება სიტყვების ფლობის ოსტატობას შეერწყა. რომანებში მისი ბევრი პერსონაჟი მოგვაგონებს ბერძნული თუ რომაული მითოლოგიის გმირებს; მწერალი სიტყვების ეტიმოლოგიასაც არანაკლებ ყურადღებას აქცევს. ნოტომი ხმირად სარგებლობს სიტყვის ორმაგი მნიშვნელობით. მაგ.: „მერკურში“ სიტყვა, რომელიც სამეურვეო ობოლს აღნიშნავს, თვალის გუგასაც ნიშნავს თარგმანში. ომერი ანარეკლით მანიპულირებს და აზელს წაართმევს მის საკუთარ მზერას იმით, რომ სახლიდან მოაშორებს ამრეკლავ ზედაპირებს, თვით სახელი ომერი კი ბერძნებრმა პოეტს, ჰომეროსს მოგვაგონებს.

რომანებში ნოტომმა მრავალჯერ გამოიყენა მითი ორფევსზე, ოღონდ სახეცვლილად. ევრიდიკეზე შეყვარებული პოეტი და მუსიკოსი ორფეესი ჯოჯოხეთში ჩადის სატრფოს დასაბრუნებლად. მაგრამ ევრიდიკე ვერ ასრულებს პლუტონისთვის მიცემულ პირობას და მეორედ და უკვე სამუდამოდ კარგავს ევრიდიკეს. ნოტომის სამყაროში ორფეესს აქვს როგორც ურჩხულის, ისე ამაღლებული ხელოვანის თვისებები. კრიტიკოსი იოლანდა ჰელმი მი-

ქინევს, რომ ნოტომი სახეს უცვლის მითის ყოველ კომპონენტს „მკვლელის ჰიგიენაში“. ევრიდიკეს სიკედილი ორფეების ნახელავი აღმოჩნდება ლეო-პოლდინა-პრეტექსტატის წყვილში. შემდეგ მწერა-ლი ტაში საყვარელ ქალს რომანების წერით ეძიებს. ნოტომი ისწრაფვის ევრიდიკეს მკვდრეთით ადგვო-მას ნინას პერსონაჟმი, რათა მან შური იძიოს ორ-ფეესზე. მწერალი გარდასახავს ევრიდიკეს მკვლელ გველს იმ ენად, რომელსაც მოკვლა ძალუძს. რო-მანში „მერქური“ ომერი აღნიშნავს ფრანსუაზას შე-სახებ: „ის გველია, რომელიც ჩემს ევას ელაპარაკე-ბა. რატომ ძალუძს სამოთხის განადგურება ისეთ სულელურ რამეს, როგორიცაა ენა?“ მწერლისთვის ლაპარაკი სხვის გასანადგურებლად ნიშნავს მეტა-ფორული თვალსაზრისით ერთადერთი აზრის მოხ-ვევას, ეს კი შინაგანად კლავს მსმენელს.

საინტერესოა ნოტომის დამოკიდებულება მეტაფორასთან. „მკვლელის ჰიგიენაში“ პრეტექსტატი მეტაფორის გამოყენებას მოვლენის ერთიანობაში, „მარადისობაში“ შეღწევის უნარს ანიჭებს. ის თავისი ცხოვრების მთავარ მოვლენას, ბიძაშვილის გაგუდვას, ტექსტის შექმნას ადარებს: „შეხედეთ თითებს, ხრტილებს რომ ანვებიან, ფორმვან სხეულში შედან, ამ ქსოვილში, რომელიც ტექსტად იქცევა“. ნოტომი მეტაფორის გამოყენებით მიზნად ისახავს, ჩვეულ წესებს წაართვას განსაკუთრებული ლირსება – სიყვარული ან მშვენიერება. მეტაფორა ადარ არის შედარება, რომელიც წარმოგვა-სახვინებს რეალობას სხვა რეალობის საშუალებით. მეტაფორა თავისთვად არის მნიშვნელოვანი.

ამელისთვის წიგნები არა მარტო თბილი კერაა, რომელიც გიცავს და ცხოვრებაში გეხმარება. ისინი მისთვის ბავშვობის ძირითადი შემცვლელია. კითხვა და გადაკითხვა სიამით აღავსებს მის ცხოვრებას, ბავშვობის შეგრძნებებს აპოვნინებს. აზელი „მერკურში“ აცხადებს, რომ ლიტერატურას გათავისუფლებაზე მეტი ძალუძს – ის მხსნელია. „მცვლელის ჰიგიენაში“ პრეტექსტატ ტაში აზუსტებს, რომ თეზისებიანი და ზუსტი ინფორმაციის მიმწოდებელი წიგნები კი არ ახდენენ შთაბეჭდილებას და გარდაგსახავენ, არამედ ისინი, რომლებშიც ასახულია მისწრაფება, სიამოვნება, გენიალური წიგნები და, განსაკუთრებით, მშვენიერი წიგნები.

ამელისთვის ძალზე ახლობელია ადამიანის ცხოვრების ტრაგიკული აღქმა, ბედისწერის მიღება ყველა თავისი საშინელებით, თუნდაც ეს სიკვდილი ან დაცემა იყოს. ცხოვრება განისაზღვრება, როგორც უწყვეტი შექმნა და მოსპობა დიონისურ თამაშში. დიონისეს, ორსახოვან ღმერთს, კეთილისმყოფელ და ავისმომტან, სიცოცხლისა და სიკვდილის ორბუნებოვან ღვთაებას, მოგვაგონებს ნოტომისეული სამყარო. ამელი აცხადებს: „ვფიქრობ, რომ ზრდა-განვითარება ჰეგელისეული პროცესია; ბავშვობა – თეზა, მოზარდობა – ანტითეზა, მონიფულობა კი – სინთეზი. საოცრად მიყვარდა ბავშვობა, რადგან ის შექმნა, კონსტრუქცია იყო, მძულდა მოზარდობის პერიოდი, რადგან ის მოსპობა, დესტრუქცია იყო, მონიფულობა კი ნიცშესეულია“. ნიცშეს ფილოსოფია დაფუძნებულია კონსტრუქციულ-დესტრუქციული დიონისეს ორბუნებოვნებაზე, იმავე

თამაშში რომ არის ჩართული – ხელოვანისა და ბავშვის თამაშში, რომელთაც ძალუძთ განვითარება და დაცემა, შექმნა და მოსპობა ყოველგვარი ზეკობრივი კატეგორიების მიღმა, მარადიულად თავიანთი მსგავსი უმანკოებით. ნიკშეს კითხვა ამერის აგულიანებს, რომ სიცოცხლე ესთეტიური თვალსაზრისით აღიქვას. მის თხზულებებში ადგილები, საგნები, აზრები და ადამიანები ესთეტიკის მიხედვით განიხილება. ნოტომის მრავალი გმირი ცხოვრების უკანასკნელ დღესაც კი ხელოვნების ნიმუშად აქცევს. რომანის წერის ხელოვნებაც ხომ მშვენიერების ძიებაში მდგომარეობს, მით უმეტეს, როდესაც შინაგან მტერს ებრძვი. მწერალი არ იზიარებს ნიკშეს ყველა თვალსაზრისს, მაგრამ მისი ფილოსოფია ნოტომისთვის კითხვების დასმის მარადი წყაროა. ფილოსოფობის გავლენით ამელი დარწმუნებულია, რომ ცხოვრებისეული ომის სკოლაში ყველაფერი, რაც არ კლავს, განავითარებს და აძლიერებს ადამიანს. ისევე, როგორც ნიკშესთვის, ნოტომისთვისაც ყველაფერი – მშვენიერი თუ შემზარავი ხელოვნებაში – გარდასახვის და ცოდვების გამოსყიდვის საწინდარია.

კრიტიკოსი კლარა დიუპონ-მონბლ აზრით, ნოტომი თავისი თხზულებებში ერთდება ნარსულ ტანჯვასთან პირისპირ დარჩენას. რომანში ყოველთვის გარდასახვაა წინნამონეული. ნოტომი აზუსტებს: „ლიტერატურა, რომელიც შეეხება ტკივილის უპირატესობას, სარგებლიანობას და მორალურ ფასეულობას, ამორალურია, ის თავს გვახვევს განდიდების ერთ-ერთ სახეობას. ლიტერატურული თემა არსებობს მხოლოდ მაშინ, როდესაც გარკვეულ მანძილს იკავს“.

საპირისპიროდ კრიტიკოს მარკ ლამბრინის აზ-
რისა, რომ თანამედროვე ლიტერატურულ ეპოქაში
იფურჩქენება „დესტრუქცია, მაზოხიზმი, ნიჰილიზ-
მი”, ნოტომმა კვლავ დაიკავა მებრძოლი ლიტერა-
ტურის პოზიციები. თუმცა ნოტომი ქალთა პოზი-
ციას იცავს, იგი უარყოფს ფემინისტის იარღიყს:
„ჩემი ფემინისტური ქცევა მოქალაქეობრივი, კანო-
ნიერი ქცევაა, რომელიც ბევრ სხვაგვარ საქციელ-
საც აერთიანებს, მაგალითად, ბრძოლას რასიზმისა
და უთანასწორობის ყოველგვარ ფორმასთან”. უამ-
რავი სოციალური კონფლიქტის ასახვით იგი უსინ-
დისობასა და თვალთმაქცობას ეპრძვის. მისი აზ-
რით, სოციალური ძალადობა, რომელიც იმალება
თავაზიანობის მიღმა, მას უფრო სახითაოს ხდის.
სწორედ ეს მოვლენაა აღნერილი რომანში „კრძალ-
ვით და ცახცახით”, სადაც მწერალი იკვლევს ძა-
ლაუფლებას და ეკონომიკურ სისტემას დაქვემდე-
ბარებულ ადამიანთა ფსიქოლოგიას, თან თანამედ-
როვეობას აკრიტიკებს. ნოტომი გვიხსნის, რომ თა-
ვის მიზანს ემსახურება; შეიძლება, ეს ბრძოლა უმ-
ნიშვნელოა, მაგრამ პოლიტიკის უმცირეს ნანილა-
კებს, ანუ სხესათან ურთიერთობას ეხება. ერთა-
დერთი ჭეშმარიტი შეკითხვა, რომელსაც ამელი ნო-
ტომი სვამს, არის „როგორ მოვახერხოთ, რომ ადა-
მიანთან ურთიერთობამ თვითგანადგურებამდე არ
მიგვიყვანოს? როგორ მივაღწიოთ ჭეშმარიტ ცივი-
ლიზაციას?”

ბელგიელ მწერლებს საერთოდ ახასიათებთ მებ-

რძოლი, თამამი, გამამხნევებელი სტილი, მათ ხომ ეროვნულობა უნდა შეინარჩუნონ, ამასთანავე წინამორბედი ფრანგული ლიტერატურის ფონზე წარმოჩნდნენ. ანდრე ბრეტონის აზრით, „ზრდასრული ადამიანებისთვისაც უნდა დაინეროს ზღაპრები”. ნოტომი თავის რომანებს ზღაპრის მნიშვნელობას ანიჭებს და აცხადებს, რომ საჭიროა „რეალობას ნაკლული ნაწილი შევძინოთ”. მისი სიახლოვე სიურეალიზმთან აგრეთვე იუმორისტულ და მოულოდნელ განსაზღვრებებში, უცნაურ შედარებებში ცხადდება.

კრიტიკოსი სესილ შილბერი აღნიშნავს, რომ ამჟამად ლიტერატურის მრავალჯერადი „შევიწროების“ მოწმენი ვართ: ის ან „ეგოცენტრულია“, ან სექსუალური და სოციალური უბადრუების წარმოჩენას ცდილობს. ნოტომი, თავის მხრივ, სექსუალობის გადაჭარბებულად აღწერას ერიდება. მწერლის აზრით, „ზოგჯერ რამის სახელდების მცდელობა ანგრევს მას“.

ნოტომის „განმნენდ იუმორს“ ხშირად ახსე-
ნებენ ჟურნალისტები. მისი მსუბუქი, ზოგჯერ მნა-
რე იუმორი არასდროს იქცევა პათეტიკურად ან
მელანქოლურად. რაც უფრო სერიოზულია თემა,
ნოტომი მით უფრო მსუბუქად საუბრობს მასზე;
იუმორიც ხშირად მის უცნაურ თვალსაზრისს ასა-
ხავს ადამიანთა ურთიერთობის უზნეობაზე. ეს
მწერალს საშუალებას აძლევს, შემოვლითი გზით
აღნეროს მტკიცებული ვითარებანი და შენიღბოს
მეტისმეტად ინტიმური მხარეები, რასაც იგი „უხამ-
სობას“ უწოდებს.

ნოტომისთვის ირონია უბრუნდება პერძნული სიტყვის არსა, რომელიც გამოკითხვას ნიშნავს. იგი რეალობას ეკითხება, რაც შეცნობის ერთ-ერთი ფაქტორია. მნერალი გესლიან სოციალურ კრიტიკას იყენებს. ეს ირონია მის თხზულებებში ამაღლებული კრიტიკოსი ეველინ ველვერტი აღნიშნავს: „ცინიზმი და-ფარავდა მხოლოდ იმას, რომ სუსტი და მგრძნობი-არე, ისევე, როგორც გულანთებული ადამიანი, თავ-დავიწყებით შეუდგებოდა რამის შექმნას, რათა სა-კუთარი თავი მძლავრად და დიადად წარმოეჩინა“. რომანებში ნოტომს უამრავი ცინიკოსი პერსონაჟი გამოჰყავს, მაგრამ ფიქრობს, რომ ლირსეული ცი-ნიზმი ჭეშმარიტი ინტელექტუალური სკოლა, ნინი-და წყლის, რთული ასკეტიზმია: „ამჟამად ცინიზმს უწოდებენ ადამიანის განადგურებას გონების მოხ-მობის გარეშე. მე არ ვნერ ცინიკურად“.

ნოტომი აშკარად არცერთი გმირის მხარეს არ არის, შესაბამისად, არჩევანს უტოვებს მკითხველს, რომელსაც ზოგჯერ ჰერიტინია, რომ მწერალი სიკეთის მხარეზეა, მაგრამ საბოლოოდ, შესაძლოა, საპირისპირო გაირკვეს. როდესაც ერთმა უურნალისტმა ამელის მკითხველთა სექტა ახსენა, მან უპასუხა: „თუკი არსებობს რაიმე სექტა, მე ნამდვილად არაფერ შუამი ვარ, და უუჭველად, გურუ არა ვარ. იყო გურუ – გულისხმობს, რომ რამე უნდა ასწავლო კაცობრიობას, მე კი ვერავის ვერაფერს ვასწავლო“.

ზოგ კრიტიკოსს მოსწონს მისი სრულყოფილად თრიგინალური სტილი, სხვები კი ექსცენტრულო-

ბისთვის კიცხავენ, რაც მას მარგინალურ ავტო-
რად აქცევს. გვაგონდება პრუსტის აზრი, რომ
„...მნერლისთვის სტილი, ისევე, როგორც მხატ-
ვრისთვის ფერები, არა ტექნიკის, არმედ წარმო-
სახვის საკითხია. ის ზემთაგონებაა.... „ და ყველა
ადამიანის მიერ სამყაროს თავისებურ აღქმაზეა
დამოკიდებული.

ამელი ნოტომი არ ქმნის ესთეტიკურ თეორიებს, არ გვთავაზობს არცერთ დოქტრინას, თუმცა ლიტერატურას „აღქმის უნარზე მუშაობად“ მიიჩნევს. ცდილობს, თვალსაზრისის სინმინდე აღმიაჩინოს; უარყოფს გულგატებილობას და სამყაროს გაოცებით აღიქვამს. მწერალი ტაში („მკვლელის პიგიენა“) აცხადებს, ჩვენი ფილოსოფიური ქვა თვალსაზრისის შეცვლა არის: „სინამდვილეში, ახალი რომანის თეორეტიკოსები დიდი მატყუარები იყვნენ: ჭეშმარიტება ის არის, რომ შემოქმედებაში არათერი შეცვლილა. უფორმო და უაზრო სამყაროს პირისაპირ მწერალი იძულებულია, დემიურგის როლი შეასრულოს“.

ამელი, როგორც დალის „გენიოსის დღიურის“
თაყვანის მცემელი, ბელგიურ სიურეალიზმს მიე-
კედლება. უაკ დე დეკერი იმასაც აღნიშნავს, რომ
ნოტომს გააჩნია „პრიუსელის ჯგუფის“ წევრების
ნიშნები: სკუტენერის სათქმელის ჩამოყალიბების
უნარი, მარიენის განმრმენდი იუმორი, პოლ ნეუეს
პარადოქსალური მიღვომა. იგი გასული საუკუნის
უდიდესი ბელგიელი პოეტის, ანრი მიშოს მემკვიდ-
რედაც გვევლინება. მრავალმხრივი მწერალი თა-
ვის თავს აღიქვამს „სიურეალიზმის ჩვეულ ასპექ-
ტში, რომელიც ბანალური ელემენტის ცამდე აყ-
ვანაში მდგომარეობს. ყველაფერი დამოკიდებუ-
ლია იმაზე, თუ რომელი მხრიდან შეხედავთ რეა-
ლობას“.


დღემდე არ წყდება კამათი იმაზე, თუ რამდენად ავტობიოგრაფიულია მისი რომანები და რა არის მათში გამოგონებული. თუმცა რა მნიშვნელობა აქვს?! ერთგული მკითხველები, ვისაც ხშირად ხვდება სხვადასხვა ქალაქებში და რომლებიც ყველა სოციალურ თუ კულტურულ წრეს განეკუთვნებიან, ენდობიან მას და მოუთმენლად ელიან ახალ, უკიდურესად გულწრფელ რომანებს. ამელი ნოტომს ყველაზე დიდ ქათინაურად მიაჩნია, როდესაც ვინმე ეუბნება, რომ მისი რომანების წაკითხვის მერე დაინტენი ან კვლავ შეუყვარდა კითხვა. მისი აზრით, ადამიანისთვის კითხვის შეყვარება ყველაზე მშვენიერი მისიაა, რაც კი მას შეიძლება პერნდეს დედამიწაზე. იგი ეთანხმება პრუსტს იმაში, რომ ყოველი ადამიანი კითხვისას საკუთარი თავის მკითხველია. მნერლის თხზულება ხომ მხოლოდ ერთგვარი ოპტიკური ინსტრუმენტია, რომელსაც ის სთავაზობს მკითხველს, რათა დაეხმაროს იმის მიხვედრაში, რაც თვითონ ვერ შეამჩნია. ნოტომის რომანებში დიდი მისია ეკისრება „იდეალურ მკითხველსაც“, როგორც მნერლის თანაშემოქმედს. ამელი ამბობს, რომ მუდამ შეიძობს, იმედი არავის გაუცრუოს. თუმცა ეს, ალბათ, არ მოხდება, მისი თხზულებები ხომ ნების-მიერ ადამიანს უტოვებს ალქმის და თავისი თვალსაზრისის ქონის თავისუფლებას და მათ ფანტაზიას ფრთხოებს ასხამს.

გიორგი ფირცხალაიშვილი

ცოტნე ცხვედიანის „მაიაკოვსკის თეატრი”

„ყველაფერი, რასაც ადამიანი აკეთებს საკუთარ სიმბოლურ სამყაროში, არის მცდელობა, უარ- ყოს და გადალახოს თავისი ვროტესკული ბეჭი. ის პირდაპირ ეშვება თავდავინყებაში - სოციალური თამაშებით, ფსიქოლოგიური ხრიკებით და პირადი გატაცებებით, მისი რეალური მდგომარეობისგან იმდენად შორეულით, რომ ყველაფერი ეს ნარმოადგენს შეშლილობის ფორმას - შეთანხმებულ შეშ- ლილობას, კოლექტიურ შეშლილობას, შენიბბულ და კეთილშობილ შეშლილობას, მაგრამ სწორედაც რომ შეშლილობას”.

უაკელული „პოლიტიკური ილუზია”



ინდივიდუალიზმის ილუზია

ფსიქონალიტიკოსის და სოციალური ფილოსო- ფოსის, ფრანკფურტის სკოლის ნარმომადგენლის ერის ფრომის აზრით, ანტიკური ტრაგედიის და- ნიშნულება ადამიანური არსებობის მთავარი პრობ- ლემბის ნარმოჩენა იყო. მაყურებელი, რომელიც არ ნარმოადგენდა მაყურებელს თანამედროვე გა- გებით, ანუ მომხმარებელს, უერთდებოდა მოქმე- დებას და ყოველდღიურობის სფეროდან გადადიო- და ზოგადადადმიანურის სფეროში, განიცდიდა რა საკუთარ ადამიანურ საზრისს. თანამედროვე კულ- ტურაში ადამიანის ყოფიერების დრამატიზაციისა- გან თითქმის აღარაფერი რჩება. ადამიანი ფაქტიუ- რად არ გადის საკუთარი გამომუშავებული საგნე- ბისა და გამოგონებული შეხედულებების სამყარო- დან და თავისი განაწყენებულობის ჩარჩოში რჩე- ბა. „მაიოკოვსკის თეატრი” ფრომის ამ მოსაზრების თვალსაჩინო ილუსტრირებაა. მოდერნის ეპოქის ადა- მიანი ცხოვრობს იმ ილუზის მდგომარეობაში, რო- მელშიც ფიქრობს, რომ იცის რა სურს, მაშინ როცა მას სურს ის, რაც უნდა სურდეს გაბატონებული

იდეოლოგიით ნაკარნახევი შაბლონის მიხედვით. ადამიანი ექვემდებარება არა პირდაპირ უხეშ ძა- ლას, არამედ ანონიმურ ძალაუფლებას და იღებს ისეთ „მეს”, რომელიც არ ნარმოადგენს მის არსს. და რაც უფრო მეტად აკეთებს ამას, მით უფრო და- უცველად გრძნობს თავს. შესაბამისად, სულ უფრო მეტად უნევს დაქვემდებარება. რომანში ხშირად შევხვდებით იმ მზა სოციალურ შაბლონებს და იდენ- ტობებს, რომელზეც ერის ფრომი საუბრობს და რომლებიც ინდივიდუალიზმის აღმნიშვნელებად იქ- ცნენ. მათ უკან კი თვითობის, შინაარსის ნაცვლად იმიჯების სოციალური კაპიტალდაბანდებაა. რო- მანში ასეთები არიან „როცერები”, ანარქისტები, სხვადასხვა ტიპის ელიტები, მედია, რომელიც მი- თებს ანარმოებს და ყიდის და ა.შ. რომანში ასახუ- ლი პერსონაჟების მიხედვით, შეგვიძლია პირობი- თად გაემიჯნოთ ლეგიტიმური შაბლონები და შაბ- ლონები, რომელთაც აქვთ არალეგიტიმურობის პრე- ტენზია, მაგრამ სისტემისთვის ისეთივე ლეგიტი- მურები არიან. ლეგიტიმური შაბლონი ემთხვევა თა- ნამედროვე მარკეტინგული კაპიტალიზმის ნარმო-

ბაზულ სურათხატებს ნარმატების შესახებ, თანდარ-
თული ინდივიდუალიზმის ხაზგასასმელი მზა კომ-
პონენტებით, კორპორატიული „რევოლუციონერო-
ბით“ თუ კონკურენტუნარიანი „ამბოხებებით“ ბა-
ზარზე. შაბლონები, რომელთაც აქვთ არაფორმა-
ლობის, სისტემისგან გასულის პრეტენზიები, მაგა-
ლითად, ანარქიზმი, რომელსაც ცვლილების პოლი-
ტიკური პრეტენზის ნაცვლად, ანარქიზმის ვულ-
გარული გაგება კვებავს, როგორც განსხვავებუ-
ლის, და ეს ანარქიზმი სჭირდება იმდენად, რამდე-
ნადაც ამ განსხვავებულობას დააფიქსირებს საზო-
გადღებაში. სხვაობა მათ შორის ალბათ რაოდენობ-
რივია და არა თვისობრივი. სწორედ ამ ტიპის ანარ-
ქისტებთან (ან შესაძლოა ზოგადად ანარქისტებ-
თან, როგორც რეალური ცვლილებებისთვის მებ-
რძოლ პოლიტიკურად უუნარო რომანტიკოსებთან) ურთიერთობა თუთას, რომანის მთავარი პერსონა-
ჟის, ფრუსტრირებისა და პოლიტიკური ცნობიერე-
ბის განვითარების ერთ-ერთი ფაზაა, როცა რეა-
ლობის ნაივური გაცნობიერება გადადის კრიტი-
კულ გაცნობიერებაში. ხოლო პირველი შემთხვევა,
თუთას მეგობარი ნენეა, რომელთან ერთადაც პა-
თეტიკურობანას თამაშობენ და ყველა იმ რევოლუ-
ციურ ფრაზას გაიძახიან, რომლისაც ოდესალიც სწამ-
დათ, რათა თუთამ შეიძულოს ყველა ეს მოწოდება
და ამ გზით შეძლოს დაძლიოს საკუთარი ნაივურო-
ბა, მეამბოხე იდეალიზმი. ნენე პოზიტივის დღესას-
ნაულებს აწყობს და მოუწოდებს ხალხს ხშირი გა-
ლიმებისკენ („მსმა ხელოვნურმა ღიმილმა შეცვა-
ლა გულწრფელი სიცილი, იგი განიცდის უიმედო-
ბის უსიცოცხლო გრძნობას, ნაცვლად ნამდვილი
ტკივილისა“ - ერის ფრომი). ნენემ არ იცის, რომ
ღიმილი და პოზიტივი სპონტანური და ნატურალუ-
რი მდგომარეობაა. ის ბრძანდ იმეორებს ნეოლიბე-
რალური მარკეტინგული პოლიტიკისთვის დამახა-
სიათებელ ერთ-ერთ ცენტრალურ შაბლონს მეტი
ღიმილის და პოზიტივის შესახებ, ანუ მეტი სიმუ-
ლირებისკენ. სიმულირება კი ნიშნავს, ნაკლებად
დაუპირისპირდე რეალობას, ან მაქსიმუმ - გამომუ-
შავებული ღიმილი დაუპირისპირო.

თუ თანამედროვეობის თვალთახედვით შეცხე-
დავთ, ფრომის კრიტიკა დღეს აღბათ უფრო რადი-
კალური იქნებოდა, რადგან იმ დროს ჯერ კიდევ
ისახებოდა სამომხმარებლო საზოგადოების კონ-
ტურები, ხოლო იმიჯების და სამომხმარებლო ფე-
ტიშის მანარმოებელი პიარ- და სარეკლამო ტექნო-
ლოგიები ისეთი განვითარებული არ იყო, როგორც
დღეს. კონსუმერიზმს, ელიტარულობას, იერარქი-
ულ სოციო-ეკონომიკურ სტრუქტურას, 60-70-იან
წლებში არაერთი საპროტესტო გამოსვლა მოჰყვა,
როგორც ევროპაში ისე ა.შ.შ.-ში. ამავე სულისკვე-
თების პროტესტს ატარებდა როკ-ჯგუფებისა და
როკ-შემსრულებლების დიდი ნანილი, შემდგომში
კი პანკი. ამ თემასთან დაკავშირებით, რომანში ერ-
თი მნიშვნელოვანი დეტალია, ჯინისების თაობის მა-
მებს გვერდივგვერდ ეკიდათ მორისონის და რეიგა-
ნის ფოტოები. შესაბამისად, არც ერთის ესმოდათ
და არც მეორის, რადგან გადმოღებული იყო და-
სავლურობის ან უბრალოდ ანგისაბჭოურობის იმი-
ჯები და არა შინაარსები და პროცესები.

თუთას კომიკურობა განპირობებულია არა მისი სიყალბით, არამედ სწორედ გულწრფელობა სძენს მას კომიკურობას. მათთვის, ვისთვისაც შეუმჩნეველია დომინანტური იდეოლოგიის სოციო-პოლიტიკური განპირობებულობა საზოგადოებრივ ცხოვრებაზე, თავისუფალი ნების უკან ამოფარებული იეროგლიფების ამოკითხვა, მათი ფსიქოსოციალური დეტერმინანტების ზემოქმედების გააზრება, დაწყებული ბავშვობიდან, საგანმანათლებლი სისტემით, სოციო-ეკონომიკური სტრუქტურით, გაგრძელებული კულტურული სივრცით, საგნების სამომზმარებლო ფეტიშიზაციით და მთლიანობაში გარკვეული ღირებულებების წარმოებით, რომელიც ადამიანის ხატზე კონკრეტულ წარმოდგენას ქმნის, თუთას დაპირისპირება ქარის წისქვილებთან ბრძოლას დაემსგავსება, წისქვილთან, რომელსაც არ გააჩნია სისავსე და რომლის უკანაც მშვიდად და კომფორტულად იმალებიან ჩაგვრის სტრუქტურული ფორმები. ამავდროულად, თუთა იაზრებს კიდეც თავის გროტესკულობას და მთავარი პრობლემაც იმაში მდგომარეობს, რომ ეს გააზრება არაფერს ცვლის, რადგან სისტემის უზარმაზარი წისქვილის წინააღმდეგ ის ვერ ახერხებს თანამოაზრების შემოკრებას. ჯანყისთვის კოლექტივის გაფართოების მცდელობები საბოლოოდ მარტოობამდე მიიყვანს. „თანამოაზრებით“ იმედგაცრუებული თუთა ცდილობს, რევოლუციურ კლასთან, მუშებთან დაახლოებას, მაგრამ მათთან ადეკვატური კომუნიკაციის დამყარებას ვერ ახერხებს. აյ ადამიანური გაუცხოების მომენტს ვაწყდებით, რომელსაც ერის ფრომი არაერთ თავის ნაშრომში განიხილავს და ამ გაუცხოებას თანამედროვეობის ერთ-ერთ მნიშვნელოვან ნიშან-თვისებად გამოყოფს. თავისი ერთ-ერთი ყველაზე ცნობილი ნაშრომის „თავისუფლებისგან გაქცევა“ 25-ე წინასიტყვაობაში წერს, რომ ინდუსტრიული ცივილიზაციის პირობებში, მართლია, გაჩნდა გარკვეული თავისუფლებები, იზფორმაციული პლურალიზმი და ა.შ. მაგრამ კონკურენციაზე აგებულ სისტემაში ადამიანები ერთმანეთის-გან გათიშულები და იზოლირებულები არიან. შესაბამისად, ნევროტულ, ფსიქიკურ აღლილობებს არამხოლოდ ინდივიდუალურ, არამედ სოციო-ეკონომიკურ საწყისებსა და მის მიერ წარმოებულ ღირებულებებში ხედავს, რომლებიც ადამიანის თვითაღებაზე ზემოქმედებენ. თუთა საბოლოოდ საკუთარი იზოლირებულობის ტყვეა, რომელმაც იცის ამ იზოლაციის შესახებ, მაგრამ მის მიღმა ვერ გადის და ამავდროულად განწირულია დარჩეს პაროდიულად, რადგან სივრცეში, რომელშიც ცხოვრობს „პოზიტივის დღესასწაულები“ ნაკლებ პაროდიულად აღიქმება, ვიდრე მისი წინააღმდეგობა. თუთა უარს ამბობს კულტურის მიერ შემოთავაზებულ დამამშვიდებლებზე. საბოლოოდ, მისი დესტრუქციული ძალა მიემართება არა გარეთ, სამყაროს მისამართით, არამედ შიგნით, საკუთარი თავის ნგრევისკენ. ეს თვითგამანადგურებლობა გაცნობიერებული თუ არა, სულ მცირე, ნაგრძობია. რაც ვლინდება რომანის ბოლოსკენ, როცა თუთას სიკვდილის სხვადასხვა სცენარი იწერება. ამის შესახებ რომანის დასაწყისში ვიგებთ, მაგრამ რომანის დასასრული,


რომელიც თითქოს უპრუნდება დასაწყისს, ახლებურად გვაკითხებს ამ სცენარების მნიშვნელობას. ამ თავს ერის ფრომის ციტატით დავასრულებ: „ჩვენ ვამაყობთ იმით, რომ ჩვენზე არ ახდენს ზენოლას გარე ძალა, რომ ჩვენ თავისუფლები ვართ გამოვსატოთ ჩვენი აზრები და გრძნობები, და დარწმუნებული ვართ რომ ეს თავისუფლება ავტომატურად უზრუნველყოფს ინდივიდუალობის გამოვლენას. მაგრამ უფლებას გამოხატო საკუთარი თავი, მხოლოდ იმ შემთხვევაში აქვს აზრი, თუ ჩვენ შეგვიძლია გაგვაჩნდეს საკუთარი აზრები”.

მუნჯი მეტყველება

ფრანგი ფილოსოფოსი ჟაკ რანსიერი ნაშრომში „არაცნობიერის ესთეტიკა”, აღნიშნავს, რომ ფსიქოანალიტიკური თეორიის საშუალებით, იმაშიც კი, რაც არ შედის კლინიკურ ტერიტორიაზე, თავისთვად შეიძლება აღმოვაჩინოთ აზრის არაცნობიერი მოდუსი, ხოლო ხელოვნების ნაწარმოებთა ტერიტორია არის სივრცე, რომელშიც ამგვარი არაცნობიერი განსაკუთრებით მნიშვნელობს. შემოქმედება ფსიქიკის სიღრმისეული მოთხოვნილებაა. ცხოვრებაში აღგზნება მხოლოდ მცირედი ნაწილით ხორციელდება. ის ნარმოიქმნება ნერვულ სისტემაში და შესაძლებლობისა და განხორციელებულის, პოტენციურისა და რეალურის ნაშთია. რომანში „მაიაკოვსკის თეატრი“ მთავარი პერსონაჟის - თუთას რამდენიმე ზღაპარს, ერთ ლექსს და ვლადიმერ მაიაკოვსკის პიესის „მისტერია ბუფის“ ადაპტირებული ვერსიის მცირედ ნაწილს შევხვდებით. ფსიქოა-

ნალიზის ერთ-ერთი ცენტრალური დებულების თანახმად, ადამიანი არის არა მხოლოდ ის, რასაც ვერბალურად და ქცევით გამოხატავს, არამედ ისიც, რასაც არ ამბობს და მოქმედებაში არ ახორციელებს. ანუ რასაც არ ახმოვანებს საკუთარი თავის შესახებ. ამ შემთხვევებაში იგულისხმება არაცნობიერი და არა აზრები ან ქცევები, რომელთა გამოხატვისგან ადამიანი გაცნობიერებულად იკავებს თავს. ამგვარად, თუთას მხატვრული ტექსტების მეშვეობით შეგვიძლია მოვიხელოთ ის, რაც რომანის ჩვეულებრივ ნარატიულ თხრობაში არ ჩანს. ამ თავის მცდელობაა, წაკითხოთ ავტორი თუთა რომანში გაშლილ მის ბიოგრაფიულ პერიპეტიებთან სინთეზში და არა ავტორი ცოტნე ცხვედიანი, როგორც ორივე ტექსტის შემოქმედი.

თანამედროვე ფსიქიატრიის პოზიციებიდან, თუთას განვლილი გზა შეიძლება შეფასდეს, როგორც გზა მცირე ფსიქიური აშლილობიდან კლინიკურ შედეგამდე, რომელშიც არც ადრეულ ასაკში და არც შემდგომ არ მომხდარა პროფესიული ჩარევა. ამავე პროფესიული პერსპექტივიდან, თუთა თეატრს, როგორც პოტენციური პაციენტი, ისე მიმართავს და არა როგორც ხელოვანი. არტთერაპია თეატრის გზით ერთ-ერთი აპრობირებული მეთოდია ფსიქოთერაპიაში. რომანის ეს ეპიზოდი შეგვიძლია განვიხილოთ, როგორც სუბლიმაციის კულტურული ფორმა, არარეალიზებული ქცევითი ტენდენციების მორალური და ემოციური კონფლიქტებისგან „განწმენდის“ იდეალური საშუალება. თუმცა ამგვარი ვიწრო პროფესიული წაკითხვა გამოგვატოვე-



ბინებს თუთას რეფლექსისას სამყაროზე, მის აღ-
ქმას და ანტაგონიზმს ჩაიგვრელ სისტემურობას-
თან და მის ჩართულობას თეატრში მხოლოდ თერა-
პიულ აუცილებლობად განვიმარტავს.

თუთას ერთ-ერთ ზღაპარში თხუნელა წყლის ვირთხას, რომელსაც წყალში ჩასვლის ეშინია, ცურვას ასწავლის. თხუნელა წყალში ჩავა და იქედან ალარ ამოდის. ელოდება წყლის ვირთხას, მაგრამ წყლის ვირთხა უყურებს მას და მაინც ვერ ბედავს წყალში ჩასვლას. გადის წლები, თხუნელა კი კვლავაც აგრძელებს საჩვენებელ ცურვას, მაგრამ წყლის ვირთხა ხანდახან თუ გახედავს მას. ერთხელაც წყლის ვირთხა თხუნელას წყალში ვეღარ დაინახავს და შეშინებული შევარდება შიგნით. ასე სრულდება ამბავი. რას გვეუბნება თუთას ზღაპარი „წყლის ვირთხაზე და თხუნელაზე“ თავად თუთას შესახებ? ამ შემთხვევაში ზღაპრის იდეა საინტერესოა იმდენად, რამდენაც შეუძლია ჩაუღრმავდეს თავად ზღაპრის ავტორს. ეს ზღაპარი არაფერს ისეთს, ახალს არ ამბობს თუთაზე, რასაც თავად რომანი შემდგომში არ გვეტყვის. უბრალოდ, ნინ უსწრებს მოვლენათა ქრონილოგიას. იმას, რაც ჯერ არ მომზდარა, მაგრამ აუცილებლად მოხდება, რადგან თუთას თავისი ფსიქური პროდუქტის სიმბოლური პრინციპი გადააქვს ცხოვრებაში. მანამ აგრძელებს ცურვას, სანამ ზღვის ჰორიზონტი ან ზღვისავე ფსკერი არ შთანთქავს მას. ის მანამდე იცურებს, სანამ წყლის ვირთხა ცურვას არ ისწავლის, სანამ არ დაძლევს წყლის შიშს, ხმელეთზე მშვიდად მოძრაობის კომფორტს. თუთას ცხოვრებაც მისავე დაწერილ ტექსტს მიჰყვება კვალდაკვალ, მის ფუნდამენტურ ხაზს, თუმცა ჩვენ ზუსტად არ ვიცით, ფინალის მხოლოდ ვარაუდი შეგვიძლია, თუთას გაუჩინარებამდე ცურვას მოჰყვება თუარა ის სასურველი დასასრული, რომელიც ზღაპარშია? ალბათ არა. ვირთხას ვერ გაბედავს ცურვას (ვინ არის წყლის ვირთხა? ცოტნე ცხვედიანისთვის წყლის ვირთხა შესაძლოა მკითხველია. თუთასთვის კი ვირთხა მისი ძმაა). თუმცა ეს არ გამორიცხავს თავად ცურვის სწავლის შესაძლებლობას. ოპტიმიზმი, რომელიც ახლავს თუთას ზღაპარს, არ ახლავს რეალობას, რომელშიც ის ხანგრძლივი დაუბანლობით და განმეორებადი სუიციდური პრელუდიებით თავისივე დაწერილი ზღაპრის მეტაფორას ემსგავსება, ხავსმოდებულ თხუნელას, რომელიც მაინც აგრძელებს ცურვას და ამ ცურვაში ტრაგიკულსა და პაროდიულს შორის მონაცვლეობს. ეს ის შემთხვევაა, როცა ფანტაზია საკუთარ ჭეშმარიტებას ახორციელებს ჯერ ესთეტიკურ-სფეროში და შემდეგ ცხოვრებაში.

თუთას პროტესტი გაბატონებული წესრიგის წინააღმდეგ იწყება ჯერ კულტურულად, მისი თანმდევი დაპირისპირებით მამასთან, როგორც პატრიარქალური სისტემის ცენტრალურ ფიგურასთან, და გრძელდება ჩაგვრის სოციო-ეკონომიკური ას-კეტების გააზრებით. ანუ მისა ჯანყი ლოკალური სივრციდან - ოჯახი - გადაიზრდება მთლიან საზოგადოებრივად. კულტურული დაპირისპირება იძენს პოლიტიკურ დატვირთვას, ცვლილების არამხოლოდ კულტურულ, არამედ პოლიტიკურ პრეტენ-

ზიას. თუ თუთასეული ვერსია „იკაროსის მითისა“ ერთ-ერთ თემად მამასთან დაპირისპირების, შვილის, როგორც ალტერნატიული, ახალი გზის მაძიებლის საკითხს წამოჭრის (მამისადმი მიმართებას შემდგომში მისი ძმა განსხვავებულად იაზრებს და ცდილობს დაინახოს ის გარემო-მნიშვნელები, რამაც მამა აქცია „მამად“) და უფრო ადვილად წასაკითხი ფსიქიკური პროცესის სახე აქვს. ლექსი „ჰელიოგაბალუს“, რომელიც პრეზიდენტის სახით ნებისმიერი ტიპის ძალაუფლების მძყრობელზე განზოგადება, უფრო საინტერესო ფსიქიკური პროცესის შედეგია. თუთას ღამძამობით პრეზიდენტი ესიზმრება და სთხოვს, მის სექსუალურ ობიექტად იქცეს, ამგვარად კი ძალაუფლებისგან განიარაღდეს. ამ სიზმრების შემდეგ იწერება თუთას ზემოს-სწრული ლექსი, სადაც პრეზიდენტს მოუწოდებს, მიეცეს ყველა ღარიბძა და ღატაკს, ქალსა და კაცს, რათა ჰელიოგაბალუსივთ, რომის იმპერატორი-ვით, გაუთანაბრდეს თავის ხალხს და ამ ეროტიკული ჟესტით უარყოს საკუთარი ძალაუფლება და ღრმოლვა მისადმი. უნდა ვივარაუდოთ, რომ ჰელიოგაბალუსის შესახებ თუთას ჯერ კიდევ სიზმრებამდე ამოეკითხა ან მოესმინა სადღაც. თუ რომანის თეატრალურ თემას შევყვებით, გამორიცხული არაა, ანტონენ არტოს წიგნი „ჰელიოგაბალუსიც“ წაეკითხა და ეს ერთგვარი ალუზიაც იყოს. ამ ინფორმაციას და თუთას სურვილს კი არაცნობიერი საკუთარი ქვეყნის პრეზიდენტის მიმართ გადათარგმნის და აქ ალბათ საბოლოოდ მყარდება ძალაუფლების მძყრობელის მისეული იდეალი, რომელსაც შემდგომში მხატვრული პროდუქტის სახე მიეცება. მნიშვნელობა არ აქვს, მხატვრულად ლირებულის თუ არა, ეს პერსონაჟის ღრმა და რთული, როგორც კოგნიტური ისე ემოციური ფსიქიკური ჯაჭვია. რომანის, ისევე როგორც თუთას, დასასრული კონცეპტუალურად ეკვრის ამ თემას, რადგან თუთა საბოლოოდ პრეზიდენტის ცხვირზე ამოსულ ნყლულად იქცევა. ნყლული ერთი მხრივ, თავად ამ პერსონაჟის მეტაფორა, ხოლო მეორე მხრივ, მისი შესაძლებლობის ნიშნული, მაქსიმუმი, რადგან რაც მას ამ საზოგადოებრივ სივრცეში შეუძლია გააკეთოს, ესაა - ნყლული გაუჩინოს ძალაუფლების მფლობელს.

რომანში კიდევ ერთი ზღაპარია, მფრინავ ფეხსაცმელებზე, რომლის ინტერპრეტირებისგანაც თავს შეგნებულად შევიკავებ. ამ შემთხვევაში ასო-ციაციური ბმები წარმოსახვითობასა და როგორც ზღაპრამდელ, ისე ზღაპრისშემდგომ რეალობას შორის საკმაოდ ბევრია და ინტერპრეტირების უფრო ფართო ველიც აქვთ, ხოლო მეორე მხრივ, დატვირთულია ლია ალუზიებით. ვიღაცას „ზეცის ფსკერის“ მობინადრეთა ტრაპეზმა თუთას მამის რესტორანში, შესაძლოა, ლუის ბუნუელის „ვირიდიანას“ ერთ-ერთი მნიშვნელოვანი ეპიზოდი გაახსენოს, რომელიც თავის მხრივ ალუზია ბიბლიურ პასაჟზე, ხოლო თუთაში არშემდგარი ქრისტე დალანდოს, რომელსაც სიკეთის ან გმირობების კეთება ნერვულ აკვატებაში აქვს გადაზრდილი, ხოლო მის მონამეობრივ სწრაფვაში ნაციისი იმაღლება.

საქართველოს კულტურული მეცნიერებების აკადემია

59/75

ტელ: 577 747-719
ელ-ფოსტა: info@arilimag.ge

